





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.0.595





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.595




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.595





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.595

2. 6. 595.

XL
SCHLEG
in Loc. MAT







CHRISTOPHORI SCHLEGELII,
S.S. Theol. Doct.

E N O D A T I O

Loci scripturæ S. difficillimi
MATTHÆI XXII, v. 3. & II.

De

AGRO SANGVINIS

Et Prophetia circa Eundem
allegatâ,

Iteratâ curâ publicæ commissâ
luci

ab Autoris Filio

M. Christophoro Gottlieb Schlegelio,
S.S. Theol. Cultore.

HAMBURGI
apud GOTHOFREDUM Schulzen.
1675.



V I R O
^{Qua}
GENERIS AVITI
NOBILITATEM
VIRTUTUM PRÆSTANTISS.
SPLENDOREM,
SUMMORUM MUNIORUM
DIGNITATEM,
UNDIQUAQ.
EXCELLENTISSIMO
DOMINO
JOHANNI WILHELMO
à REICHEL,
EQUITI SILESIO,
HÆREDITARIO IN MAGNITZ ET
ZOM GARDEN.
REVERENDISSIMI AC SERENISSIMI
EPISCOPI LUBECENSIS DUCIS HOLSAT. ET
SLESVVIC.
CONSILIARIO INTIMO
DITIONISQ. EPISCOPALIS VTINENSIS
PRÆFECTO SPLENDIDISSIMO
DOMINO ET PATRONO
OMNI OBSERVANTIA CULTU
DEVENERANDO
S.

Natale Solum cunctos dulcedine suâ ducere testis est Poëta ille
 Sulmonensis. Patria quippe, uti vitâ donatos benignè recipit,
 ita Amorem sui vicissim ingenerat. Neq. Terra tamen hoc Pa-
 tria venit nomine, sed animæ potissimum eam inhabitantes,
 præprimis verò Mentes illustres, quarum Virtute Solum Pa-
 trium Splendorem accipit & Decus, Patres Patria, Musarum Præsides &
 Patroni, quos in sublimi constituit Fortuna, ut quocunq. sese vertant ista
 Lumina Patria quoq. nitore radios suos exerat. Quid ergo mirum, VIR
 NOBILISS. atq. EXCELL. Si Te sponte suâ, haud secus ac à magnet
 occulta quâdam vi Boream versus attractus, sequatur Genius meus? SILE-
 SIAM scilicet (vavisimam his oris in Te conspicio; TIBI enim contulit Pa-
 tria, quæ habuit præstantissima, Decus Gentis insigne, Nobilitatis avitæ
 Gloriam, Virtutum summarum Excellentiam. Suspexere id Illustrissi-
 mi atq. Serenissimi inclytæ Holsatiæ Fratres, Principes Celsissimi, quorum
 Alter, qui Regiminis gerit curam, Te inter Aulicorum Præcipuos tot an-
 nos omni Gratia amplexum tenuit, Alter Episcopatus Lübecensis Anti-
 stes Reverendissimus adhuc tenet, rebusq. suis maximis præfecit. Tantis
 ergo Tuis Honoribus prosperrima quæq. apprecari, Teq. Patria dulcissime
 Sospitatore omni observantia cultu prosequi, atq., ut olim Dis Patriis
 fiebat, munusculo animi devotionem indicante, me communis Terræ Alu-
 mnum excipere jubet Pietas. Licet autem digna Nomini Tuo desint mu-
 nera, arripio nihilominus quod ad manum est, Parentis nimirum mihi
 charissimi presentem Disquisitionem, eamq. ex debito officio eâ, quâ par
 est, reverentiâ TIBI Do, Dico, Consecro. Accipas quæso, Patrone Ma-
 xime, quicquid offero, vultu quo soles Musarum cultores prosequi, nempe
 sereno, Munerisq. hujus amplitudinem ex animo potius meo, quàm No-
 minis Tui sublimitate, æstimes, & studia mea sub Præsidio Patrio, id est
 Tuo, salva esse benignè patiare. Valeas VIR NOBILISS. atq. EXCELL. Fa-
 voreq. Tuo ne dedignè amplecti

Clientem TIBI devo-
 tissimum

M. Christophorum Gottlieb
 Schlegelium.

A 2

PRÆ

Præfatio ad Lectorem.

Cum ante annos ferè 40. occasione cujusdam, qui pro Concione non veritus erat S. Matthæum falsitatis argue-
re, quod Jeremiam pro Zachariâ hîc allegâisset, Parens meus à Viro quodam Magno hanc ob rem monitus præ-
sentem adornaret Disquisitionem, ubi pensatis alio-
rum de hoc loco opinionibus, iisq; partim ut falsis & incertis reje-
ctis, partim ut insufficientibus Autoribus suis relictis, adderet &
suam, quam sensui Scripturæ S. ejusq; Analogiæ præ cæteris con-
venire videret, factum ut intra privatos parietes latitaret diu, do-
nec annis abhinc novem occasione Disputationis in Synodo E-
phoriæ Grimenfis habendæ (ubi Respondentis ego sustinui mu-
nus) tandem prodiret in publicum. Nec verò, ut fieri solet, o-
mnibus pariter arrisit hæc sententia, bonâ tamen cum Autoris
pace, utpote qui quemq; hæc in re suo abundare sensu permittit,
tamdiu tamen istam amplectitur opinionem, quamdiu rationes,
quas ex solâ Scripturâ S. missis conjecturis hum. & incertis addu-
xit, firmissimis argumentis non fuerint everse. Haud enim suffi-
cit dicere, hæc sunt ἀπορρηγία, ne quicquam faciunt ad rem præsen-
tem; Contrarium sanè in ipso Tractatu luculentissimè probatum.
Interim verum, manet, S. Matthæum (ut totam rem ὡς ἐν τῷ πρῳ sub-
jiciam) Vaticinium, de quo agitur, non absq; gravi causâ & pon-
dere citâsse, atq; impletum esse quod in V. T. prædictum à Prophe-
tis, iisq; duobus, Jeremiâ scilicet & Zachariâ, qui posterior tan-
tum sub nomine Officii Prophetici & ut unus Prophetarum Mi-
norum (qui nunquam ferè nominatim citantur in N. Test.) prior
autem & Propheta Major Jeremias nominatim allegatur; quo-
rum Vaticinia combinata non dicta solum, sed etiam scripta, ha-
beantur adhuc hodiè in Scripturâ V. T. Canonicâ: Prius quidem
Zach. XI, 12. 13. de Pretio, ubi in Historiâ simul Typus exprimi-
tur: Posteriora verò duo in Jeremiâ, ejusq; Cap. XIX. de Agri hoc
pretio emti conditione quo ad Situm, Nomen, & Profanationem,
& Cap.

& Cap. XXXI quoad ejusdem temporibus Messiae Sanctificatio-
 nem; cuius licet sensus generalis, nihilominus tamen verbis figu-
 ratas Prophetia etiam καὶ τὸ πρῶτον in valle cadaverum nominatā
 impleta statuitur. Quæ omnia fusissimè secundum loca paralle-
 la, exempla similia, sensus convenientiam & Analogiam, Typi-
 cum Antitypo collationem, ad oculum demonstrata. Hinc o-
 ptandum, ut Vir quidam Celeberrimus (cujus Nomen ex debita
 reverentiâ taceo) penitiùs inspiciendam hanc sibi sumisset Dis-
 quisitionem, mitiorem fortè de eâ tulisset censuram. Obiter e-
 nim ab Eo perlectam esse pater indè, quod allegat Heinsium id ge-
 nus docendi Scripturæ ex Hieronymo nominantem vitiosissimū,
 cū tamen Rivet ea verba sint, & ab Autore monstratum, Hein-
 sii sensum Accommodatitium hoc modo tangi, *Conf. Cap. II. n. 17.*
 Id tamen (1) nequicquam nostram ferit sententiam: Siquidem
 Hieronymus eam improbat scripturæ inflexionem, quæ sit post-
 habitā sensus & Analogiæ ratione, ea verò hic maximè urgetur
 & citè eruitur, uti patet ex toto Tractatu. Ac licet (2) haud prima
 statim fronte occurrat, quā ratione typus insit citatis, Prophetarū
 locistamē quia S. Matthæus, Vir Θεόπνευτος, indice digito mōstrat
 ius inesse Typū, religio est eum non sequi, sed potiùs ulteriori in-
 dagine eruendus est sensus typicus; Siquidē solertissimus ille di-
 vinarum Scripturarum, si quisquam alius, scrutator B. Glassius
 (quem etiam sidus illud Theologiæ B. Gerhardus maximi fecit
 semper) in Philol. S. Lib. I, Tr. 2. part. 2. sect. 2. n. 3. non sine pro-
 pria experientiâ ait, *Multa esse in V. T. quæ primā frontes N. T. mi-
 nimè respicere videantur, propius verò & accuratiùs inspecta omnino ty-
 pi sint & figura Bonorum futurorum; scrutandas igitur esse Veteres illas
 Scripturas, quæ testimonium de Christo (NB. nobis etiam non opinanti-
 bus) sæpè perhibent, Joh. V. 39.* Optimè! Christus enim scopus to-
 tius Scripturæ S. Luc. XXIV. 44. quò etiam præsens collimat Va-
 ticinium, quod in Passione Christi impletum esse non absq; Cau-
 sâ à S. Matthæo profertur. Et quanquam (3) dicatur, *Jeremiam*

C. XIX. tantum jussu esse sibi figulinam ollam emere, eamq; in Valle Benhinom confringere, quod ea ratione civitas & pop. confringi debeant, & in Topheth sepeliri, quia locus alius non superfuturus sit: Cap. verò XXXI. prædici Vallem funerum cum toto Agro usq; ad torrentem Kidron Deo sanctificatum iri; Idem quoq; de Zachariæ loco quoad præsens tempus statui debere: Non tamen negandum, loca ista etiam continere Typum, qui ostenditur *Cap. IV. Sect. 2. 3. & 4. hujus Tract.* Probandum igitur erit Contrarium, & in specie, quod descripta Historia C. XIX. nihil simul contineat typi de his, quæ circa Agrum Sanguinis tempore Christi contigerunt, & quod C. XXXI. Prophetia de Sanctificatione immundorum, quæ per nominationem certorum quorundam locorum indicatur, nequeat censi etiam tunc impleta, quando in Valle cadaverum ibi speciatim expressa, pretio venditi Christi emtus fuit Ager, Sanguinis dictus, in sepulturam Gentilium conversorum. Meliora docturo lubentissimè cessurum se profiteatur Autor. Interim si ita liceat judicare de Vaticiniis V. T. extra respectum ad N. T. quid dicendum de cæteris, quæ sanè in sensu proximo, ac prout nobis videntur præferri à Prophetis, non nisi populum Israeliticum respiciunt, & tamen magno numero citantur ab Evangelistis & Apostolis, quod impletio eorundem plenariè demùm facta in N. T. E sexcentis unum saltem atque alterum, quæ primò occurrunt, lubet depromere. Nimirum Jer. XXXI. 15. vaticinatur Propheta de miseriâ Israelitarum proximè futurâ in vastatione Terræ Judæ: Subjungitur enim v. 16. solatium, quo redituros eos esse à terrâ hostili promittitur. Hic etiam typicum latere sensum, & hoc Vaticinium se quoq; extendere ad occisionem Infantum Bethlemiticorum expressè non indicat tantum, sed & ejus impletionem tùm temporis factam esse, probat *Cap. II. 17. 18.* Addo & alterum Ose, XI. 1. ubi Oseas ne quidem vaticinans, uti videtur, sed saltem in memoriam revocans Israelitis beneficium educationis ex Ægypto olim præstitum, eos inobe-

inobedientiæ erga Deum arguit : Eadem tamen verba ut Vaticinia citantur à Matthæo cit. loc. v. 15 qui ejus impletionem factam esse, ostendit in fugâ Christi in Ægyptum & ex eâ reversione. Ibi sanè sinis (qui epanorthoticus) à fine quem Matthæus indicat & ad Christum refert (qui Patri etiam ad mortem usque fuit obediens) immania quantum discrepat, & circumstantiæ quoque ut & objecta diversa, nihilominus id ut Typus refertur ad Antitypum Christum. Cætera sicco pede prætereo. V. si lubet, *Hypothes.* s. ubi plura proferuntur loca. Neque tamen (4) Heinsius inde patrocinium habet sensui suo Accommodatio: Is enim sensus plane à mente Evangelistarum recedit, qui non accommodant Vaticinia V. T. aut verba saltem phrasæ in more adducunt, sed ea omnino respexisse res N. T. ac tunc impleta esse disertè perhibent, eamque ceteris rem se ea adduxisse declarant. Conf. contra vitiosam istam Accommodationem *Hackspan. Syll. Dissp. p. 417. 461.* Denique (5) sententia, quæ asserit id dictum h. l. strictè intelligendum esse, ut non simul includat scriptum, non caret scrupulis, siquidem vel centies sub τὸ dictum est allegantur in N. T. Vaticinia V. T. quæ etiam expressis verbis consignata sunt: Hoc autem loco singulariter id ita intelligendum esse, nondum evictum: Nam, ut in genere omnia impleta esse dicuntur, quæ in Lege Moysi, Prophetis & Psalmis scripta sunt, quemadmodum Christus ipse allegat, Luc. XXI V. 44. quique etiam *Scripturam* (scil. V. T. Canonicam & certè non aliam, quam quæ strictè ita dicitur, quamque quotidie legebat Ecclesia Judaica, & etiam Christiana adhuc integram habet) eis exponit (procul dubio, eo modo quo Scripturæ V. T. Vaticinia postmodum ab Apostolis ex ore Christi ad res N. T. probandas applicata & literis mandata sunt.) suosque discipulos ad Vaticinia, quæ de Passione suâ, Resurr. &c. scripta sunt, manducit: Ita quoque vice versâ colligitur, omnia quæ pro impletionem in N. T. adducuntur, literis esse consignata. 2. Vix credi potest, Evangelistam in retâ arduâ allegare voluisse Jeremiâ, & ab eo
orete-

oretenus saltem tradita, cum ipsa verba, quæ proferuntur, in alio Prophetâ, cujus Canonica extat Scriptura, habeantur. 3. Controversia igitur non est, utrum Jeremias illud dixerit aut scripserit, sed quâ ratione hic Jeremias citetur, cum tamen hujus Vaticinii plurima verba reperiantur in Zachariâ. 4. Dubium oritur, an unquam ullibi à Canonico aliquo Scriptore N. Test. citetur Traditio Scriptoris alicujus Canonici V. T. Provocare hic liceat ad inductionem exemplorum: Ad loca enim Matth. II. 23. & Jud. v. 14. responsum *Cap. II. n. 6.* ubi quoq; tota hæc sententia de orali Traditione examinata fuit. Nolo esse prolixior, cum omnia quæ opponi possent, exactè in ipsâ Disquisitione soluta. Hæc saltem sunt, quæ iteratâ Editione hujus Tractatus, quem publici juris fieri typisq; denuò exscribi curavi, præfari volui. Minimè verò arbitretur quispiam (id quod solennissimè protestor) me eò audaciæ processisse, ut cujusquam Existimationi quicquam hoc ipso detractum velim: Nec enim ex meâ mente, sed potius Parentis charissimi (cujus opinionem & ego si meam faciam quid prohibet? cum non tantùm Pietas sed rei veritas id sive deat) ad Sententiam nostram elucidandam ea profero. Me enim quod attinet, tenuitatem sponte agnosco, neque temerario ausu ulli contradicere præsumo. Cum verò liberum sit cuiq; hæc in re, salvâ Fidei Analogiâ, sentire quid velit, & Locus iste controversus multos omnitempore eruditos exercuerit Viros, unoquoq; rationibus suam suffulciente opinionem, nil obstat quò minus & nostræ in hæreamus sententiæ, cum nec hic desint rationes, quæ pro eâ stabilendâ Prolixè adductæ, nondum verò labefactæ. Vale, Benevole Lector, & hoc, quicquid est, æqui bonique consule, ac pro Candore tuo non priùs fer sententiam, quàm omnia perlegeris.

CUM



CUM DEO.

קמל קמל

AGER SANGVINIS,

Juxta ductum Historicæ descriptionis &
Prophetiæ allegatæ

Matth. XXVII. 3, 11.

pressius consideratus.



*M*agnificè & salubriter Spiritus S. ita Scripturas modifica-
vit, ut locis apertioribus fami occurreret, obscurioribus au-
tem fastidium detergeret. Scriptura si nusquam Aperta
esset, non te pasceret: si nusquam Occulta, non te exerce-
ret, inquit Augustinus Tom. III. lib. 2. de doctr. Christ. c. 6.

*Quædam in
S. Scriptu-
ris Obscura,*

Item Tom. IIX. præfat. in Psalm. 140. & tract. 45. in Job. Utut verò
in obscurioribus S. Bibliorum textibus strenuè se exercuerit pri-
scorum atque recentiorum Ecclesiæ Doctorum sedulitas, non ta-
men omnis ulterioris scrutinii materia sequentium diligentia adhuc labo-
r subtracta est, aut subtrahetur, quoad usque hoc seculum dura-
verit, unquam. Ex parte enim cognoscimus, & ex parte propheta-
mus. 1. Corinth. XIII. 9. Veneramur Antecessorum præcellentis-
simam eruditionem, ac insignia in Ecclesiam merita, etiam ubi
quadantenus ab ipsorum interpretatione recedimus. Non est,
quod jactemus nos præ illis doctiores ac perspicaciores: sed gra-
tâ potiùs mente nostram prædicamus felicitatem, quod illorum
operâ faciliùs possimus ultra contendere; quum ipsis, qui vel
nullos, vel paucos, erroneos etiam, habuerunt Duces, tantò ma-
jori labore ac studio opus fuerit eò pertingere, quò pervenerunt.
Quis Pygmæum Gigante majorem aut perspicaciorem dicat, si
hujus

*Pro quibus
explicandis
ad hoc labo-
randum.*

A

hujus

hujus sublatus humeris prospiciat altiùs, quàm ipse Gigas? Neque enim istius magnitudini aut acumini visus, sed uni hujus succollationi acceptus ferendus est ulterior prospectus. Hoc ipso etiàm ex Pontificiis, Patrum aliàs auctoritatem in explicandà Scripturà nimis evehentiùs, suam ab omnibus antiquis & modernis Expositoribus aliquo in loco secessionem & novam interpretationem excusat *Didacus Stella* Tom. 2. *Enarr. in Luc. X.* fol. 15. f. 2.

Talis obscuritas occurrit Matth. XXVII. 3. seqq. Tractationis Dispositio. Votum

Ex plurimis Scripturæ locis ulteriorem indaginem poscentibus selegimus hanc vice insigniter notabilem apud Matthæum de allegato Jeremià, circa mentionem *empti Agri XXX. Argenteis*, pro venditi scil. sanguinis Christi pretio. Proposito priùs textu variæ Interpretationes adducentur, (Cap. I.) & expendentur, (Cap. II.) Ultima autem, præmissis Hypothesibus, (Cap. III.) explicata confirmabitur. (Cap. IV.) Appropinquet deprecatio mea in conspectu tuo, Domine; juxta Eloquium tuum da mihi intellectum. Intret postulatio mea in conspectu tuo: Secundum Eloquium tuum eripe me. *Psal. CXIX. Amen.*

169, 170.

TEXTUS.

Textus originalis MATTH. XXVII. 3. II.

(1) Al.

παράδδς

sicut habetur

vers.

seq.

(2) Regius

habet

δίκαιον.

Vers. 3. Τότε ἰδὼν Ἰούδας ὁ (1) παρὰδιδῶς αὐτὸν, ὅτι κατεκρίθη, μετὰ μεληθεῖς, ἀπέσπρεψε τὰ τρεῖς ἀκοντὰ ἀργύρια τοῖς Ἀρχιερεῦσι καὶ τοῖς πρεσβυτέροις.

V. 4. Λέγων, ἡμαρτον παρὰδδς αἷμα (2) ἀθῶον, οἱ δὲ εἶπον, τί πρὸς ἡμᾶς; σὺ ὤψαι.

V. 5. Καὶ ῥίψας τὰ ἀργύρια ἐν τῷ ναῷ ἀνεχώρησε, καὶ ἀπελθὼν ἀπήγγαλε.

V. 6. Οἱ δὲ Ἀρχιερεῖς λαβόντες τὰ ἀργύρια, εἶπον, ἔκ ἐξέστι βαλεῖν αὐτὰ εἰς τὸν κορβανᾶν· ἐπεὶ ἡμῶν αἷματός ἐστι.

V. 7. Συμβάλλοντες δὲ λαβόντες ἡγόρευσαν ἐξ αὐτῶν τὸν ἀγρὸν ἕκαστος εἰς τὴν φθῆν τοῖς ξένοις.

V. 8. Διὸ ἐκλήθη ὁ ἀγρὸς ἐκείνῳ ἀγρὸς αἵματος, ἕως τῆς σήμερον.

V. 9.

V. 9. Τότε ἐπληρώθη τὸ ῥῆθ' ἐν δὲ Ἰερειμίας ὁ πρὸ Φη-
τα, λέγοντος, Καὶ ἔλαβον τὰ τριάκοντα ἀργύρια, τὴν τιμὴν
τοῦ πλημμελούς. ὃν ἐπημύσαντο ἀπὸ τῶν Ἰσραήλ.

V. 10. Καὶ ἔδωκαν αὐτὰ εἰς τὴν ἀγορὰν ὡς περαμίας,
κατὰ συνέπεξέμενοι Κύρι.

C A P. I.

*Recensentur varia hujus Dubii de citato Jere-
miâ Explicationes.*

CAP. I.

Quum Interpretes non in *Jeremiâ*, sed potius in *Zacharia* *Varie Ex-*
*Cap. XI. 12, 13.*prehenderent sensum verborum à Mat- *plicationes,*
thæo hic recensitorum, varios quæsiuerunt modos explicandi quibus Men-
hujus nodi. Possunt autem dictæ explicationes referri ad duas dum
classes, quarum una est Concedentium in hoc Matthæi loco Men-
dum, altera vero Negantium.

Prior Classis comprehendit Expositores, qui originem hujus 1. Concedi-
Mendi ut ostendant, varias formant sententias. tur, ortum

Quidam enim Evangelistæ adscribunt erratum μνημονικόν, vel ab Evan-
idque, vel ab ipso non animadversum, vel animadversum qui- gelistâ,
dem, sed non correctum; quia cogitaverit, recordationi suæ,
quæ Sancto Spiritu regebatur, non frustra occurrisset aliud pro
alio Nomen Prophetæ, adeoque Deum ita scribi constituisse.

Alii originem mendi in Scribarum aut Librariorum sive osci- vel à Libra-
tantiâ, sive sciorum & audacium culpâ quærunt, quasi vel Ad-
ditione, vel Abbreviatione, vel Immutatione corrupti textus au-
thentici fuerint causa, aut ad minimum ansam præbuerint. Hinc
statuunt nonnulli, 1. quod Matthæus absolutè scripserit: Tunc
impletum, quod dictum est per Prophetam; Sed indoctus quidam &
sciolus Scriba nomen *Jeremiæ* addiderit, vel margini addiderit,
ex quo postea in ipsum irrepperit textum. 2. quod velocitate
styli per abbreviationem positum sit à quodam descriptore ζ
h. e. ζαχαρίας, quod alii postmodum legerint Ἰς, adeoque scri-
pserint Ἰερειμίας. 3. quod decepti aliquo negligenter scripto co-
dice,

4
dice, ubi pro Zachariâ extabat nomen Jeremiæ, illud imitati fuerint, adeoque mendum in reliquos postea descriptos codices diffuderint, immutatâ ipsius Evangelistæ Scripturâ.

2. *Negatur;
per quas sitas
solutiones
varias.*

Posterior Classis, & quidem præ priori copiosius ducens argumen, est *Negantium* aliquod in hoc textu Evangelistæ mendum, quod subesse videbatur. Ut autem se expedirent oppositâ difficultate, si in citatione seruetur nomen Jeremiæ, varias quasivêrunt explicationes: Harum nonnullæ sigillatim Jeremiam spectant, aliæ verò eundem, utut solum citatum, volunt cum Zachariâ conjunctum, ut una sit ex duobus prophetia. Qui sigillatim solum Jeremiam respexisse Evangelistam existimant, in varias scinduntur sententias. Vel enim effugium se invenisse existimant, urgentes ex collatione Textus Modum allegandi, vel Nomen allegati Prophetæ, vel textum allegatum. In *Modo citationis* expenso, quod apud Matthæum non legitur, *Scriptum est*, sed potius, *Dictum est per Jeremiam Prophetam*, facilissimam evadendi viam multi se reperisse autumant. Hinc quidam urgent, quod Jeremias de his oretenus prophetaverit, quæ tamen scriptæ suæ prophetiæ non inseruerit, adeoque vel per traditionem non scriptam pervenerint ad Judæos, vel Matthæus afflatu Spiritus Sancti cognoverit, & Scripturæ commiserit. Alii putant, Zachariam vixisse in disciplinâ Jeremiæ, ac proinde hoc vaticinium à Doctore publicè aut privatim auditum per discipulum fuisse in Scripturam redactum.

Qui in *Nomine citati Prophetæ* solutionem nituntur afferre, provocant *Partem* ad Zachariæ *δυναμίαν*, quod dictus fuerit & Zacharias & Jeremias, quo posteriori nomine ipsum Matthæus hoc textu appellet: *Partem* ad opinionem Judæorum, qui Jeremiam ex Ægypto tandem ad reducem populum venisse, Zachariæ assumpto nomine, vel in Zacharia per *μετεμψύχων* fuisse; *Partem* ad omnium Prophetarum *ὁμόνοιαν*, quod, quum omnes Prophetæ uno spiritu locuti fuerint, singula omnium, & omnia singulorum sint, adeoque hâc citatione unius pro altero Spiritus S. voluerit docere, uni congruè deputari, quod ab altero dicitur.

De ipso Textu citato itidem variant sententiæ. Quidam enim fatentur, ista hodiè in libro Jeremiæ non reperiri, sed tamen olim extitisse Librum, in quo extiterit. Nonnulli censent, fuisse

fuisse peculiarem ab eo, quem hodie habemus, sed subsequi temporibus amissum. *Alii* contra etiam in eo, quem adhuc Canonicum habemus, scriptum; Judæorum autem malitiâ inde erasum ac sublatum fuisse prætendunt. Sed nec desunt, *qui* hodiernum in Jeremiâ tale quid inveniri existimant. Provocant igitur *quidam* ad Caput XVIII. ubi Jeremias domum figuli ingredi jussus fuerit, *Alii* contra ad Cap. XXXII. ubi narratur, quomodo Jeremias DEI jussu emerit Agrum, & contractus seu Emptionis scripturam in vase fictili reposuerit.

Restant nunc illi interpretes, qui Matthæum in parte istius Historiæ per Scripturam V. T. explicandæ *junctim* censent respexisse Prophetarum quædam loca. Est, qui *Trium* meminit, nomine non expresso. *Alii* verò nominatim provocant ad librum & Jeremiæ & Zachariæ, quamvis solius Jeremiæ nominatim mentionem fecerit Evangelista. De Zachariâ consentiunt hi omnes, quod indigitetur Caput XI. 12, 13. Sed de Jeremiâ variant. Est, *qui* pretium, quo ager emptus est, à Zachariâ, Agrum verò qui emptus est, à Jeremia Cap. XXXII. descriptum esse persuadere nititur. Est *qui* ad Caput XIX. se recipit, ubi de valle Hinnom ante portam figulorum sita agitur, quod Propheta emptum vas figulinum ibi confregerit, & prophetaverit, nominandam esse vallem occisionis, ac futuram inibi copiosissimam hominum sepulturam.

His recensitis sententiis addenda est hæc, quod omnino duos Prophetas respiciat Evangelista, Zachariam scil. & Jeremiam: sed hujus simul Caput XIX. & XXXI. Ultima hæc & explicabitur & confirmabitur inferius.

Quum Capite sequenti singulæ Interpretationes (postremâ excepta) ordine expendendæ sint, quid falsi, quid incerti, quid veri vel certò vel probabiliter contineant, proficuum erit, illas in Tabellæ Schemate consignatas, & Numero, quo expendendæ venient, signatas exhibere.

Explic.

Explicationes
de Jeremiâ ci-
tato Matth.
XXVII. dis-
cernuntur,
quoad Mendum
in hoc Scri-
pturæ dicto ab
Interpretibus

Concessum, Autoribus vel	Evangelista ipsò, aut	Inscio. Num. I.
		Conscio, sed emendare no- lente. Num. II.
		Augentibus, addito nomine Pro- phetæ. Num. III.
		Immutantibus, per substitutionem Jeremiæ pro Zachariâ. Num. IV.
		Abbreviantibus; unde postea er- roris ansa. Num. V.
Descriptori- bus, textum	Sigillatim unū Pro- phetam, & quidē ejus	Citandi Mo- dum: Dictū est per Pro- phetam ad eoque
		Jeremias dixerit, non scripserit. Num. VI.
		Zacharias ab isto dictū scripserit. Num. VII.
		Zachariæ <i>δουνομίαν</i> , qui etiam di- ctus sit Jeremias. Num. IIX.
		Jeremiæ assumptam novam appella- tionem, vel in Corp ^o Zachariæ trans- migrationem. Num. IX.
Negatum per quæ sitas solutiones, respicientes vel	Citati Nomen. Provocat ad	Omnium Prophetarum <i>ὁμόνοίαν</i> , ob quam ab uno scripta alteri etiam tribuantur. Num. X.
		Extiterit in { Deperdito. XI. libro ejus { Residuo, sed per Judæos { erasus. Num XII.
		Extet vel { Cap. XII. Num XIII. { Cap. XXXII. Num. XIV.
		Tres. Num. XV.
		Duos, sc. Zachariam { Cap. XXXII. Num. XVI. { Cap. XI. & Jeremiam, { Cap. XIX. Num. XVII. { vel { Cap. XIX. & XXXI. { Num. XVIII.

CAP. II.

CAP. II.

Ordine expenduntur recensita varia Interpretationes.

I.

Prima sententia, quæ Evangelistam inscium ex memoriæ lapsu Jeremiam pro Zachariâ posuisse statuit, præ cæteris omnibus minimè admittenda est. Nam 1. talis lapsus redundaret in injuriam Sancti Spiritus, qui & os & manus Scriptorum Canonico-rum immediato impulsu direxit. II. Tim. III. 16. II. Petr. I. 21. 2. Si statuatur, istud ἀπαρτημα non à Spiritu S. sed à Scriptoribus eâ in parte sibi relictis ortum, sequeretur, S. Scripturam esse partim Verbum Dei, partim verbum Humanum: Ast τῶν γε φησὶν adeoque etiam quævis istius particula, est θεοπνευστος. 3. Si in uno alterove Scriptores S. errasse admittitur, non poterimus certi esse, quod non etiam in aliis labi potuerint ac lapsi sint, adeoque convellitur immotum aliàs fidei nostræ fundamentum. Pluribus itaque refutârunt falsam hanc assertionem Theologi nostrates tûm in Locis Theoreticis, tûm in refutatione Phorin-anorum, qui eandem quoque suam fecerunt.

Erasmus, utut se hujus sententiæ autorem vel patronum nol-le esse profiteatur, (annot. in Matth. II. fol. 24.) tamen annot. in h. l. fol. 106. eodem memoriæ lapsu in Nomine concessio, apud nemi-nem ideo labascere totius S. auctoritatem contendit, & provocat ad Aug. de consensu Evang. lib. 3. cap. 7. qui Nominis errorem tri-buat lapsui memoriæ Matthæi. Quin & d. l. in Matth. II. expresse scribit: Ut Spiritus ille divinus Mentium apostolicarum moderator passus est suos ignorare quædam & labi, errareque alicubi judicio sive affectu, non solum nullo incommodo Evangelii, sed hunc etiam errorem vertit in adjumentum fidei nostræ: ita fieri potuit, ut sic temperaverit organum Apostolicæ Memoriæ, ut etiam, si quid humano more fugisset, id non so-lum non derogeret fidei divinæ Scripturæ, verum etiam fidem arroget apud eos, qui alioqui de composito scriptum calumniari poterant: Sed 1. quo-modo ex falso confirmabitur veritas? ex lapsu memoriæ Scri-ptorum certitudo Scripturæ eorum? 2. Ex Evangelistarum ἐναγίον φανείας maximam calumniandi ansam tûm Ethnici arri-puerunt, tûm potissimùm Judæi. V. Iustin. Explic. Qq. à Gentibus positarum, quæst. 20, 22, 23, 25. fol. m. 24. seqq. item Dial. cum Try-
phone:

7

CAP. II.

*Expendun-
tur ordine
Interpreta-
tiones.*

1. Quod S.
Matthæus
memoriâ la-
psus sit.

Refutatur

1.

2.

3.

Nominatim:
Erasmus.

1.

2.

- phone fol. m. 51. Aug. Tom. 1. lib. 2. Retract. c. 16. f. 45. D. Conf. D. Müller. Iudaism. part. 1. lib. 3. cap. 3. & 4. 3. Refutatur ab ipso, ad quem tamen provocat, Augustino. Ita enim hic Tom. 1. 1. Epist. 8. ad Hieronymum. fol. 37. D. Admisso in tantum autoritatis fastigium aliquo mendacio, nulla particula horum librorum manebit, quæ non possit in dubium vocari. Epist. XIX. ad eundem: Ego fateor Charitati tuæ, solis eis Scripturarum libris, qui jam Canonici appellantur, didici hunc timorem honoremque deferre, ut nullum eorum Auctorem in scribendo aliquid errasse firmissimè credam. At si in eis offendero literis, quod videatur contrarium veritati, nil aliud, quàm vel mendosum esse Codicem, vel interpretem non assecutum esse, quod dictum est, vel me minimè intellexisse, non ambigam. Quin & ipso, quem allegat, tractatu, Tom. IV. de Consensu Evang. lib. 2. cap. 12. Omnem falsitatem abesse ab Evangelistis docet, non solum eam, quæ mentiendò promitur, sed etiam eam, quæ obliuiscendo. 4. Quod locò citatò permutatìonem Nominum Jeremiæ & Zachariæ, quatenus in Codice Biblico extet, non Matthæi Memoriam erranti, sed Spiritus S. providentiæ ac directioni tribuat, verba jam citanda docebunt.

II.

II. Quod Evangelista ob sensum divini instinctus studiosè noluerit Nomen corrigere.

Quod Matthæus, etiamsi primitus Jeremiæ nomen pro Zachariâ sibi occurrisset, tamen, etiam deprehendens permutationem istam Nominum, noluerit aut non debuerit corrigere, ob animadversum divinum instinctum, censet Augustinus lib. 3. de consensu Evang. cap. 7. Quid intelligendum est; inquit, nisi hoc actum esse secretiori consilio providentiæ Dei, quâ mentes Evangelistarum sunt gubernatæ? Potuit enim fieri, ut animo Matthæi Evangelium conscribentis pro Zachariâ Hieremias occurreret, ut fieri solet: quod tamen sine ullâ dubitatione emendaret. saltem ab aliis admonitus, qui ipso adhuc in carne vivente hoc legere potuerunt, nisi cogitaret, recordationi suæ, quæ S. Spiritu regebatur, non frustra occurrisset aliud pro alio Nomen Prophetæ, nisi quia hoc ita scribi Dominus constituit. (Causam existimat fuisse, ut doceret Omnium Prophetarum unam directionem per Spiritum S. de quâ inferiùs dicendum erit.) Sed durum est dicere, quod non tantum permittente, sed etiam in immediato Scriptorum huiusmodi impulsu volente ac operante Spiritu S. aliquod à veritate historicâ dissonum fuerit insertum, & animadversum licet, tamen non correctum. Promisit ipse

9
ipsis Christus Job. XVI. 13. Spiritus veritatis deducet vos in omnem
veritatem.

III.

Inter eos, qui Scriptorum seu Librariorum esse putant Culpam, si quod mendum in textum irrepfit, agmen quasi ducunt existimantes, quod Evangelista indefinite saltem scripserit, Tunc impletum fuit, quod dictum est per Prophetam, Nomen autem Ieremiæ a sciolo quodam Scribâ fuerit temerariè additum. Ut hanc sententiam probabilem reddant, ab iis urgetur 1. Matthæi consuetudo, qui sæpius allegat Scripturam V. T. absque mentione certi alienius Prophetæ, saltem sub generali mentione extantis aliqujus de hac vel istâ re testimonii Prophetici, ut Cap. I. 22. Cap. II. 6, 15, 23. Cap. XIII. 35. Cap. XXI. 4. Cap. XXVII. 35. 2. Collatio Versionum quarundam. Syrus & Arabs nullius Prophetæ nomen adscripserunt. (Ravanel. Biblioth. Sacr. V. Ieremias.) Augustinus lib. 3. de consensu Evang. cap. 7. testatur, nomen Ieremiæ non fuisse omnibus Codicibus Latinis adscriptum. Lyranus ad Matth. 27. itidem notavit, non haberi in Antiquis libris. Sed Resp. 1. Locis ex Matthæo adductis, ubi nullum Prophetæ nomen citavit, alia subjungimus, ubi expresse nominat Esaiam, Cap. III. 2. Cap. IV. 14. Cap. IIX. 17. Cap. XII. 17. (Idem Nomen etiam vetusti quidam Codices legunt Cap. I. 22. V. Biblia Wechel. & Beza in annotat, ib.) Ieremiam (præter hunc locum, de quo controversitur) Cap. II. 17. Danielelem Cap. XXIV. 15. Docet igitur hæc collatio, quod sæpius nominatim adduxerit Prophetas. 2. Non quæritur, quid in nonnullis versionibus, (Ad Arabicam frustra provocatur, quum in Editione N. T. Erpenianâ 1616. it. seorsim editâ Passione Christi juxta Matthæum, 1613. & apud Kirsten. in notis ad h. l. habeatur: In Ieremiâ) sed quid in textu originali, qui hic Græcus est, habeatur. Nam ad hunc istæ examinandæ & corrigendæ. Constanter autem omnes Græcos Codd. legere nomen Ieremiæ fatetur Beza, & confirmant priscorum Patrum ita allegantium scripta, prout etiam in editione Regiâ, Complutensi, Wechelianâ, Erasmi, Roberti Stephani, Ariæ Montani, & aliorum leguntur. Nolo hic excurrere ad versionis Syriacæ & Arabicæ jactatam antiquitatem, quam nonnulli dubiam faciunt. Utramque interdum ab authentico textu recedere nemo inficiabitur. Si in Latinis codicibus omnibus non fuit scriptum nomen Ieremiæ,

B

quod

III. Quod
Librarii No-
men Iere-
miæ addide-
runt.

Rationes
pro hac opi-
nione.

1.

2.

Refutantur

1.

2.

quod ait Augustinus, ex hoc ipso concluditur, quod lectum fuerit in plurimis & ferme omnibus.

IV.

IV. Quod
Librarij pro
Zachariâ
Jeremiam
ex ositan-
riâ scripse-
runt.

Qui *Immutatum* censent à Scribis textum Evangelistæ, ut pro Zachariâ Jeremiam scripserint, eorum sententiæ cum alijs etiam meminit Eusebius lib. 10. *Demonstr. Evang.* cap. 5. Scribarum scilicet errore accidisse, quod negligentius exemplaria Sacrorum Evangeliorum conficerent, decepto aliquo, & pro Zachariâ ponente Jeremiam, ut sic perscribi ista oportuerit: *Tunc impletum est, quod dictum fuit per Zachariam Prophetam.* Huic sententiæ potissimum Pontificii inhærent, utpote ad corruptionis arguendum textum propheticum pronissimi. Iansen. & Malden. in *Matth. XXVII.* Suarez. p. 3. tom. 2. Disp. 34. sect. 1. §. ult. Corn. à Lap. in *Zach. XI.* 13.

¶

Resp. 1. Dicitur hoc, non autem probatur. 2. Ut ut nonnulli Codices incuriâ Scribarum circa hunc textum potuissent corrumpi, tamen omnes omnino Codices inde corruptos fuisse, aut corrumpi potuisse, ut nulli manserint integri, hoc negamus. Pugnat enim contra hujusmodi universalem omnium Græcorum Codicum corruptionem Divina Providentia, quæ nullatenus passura fuisset, ut scripta ista *Ἰερόνυμος*, ad quæ doctrina Ecclesiæ examinanda est, generaliter falsarentur. Obstat etiam Christianæ Ecclesiæ, cui libri isti Canonici concrediti fuerunt, fides ac custodia. Refutat eandem assidua priscorum Patrum in vindicando textu authentico ab omni depravatione per Scholia & commentarios industria. Evangelicæ lectionis veritas, quæ in singulis & particularibus Ecclesiæ Codicibus pro temporum ac scribentium diversitate variata fuerat, in omnibus simul collectis Exemplaribus integræ semper & incorrupta permansit, ita volente Deo, ut veræ lectionis integritas, quam hominum vel malitia vel negligentia corruperat in partibus, in totâ saltem Ecclesiasticorum Codicum universalitate servaretur, ne Ecclesiæ Christi per aliquod tempus divinarum Scripturarum integritate careret, utque haberent semper pii & eruditi viri, unde corrigere & emendare possent, quod aut imperitorum inscitia, aut iniquorum perfidia vitiaisset, factâ collatione multorum inter se exemplarium, optimè scribit, (ut ut aliud velint multi ejus socii) Sixt. Sen. *Biblioth. lib. 7. her. 1.* Quum igitur omnes Græci codices eodem modò sic legant, nullam hîc immutationem textus per librarios factam possu-

possumus agnoscere. 3. Quæ autoritas literarum aperiri, quæ sacer
 liber evolvi, quod documentum cujuslibet Scripturæ ad convincendos er-
 rores exeri potest, si hæc vox admittatur, Scripturas esse corruptas? be-
 ne ait Aug. T. VI. l. 11, contra Faust. Manich. c. 2. Si quid, quantumvis
 minimum in N. T. falsatum esse dicatur, omnis N. T. fides autoritasque
 adimitur. Sicut enim de corruptione partis unius suspicari licebit, ita &
 de cæteris ejus partibus opinari licebit; cùm nulla potior causa sit, cur hæc
 magis pars, quàm illa, incontaminata servari debuerit. Ita ex Six. Sen.
 l. c. argumentatur Alph. Salmero T. 1. Proleg. 33. f. 417. De hoc
 ipso loco controverso agens Sanctius comm. in Zach. XI. ait: Durum
 valde est, & à quo nescio quomodo pietas abhorret, tamdiu in Sacris Lite-
 ris alienum jam inveterasse nomen, & in re purissima illam q. labem ad-
 hæsisse.

V.

Vana est conjectura, quod hæc corruptio occasione Abbrevi-
 aturæ in textum irrepserit, ut Iß seu Iß pro Zß seu Zß Jeremiæ no-
 men pro Zachariâ lectum fuerit. Huic sententiæ videtur addi-
 ctus Auctor sub nomine Hieronymi T. 4. comm. in Psalm. 77. f. m. 204.
 Sed 1. Sive ex abbreviatâ scriptione, sive ex aliâ causâ irrepisset
 corruptio, tamen esset omnium Codicum, adeoque generalis;
 quod adductis rationibus jam negatum est. 2. Quis credat, vel
 unde probabitur, istiusmodi Abbreviaturas communiter fuisse
 usitatas, & quidem in arduo maximè studio, quale est descriptio
 librorum immediato Spiritus S. afflatu in normam fidei ad adi-
 piscendam vitam æternam exaratorum? Certe Irenæus antiquis-
 simus Scriptor, qui se primos post Apostolos successores vidisse
 testatus est, (V. Euseb. l. 5. hist. c. 18.) in primis Polycarpi, qui Jo-
 hannis Evangelistæ fuit Auditor ac Discipulus, de accuratâ in
 suis tractatibus describendis industriâ cautum voluit, subjunctâ
 sub calcem istâ obtestatione: Adjuro te, qui transcribis librum istum,
 per Dominum IESVM CHRISTVM, & per gloriosum ejus adventum, quo
 judicaturus est vivos & mortuos, ut conseras, postquam transcripseris,
 & emendes illum ad exemplar, unde scripsisti, diligentissime: Hanc quo-
 que obtestationem similiter transferas, ut invenisti in Exemplari, Euseb.
 d. l. Quoad descriptionem Juris severissimæ leguntur sanctiones
 Justiniani de Concept. ff. seu P. §. 13. de juris docendi ratione §. 8. &
 de confirmatione Digestorum, Constit. 1. ac 2. §. 22. ne quis in Scri-
 pturâ utatur notis seu signis, (quæ singulas seu siglas vocent) sed

B 2

per

V. Quod Ab-
 breviaturæ
 fuerit occa-
 sio Mendi.

B.

1.

2.

per totam consequentiam literarum numeros & Nomina veterum Prudentum & totam legum positionem scribat. Quis igitur Omnes in descriptione Avthenticorum ac planè *ἱερογλύφον* N. T. librorum velocitati magis calami in abbreviando, quam debite reverentia & accurata diligentia attendisse asserat? 3. Etiam positus Nominis Jeremiae ac Zachariae abbreviandi modus tam luculentum invicem ostendit discrimen, ut negligentissimos fuisse oporteat, qui hinc unum pro altero legerint.

VI. Quod
dictum sit
à Jeremiâ,
licet non
scriptum.

VI.

Quidam existimant, tutissimam esse explicationem, Verba illa, quæ Matthæus Jeremiae adscribit, ab hoc solum dicta, non autem scripta esse. Ideo apud Evangelistam solum legi, *dictum est per Jeremiam*, non verò *scriptum est*. V. Kesler. *Disq. de Alleg. Dict.* V. T. θ. 14.

R. 1.

Resp. 1. Hæc Responsio admittit, Evangelistam pro confirmanda certitudine suæ scriptionis de Christo & actis circa ipsum ad ea, quæ per Prophetam vivâ saltem voce prolata, provocasse.

2.

Sub phrasi
dictum est,
allegatur
scripturas.

Atque sic oblique pro introducendis Traditionibus ἀρχαίως: prætextus præbetur. 2. Considerentur omnia loca N. T. ubi aliquid tempore V. T. & Prophetarum prolato allegatur sub phrasibus, *dictum est*, *dicit*, *dixit*, *dixerunt*, aut similibus. Et deprehendatur, quod scripto simul consignata hoc modo citentur. Sic, *dictum est*, Luc. IV. 12. ex Deut. VI. 13. (Matth. IV. 11. habetur. *scriptum est*.) Ebr. XI. 18. ex Gen. XXI. 11. *Dicit DEVS*, *locutus est* DEVS, *dicit Spiritus S.* (quando ad Patriarchas, Prophetas & alios tempore V. T. dicta recensentur Luc. I. 55. Ebr. I. 21.) Act. VII. 6. ex Gen. XV. 13. Rom. IV. 18. ex Gen. XV. 5. Cap. IX. 12. ex Gen. XXV. 23. II. Corinth. VI. 16, 17, 18. ex Lev. XXVI. 11, 12. Ezech. XXXVII. 27. Esa. LII. 11. Jer. XXXI. 1. 9. Ephes. IV. 8. ex Psalm. LXIX. 19. Cap. V. 14. ex Esa. LX. 1. Ebr. I. 5, 6, 7, 8. ex Psalm. II. 7. LXXXIX. 27, 28. XCVII. 7. CIV. 7, 8. Ebr. II. 11, 12, 13. ex Psalm. XXII. 23. XII. 2. Esa. IIX. 18. Ebr. III. 7. seqq. ex Psalmo XCV. 8. seqq. Ebr. IV. 3, 4, 5. ex Psalmo XCV. 11. Gen. II. 2. Ebr. V. 5, 6. ex Psalm. II. 7. & CX. 4. Ebr. IIX. 8. ex Jerem. XXXI. 31, 35. Ebr. X. 5. ex Psalm. XL. 7, 8, 9. Ibid. v. 15, 16, 17. ex Jerem. XXXI. 34, 35. Ibidem v. 30. ex Deut. XXXII. 35. Ebr. XII. 5. ex Prov. III. 11. ibid. v. 20. ex Hagg. II. 7. Ebr. XIII. 5. ex Jos. I. 6. Jacob. II. 11. ex Exod.

Exod. XX. 13, 14. *Dixit*, vel, *Locutus est Deus*, vel *Spiritus S. per Prophetam*, per *Os Prophetæ*, *Dictum est à Domino per Prophetam dicentem*, Matth. I. 22. ex Esa. VII. 14. Matth. II. 15. ex Ose. XI. 1. Luc. I. 68, 69, 70. ex Psal. LXXII. 12. it.: CXXXII. 18. Esa. LIX. 20. Jerem. XXIII. 6, 7, 8. Ezech. XXIX. 21. Dan. IX. 14. &c. Act. III. 21. fin. ex Deut. XVIII. 15. Gen. XXII. 18. &c. Act. IV. 25. ex Psal. II. 1, 2. Act. XIII. 34. ex Esa. LV. 3. Ibid. v. 35. ex Psal. XVI. 11. Act. XXVIII. 25. ex Esa. VI. 9, 10. Rom. IX. 24. ex Ose. II. 23. Ebr. IV. 6. ex Psal. XCV. 8. *Locuti sunt Prophetæ*, *Dicit Prophetæ*, *Dicit quis*, Luc. XXIV. 25. (Quod locuti sunt Prophetæ, explicatur de ipsorum Scripturis, vers. 25. Conf. v. 44, 45, 46. Sic etiam Act. XXVI. 22, 23. Act. VII. 48. ex Esa. LXVI. 1, 2. Act. XIX. 32, 34. ex Esa. LIII. 7, 8. Rom. XV. 10. ex Deut. XXXII. 43. II. Petr. I. 19, 20, 21. Verbum Propheticum & Vaticinia, quæ locuti sunt Sancti Dei Homines, explicantur de vaticiniis Scripturæ. Ebr. II. 6. ex Psal. VIII. 5. interdum Nomine expresso: *Dixit Moses*; Marc. VII. 10. ex Exod. XX. 12. Lev. XX. 9. Act. III. 22. ex Deut. XXVIII. 15. Act. V. 37. ex eod. loco Rom. X. 20. ex Deut. XXXII. 21. (Huc pertinet Phrasin: *Dicit lex*, & *Dictum est in lege*, sc. per Moysen, scripto posteris relicto. Luc. II. 24. ex Exod. XXIII. 2. Lev. XII. 8. Rom. VII. 7. ex Exod. XX. 17. I. Corinth. IX. 8. explicatur versu seq. de eo, quod scriptum est in lege Moysi, scil. Deut. XXV. 4. I. Corinth. XIV. 34. ex Gen. III. 18. *David dicit*, vel *locutus est*, Marc. XII. 35, 36. ex Psal. CX. 1. Conf. Luc. XX. 42. Act. II. 25, 31. ex Psal. XVI. 9. seqq. Ibidem v. 35. ex Psal. CX. 1. Rom. IV. 6. ex Psal. XXXII. 2, 3. Rom. XI. 9. ex Psal. LXIX. 24. Rom. XV. 10, 11. ex Psal. CXVII. 1. *Dicit*, *Dixit Esaias*, *Prophetavit Dicens*: Matth. XV. 7, 8. ex Esa. XXIX. 13. (Conf. Marc. VII. 6.) Joh. XI. 38, 39, 40. ex Esa. LIII. 1. & VI. 10. Rom. X. 17. ex Esa. LIII. 1, 13. Ibid. v. 20, 21. ex Esa. LXV. 1, 2. Rom. XV. 12. ex Esa. XI. 10. Et ut propius ad phrasin, quæ in textu Matthæi habetur, accedamus, non aliter intelligitur, *Dictum per Prophetam*, vel *in Prophetis*. Act. II. 16. ex Joel. II. 28. Act. XIII. 40. ex Habac. I. 5. & II. 4. Integra apud S. Matthæum in citando phrasin, *Dictum est per Prophetam dicentem*, alibi etiam apud eundem, (non verò in aliis N. T. libris) sive expresso sive tacito Prophetæ nomine, usurpata nullibi de vaticinio ore tenus saltem per Prophetas.

tas prolato, sed de scripto semper invenitur. *Matth. II. 17.* (Eadem omnino sunt verba, quæ *Cap. XXVII. 9.* nisi quod pro *διὰ* *ἱερεῖς* habetur *ὁπὸ ἱερεῖς*, nullâ sensus mutatione) ex *Jerem. XXXI. 15.* *Matth. III. 3.* ex *Esa. XL. 3.* *Matth. IV. 14.* ex *Esa. IX. 1, 2.* *Matth. VIII. 17.* ex *Esa. LIII. 4.* *Matth. XII. 17.* ex *Esa. XLII. 1, 2, 3, 4.* *Matth. XIII. 35.* ex *Psal. LXXVIII. 2.* *Matth. XXI. 4.* ex *Zach. IX. 9.* Causam, cur Prophetarum Scripturæ ut *Sermones*, ut *Loquentes*, dicentes allegantur, alibi ostendunt & urgent Theologi Nostres contra Pontificios, qui Sacram Scripturam in rebus fidei nolunt agnoscere, ut vocem Judicis, quâ controversias decedit ac dirimit. Videantur loca *Marc. XV. 28.* *Ioh. VII. 38, 42. cap. XIX. 24, 37.* *Rom. IV. 3. cap. IX. 17. cap. X. 8, 11. cap. XI. 3.* *Gal. IV. 30.* *I. Timoth. V. 18.* *Iac. II. 23.*

Textus, ne quid celem, ubi quis saltem oretenus prolato, per Prophetas sub phrasi, *dictum est*, citata existimaret, possent adduci *Matth. II. 23.* *Veniens (JESUS) commigravit in civitatem, quæ vocatur Nazareth; ut adimpleretur, quod dictum est per Prophetas, quoniam Nazareus vocabitur.* *Jud. v. 14, 15.* *Prophetavit & de his septimus ab Adam, Enoch, dicens: Ecce venit Dominus in sanctis millibus suis, &c.* Sed frustra.

Expendun-
tur citati-
ones
Matth. II.
23.

Expendamus Primum, Hieron. in h. l. Si fixam de Scripturis posuisset exemplum, nunquam diceret, Quod dictum est per Prophetas, sed simpliciter, quod dictum est per Prophetam. Nunc autem pluraliter Prophetas vocans ostendit, se non verba de Scripturis sumpsisse, sed sensum. Nazareus Sanctus interpretatur. Sanctum autem Dominum futurum omnis Scriptura (e. g. *Psal. XVI. 10. XCIX. 3. 5, 9. Esa. VI. 5. Dan. IX. 24. Conf. Marc. I. 25. Act. III. 14. &c.*) commemorat. Possumus & aliter dicere, quod etiam eisdem verbis juxta Hebraicam veritatem in *Esaia* scriptum sit: Exiet virga de radice Jesse, & Nazareus de radice ejus conscendet. In Priori solutione respicit *נָזִיר* à radice *נָזַר* separavit. Talis Nazireus (*Thren. IV. 7.* quædam Exemplaria Græca legerunt *Ναζαρεῖος*, unde ad prononciationem Syriacam, ubi Camez effertur ut O, *Ναζαρεῖος*,) erat segregatus à mundanis negotiis, Sanctus Domino. *Num. VI. 5, 8, 11.* sicut etiam LXX. *נָזִיר* in Hiph. reddiderunt *אֲנָזִירָא*, sanctificari. *Num. VI. 12.* *נָזִיר ἡγιασμένον*, sancti-

85

sanctificatum, *Lev. XXV. 11. Am. II. 12. ἁγιασμένον Am. II. 11. & ἁγιασμα* Sanctificationem. *Lev. XXV. 5.* in quibusdam Exemplaribus *Iudic. XIII. 7. cap. XVI. 12. ἅγιον* Sanctum. (Conf. *Hieron. T. 11. Comm. in Ezech. VII. f. 710. Epiphan. Hæres. 29. Naziræi, h. e. Sanctificati,) ἐνζαμένον, ἡσυχμένον.* Votum, devotum, sc. per votum DEO dicatum. *Num. VI. 13, 18, 19, 20, 21. Conf. Ad. XXI. 23, 24. Expressè nominatur* נָזִיר *& Ioseph. Gen. XLIX. 26. Deut. XXXIII. 16. & Simson Iudic. XIII. 5. 7. Cap. XVI. 17. Ut* trumq; autem fuisse CHRISTI typum in confesso est, & quoad varia Comparationis membra ostendunt Patres, sc. cum Iosepho *Tertull. adv. Iudeos: fol. 102. Orig. T. I. hom. 1. in Exod. fol. 60. T. II. tract. 35. in Matth. fol. 173. Ambros. T. IV. lib. de Ioseph. cap. 2. & seqq. fol. 245. seqq. Hieron. T. III. Comm. in Marc. VI. (ipsi adscripto) fol. 782. c. Aug. T. IV. Q. in Iud. 49. & Serm. 84. Chrysost. T. I. Hom. 61. in Gen. fol. 481. &c. cum Samfone Ambros. T. II. in Prologo lib. 2. de Spir. S. f. 133. seq. Hier. T. I. Epist. 126. ad Evagr. f. 1060. d. T. II. comm. in Ezech. XLVI. f. 982. b. c. T. II. comm. in Marc. XV. f. 781. d. & in Epist. ad Philem. f. 1073. c. Aug. Tom. VIII. super Psalm. LXXX. f. T. X. Serm. CVII. de Temp. f. Autor sub nomine Hieron. T. V. super Iob. XII. f. 58. d. Greg. Hom. 21. in Paulin. Epist. 4. &c. Nec in aliis solum, sed in ipso Naziræi nomine Typum Christi gesserunt. Ioseph dictus fuit Naziræus, h. e. Separatus (ita Chaldaeus paraphrastes *Gen. XLIX. & Deut. XXXIII. reddit) quia non tantum habitati-* one, sed etiam moribus atq; sanctimonia separatus fuit à suis fratribus. Ita CHRISTUS *Ebr. VII. 26. Alii volunt, Naziræum h. l. significare Coronatum, à* נָזִיר *Corona, quia non tantum Prorex* Ægypti fuit, sed etiam dignitas Regia ad Ephraimi filii ejus Tribum transit, quæ causa est, quod etiam, postquam Ioseph non officio saltem sed & vitâ dudum defunctus erat, in Familæ Ioseph benedictione repetatur. *Deut. XXXIII. 16. quod veniat ad* Caput Ioseph, & super verticem Naziræi è fratribus ejus. (Conf. *Ezech. XXXVII. 16. Amos. V. 6.) ita CHRISTUS est & dicitur Co-* ronatus ob excellentiam Regiam præ omnibus hominibus. *Psalm. VIII. 6. Ebr. II. 7. 9. Psalm. XXI. 4. CXXXII. 18, (נָזִיר) Zach. VII. 11, 12, 13. Apoc. XIV. 14 Simson Naziræus dictus, quia* Segregatus à Seculo, (ita nominat eum Zohar in *Gen. 49. f. 129. Col. 3.) & DEO devotus ad peculiarem vitæ rationem quoad Po-* tum,*

tum, Capillos, vitandos Mortuos, offerenda Sacrificia, Conf. *Iud.* XIII. 4, 5, 12, 13, 14. cum *Num.* VI. 3. seqq.) quæ licet fuerit ceremonialis ac Levitica, tamen eminentioris sanctitatis moralis erat adumbratio atq; monitum. Vid. *Origin. hom.* 11. in *Lev.* f. 160. seq. Prolixiorum diductionem nonnulli quærendam esse movent apud *Cyrill. lib.* 16. de *adoratione in Spiritu & veritate*. Sed cum præter brevem quendam Dialogum sub hoc titulo in antiquioribus *Cyrilli* editionibus nihil habeatur, Libri autem isti 17. moderno tantum seculo lucem viderint, nolumus suspectas merces Lectori proponere. CHRISTUS igitur, & Iosephi & Simsonis antitypus, tum ob summam dignitatem, tum ob omnimodam Sanctitatem à cæteris hominibus, separatus ac segregatus ex consilio DEI itidem fuit nominandus Nazireus. Quum verò propter Politicæ Coronæ ac Levitici Naziræatus externi defectum aliàs non fuisset in mundo talis appellatus, mira DEI providentia effecit, ut hoc nomen occasione commorationis in *Nazareth* sortiretur, quod ex Typis per Prophetas descriptis ipsi debebatur. Sic *Nazoræum*, *Nazaræum*, *Nazarenum* nominarunt eum non hostes tantum, Homines & Diaboli *Matth.* XXVI. 71. *Ioh.* XII. 4. *cap.* XIX. 19. *Act.* VI. 14. XXIV. 6. XXVI. 9. *Marc.* I. 24. sed Discipuli etiam *Marc.* X. 47. *Luc.* XVIII. 37. XXIV. 20. Apostoli *Act.* II. 22 III. 6. IV. 10. X. 38. Sancti Angeli *Marc.* XVI. 6 quin & ipsemet hoc sibi Nomen tribuit *Ioh.* XVIII. 5, 7, 8. *Act.* XXII. 8. Similia Exempla Impletionis, quod per Prophetas dictum est de typo, quando illud factum est in Antitypo, habentur in eod. *cap.* II. *Matth.* v. 15. *Ioh.* XIX. 36. Videatur egregius in datâ loci controversi explicatione locus & consensus *Eusebii lib.* 7. *Demonstr. Evang.* c. 2. f. 534. Nec est, quod huic interpretationi obvertatur, JESUM dici *Nazoræum* à נָצֹר per נ ut ex Syriaca versione constet, atq; in titulo Crucis, qui Romæ in Ecclesiâ Sanctæ Crucis in Jerusalem magnâ cum reverentiâ asservatur, ita legi testentur Scriptores, (quamvis *Corn. à Lap.* qui eundem & sæpè & studiosè vidit, testetur, literas ita exesas, ut an נ an י sit, discerni nequeat, imò potius I esse videatur;) quum נָצֹר per י scribatur. Nam literæ congeneres, homogeneæ & unius Organi sunt י & נ adeoq; facile inter se (ex regula Grammaticorum) permutantur, præsertim, quando voces & Nomina Propria in alias traducuntur linguas.

Acce-

Accedit, quod ζ Græcum ad י Ebræum exprimendum haud raro usurpatur. Ita LXX. Interpretes Thren. IV. 7. appellationem literæ י exprimunt per ζάιν, & יוֹר per Ναζαρεθ. *Iud.* XIII. 5, 7. *cap.* XVI. 17. *Thren.* IV. 7. in quibusdam exemplaribus per Ναζαρεθ. *Amos* II. 11. Ναζαρεθ. *Thren.* IV. 7. Imò ex ζ sententia ista de יוֹר magis confirmari videtur; quum Græci in Nominibus Propriis Ebræorum allegandis per σ & י per ζ soleant exprimere. Prioris Exempla sunt Σαββαθ *Esa.* I. 9. 24 &c. *Rom.* IX. 29. *Jac.* V. 4. pro צבאות, צדק, Σαδων II. *Sam.* VIII. 17. צדקים Σαδδκαῖοι. *Matth.* XXII. 23. &c. צבא Σαβὰ I. *Sam.* VIII. 13. צבא Σεμφορά vel Σεπφορά *Exod.* II. 22. צרפת Σάρεπτα, Σάρεφτα I. *Reg.* XVII. 9. *Luc.* IV. 26. חצור Ασώρ *Jos.* XI. 1. חצר מלכיצדק *Job.* XII. 24. ציון Σιών *Matth.* XXI. 5. &c. מלכיצדק Μελχισεδεκ *Ebr.* V. 6. &c. Posterioris Exempla יוֹר Γαζαρά II. *Sam.* V. 25. חרצור אדרαζάρ, אדרίζאר, אדרαέζερ II. *Sam.* VIII. 3. seqq. יבולן ζαβλάν *Gen.* XXX. 20. *Matth.* IV. 13, 15. יחζαρά *Gen.* XXVIII. 30. *Matth.* I. 3. יכרר Zacharias *Mat.* XXIII. 35. &c. יביר ζεεδαῖο *Matth.* IV. 21. &c. ירבבל ζορεάβελ *Matth.* I. 12. יבוב בעל ζεελά *Matth.* XII. 24. &c. & sic in reliquis.

In Posteriori solutione, quam superius ex Hieronymo allegavimus, respicitur ad יצר *Surculus*; unde nomen oppidi, addito ω formatum putant, à rad. יצר *custodivit*. Expresè enim CHRISTUS appellatur יצר *Esa.* XI. 1. & voce similis significationis צמח *Zach.* III. 8. VI. 13. Utut enim apud solum Esaiam יצר appelletur, à Matthæo autem *Prophetarum* mentio fiat, tamen hoc non alienum est à literaturâ N. T. ut Prophetæ nominentur in plurali, quando vel de unico sermo est. *Ioh.* VI. 45. ex *Esa.* LIV. 13. אר. XIII. 40. ex *Habac.* I. 5.

Ad Alterum dictum ex *Iud.* v. 14. responderi potest, 1. Hanc ipsam simul causam esse, cur inter Apocrypha olim rejecta fuerit ista Epistola; quia sc. alleget in Scripturâ Canonicâ non re-

C

pertum

pertum Exemplum v. 9. & Dictum v. 14, 15. V. Hieron. in *Catal. Luth. T. 5. Lat. VVitt. comm. in b. l. 2.* A multis etiam hoc Dictum Enochii explicari ut Scriptum sive per ipsum Enochum, cuius liber à Diluvio fuerit in arcà asservatus, vel à Noe afflatu Spir. S. redintegratus, (Tertull. *de habitu mulier. cap. 3. f. 161. seq.*) sive per incertum Autorem, adeoq; pro Apocrypho habitum, Orig. T. I. *hom. 28. in Numer. f. 282. & lib. πρὸς ῥωμ. cap. 2. Athanas. T. II. in Synopsi S. Script. f. 134. Beda T. V. Opp. comm. in b. l. f. 1056.*) ex quo Testamentum XII. Patriarcharum (quod in Orthodoxographià extat, ejusq; Origenes T. I. *Hom. 15. in Iosuan. f. 318. meminit*) Iren. *lib. 4. cap. 30. f. 257. Tertull. de cultu scem. cap. 10. f. 168. & lib. de idololatr. c. 4. f. 150. ut & Iustinus, Athenagoras, Clemens Alex. Methodius, Cyprianus, Lactantius, Sev. Sulpitius, Proclus, Psellus, nonnulla allegant. Utut enim Apocryphus fuerit iste Liber, & multis erroribus, sive primi Scriptoris, sive (quod probabilius censent Corn. à Lap. in *b. l. Torniel. Annal. sac. ad ann. 628. f. 70. Danhavv. in Christeide p. 889. post Apostolorum tempora corruptum vitio, refertus: Tamen non illicò totum Scriptum approbari, si quid ex eo citetur, eruditè ostendit Hieron. T. III. comm. in T. I. f. 1048.* 3. Quamvis concedatur, Prophetiam Enochii saltem oretenus prolatam citari, eamq; S. Judam sive ex continuà quàdam ac receptà traditione, sive ex immediatà Spir. S. inspiratione habuisse, maximam tamen inter hunc & S. Matthæi locum controversum intercedere differentiam. Siquidem ab Evangelista Jeremias allegatur, cuius Prophetia & scripro comprehensa, & in præsentem usq; ætatem habetur; quum contrà citatum à Judà Enochum quicquam scripsisse, quod prophetaverat, nullatenus possit ostendi. Cestè non extat. Allegatum à Matthæo vaticinium in alio V. T. libro Canonico, sc. apud Zachariam legitur: Non autem Prophetia Enochii. Potuit in Historicà assertionem, quod jam olim etiam de impiorum damnatione tum Exemplis v. 5. 6, 7. 11. tum Concionibus inculcata fuerit notitia, Judas ad Enochii Prophetiam ex Traditione non scriptà, sed tunc in vulgus notà & credità, provocare. Talis autem Oralis duntaxat Traditio locum non habet in Matthæo, cuius scopus est, ex impletis in JESU Nazareno Prophetarum vaticiniis supremum Fidei Articulum probare, quod ipse sit verus Messias. Ideò citationi*

19
noni præmittit, Tunc impletum est, quod dictum est per Prophetam;
quum e contra Judas nudè recenseat: Prophetavit & de his septi-
mus ab Adam Enoch.

VII.

Explicationi proximè præcedenti affinis est ea, quæ nodum
ita solvere molitur, quod Zacharias vixerit in disciplina Jeremie. Hu-
jus esse Prophetiam citatam, licet à Discipulo ejus Zacharià de-
scriptam. Admittit hanc interpretationem Ravanel. Biblioth. sacr.
in V. Jeremias. Sed I. Contra hanc etiam militat, quod proxi-
mè oppositum est, sc. quod phrasi, Dictum est per Prophetam, alle-
getur vaticinium ab eodem quoq; descriptum. 2. Ne minima
quidem conjectura producit de Zacharià, quod in Disciplina
Jeremie constitutus fuerit. Certè nec in dubiis ac multarum fa-
bularum admixtione refertis scriptionibus de vitis Propheta-
rum (tantum abest, ut in probatis,) vel minimum hujus rei ha-
betur indicium. Neq; legitur Jeremias aliquod Collegium fi-
liorum Prophetarum suo tempore habuisse & rexisse, sicut olim
Samuel, Elias, Elisa: Neq; alius ejus Scriba & Minister nomi-
natur, quàm Baruch, Jerem. XXXII. 12. 14. cap. XXXVI. 4, 6, 18, 26.
32. etiam in Ægyptum, ubi Jeremiam mortuum esse unanimis
est sententia, cum eo ductus, cap. XLIII. 6. Valdè juvenem opor-
teret fuisse Zachariam, si ante vastatam Jerusalem (postea enim
Jeremiam hunc Discipulum habuisse nemo asserit, aut asserere
ullà verisimilitudine potest,) in disciplina Jeremie vixisset: Si-
quidem certum est ex Zach. I. 1. quod demum anno secundo
Darii prophetari cœperit, & quod aliquot annis adhuc super-
vixerit, ex cap. VII. 1. Esr. VI. 14, 15. constat. Jam verò (ut ex Chro-
nologorum computatione colligitur) CLXXX. anni intercesse-
runt inter Prophetiæ ejus initium & Urbis excidium, quin & plu-
res à tempore, quo Jeremie Discipulum Zachariam fuisse præ-
tenditur. Ut cum fictitio Dorotheo & Epiphanio (Bellarm. de
Script. Eccl. p. 67. Baron. ad ann. 33. n. 40. & ad ann. 45. n. 44. ad ann.
59. n. 11. Estius in Rom. XVI. f. 185. seq. Zehner. præfat. Epiphani. Hi-
storiæ de Prophetarum vitâ. Chamieri Panstrat. T. II. lib. 20. c. 9. S. 17.
f. 412.) in ejus vitâ quos Rom. Martyrologium sequitur, conce-
damus, quod de Chaldæâ Senex in patriam venerit, tamen nescio,
an tantus annorum numerus conveniat ætati ejus temporis hu-
manæ.

C 2

VII. Quod
Zacharias
scripserit
Prophetiam
Jeremie

By. I.
2.

manæ. *Hæc enormis est ætas hominis, & illo seculo inaudita*, inquit *Corn. à Lap.* de Daniele, quem *Perer.* 138. annis vixisse statuerat. Quanto magis hoc dicendum, quando Zachariam ultra 200. annos vi-

3. xisse juxta hypothesin datam asseritur. 3. Quæ causa esset, quod saltem post duo ferme secula à Jeremiâ auditam Prophetiam scripto mandasset? Quod enim post suam in Judæa propheticam functionem demum scripserit; manifestum est ex ejus libro. V. *Tarnov. in Zach. XI. p. 301.* 4. Insvetum planè est, ac incongruum auctoritati alicujus immediatè impulsæ Prophetæ, ut ab alio saltem auditam prophetiam in suâ & pro suâ consignet, nullâ etiam illius, à quo acceperit, factâ mentione. Non enim voluntate humanâ allata est aliquando Prophetia, sed Spiritu S. inspirati locuti sunt sancti Dei homines, II. *Petr. I. 21.* Omnis scriptura est divinitus inspirata. II. *Tim. III. 16.* 5. Omnium fortissimè hanc sententiam refutat ipse Zacharias, qui visiones & Prophetias non ab altero auditas, sed sibi ipsi oblatas & inspiratas esse luculenter testatur *Cap. I. 1. &c. Speciatim cap. XI. 4.* quando DEI Patris & CHRISTI Dialogismum in Visione ac Typo sibi repræsentatum scripturus erat, præmittit: Sic dixit Dominus DEVS meus. Et postea v. 15. Dixit Dominus ad me: Adhuc sume tibi vas Pastoris stulti, i. e. postquam præcedentia tibi revelata fideliter annunciasti, etiam ea, quæ jam revelabo, demonstra typo, atq; verbo edissere. Quin & in ipsis verbis citatis v. 13. Dixit Dominus ad me; idem quod apud Matthæum ita effertur: Sicut constituit mihi Dominus.

VIII. Quod Zacharias fuerit Binominis.

VIII.

Quidam statuunt Homonymiam in appellatione Jeremiæ, ita ut per eum non filius Chilkæ, qui Josiæ temporibus prophetare coeperit, sed filius Berechiæ, qui & Zacharias & Jeremias dictus fuerit, ac post captiv. Bab. prophetaverit, intelligatur. Hanc solutionem cæteris præfert *Thumm. Duquis de verbo DEI. Theor. de libr. Can. & Apocryph. p. 107. Tarnov. in Zach. XI. p. 301.* & tutissimam censet *Baldwin. comm. in Zach. XI. p. 733.* cui & ego calculum adderem præ cæteris, si postrema, quæ adducetur, deferenda esset. In confesso enim est, quod uni personæ haud rarò in Scripturâ duo vel plura etiam tribuantur Nomina. Videatur *Gloss. Gramm. sacr. lib. 4. tract. 3. Observ. 12. p. 756. seqq. 763. seq.* Quin & mutantur.

tantur apud Ebræos Nomina in alia ejusdem aut diversæ significationis; præsertim in Nominibus, in quibus aliquot literæ Nominis יחזק extant. E.g. *Iudas* & *Thaddæus* Matth. X. 3. Act. I. 13. quia & יחזק & יחזק ab una radice יחזק Chem. Harm. *Evang. cap. 50. p. 273.* quamvis dici possit, ipsum *Iudæ* nomen Syriacè exprimi *Thaddai*; Ita *Iojakim* & *Eliakim* II Reg. XXIII. 34. II. Par. XXXVI. 3. Judith. IV. 5. quia & יחזק & יחזק est Nomen DEI. Sic *Iojada* II. Par. XXIV. 20, 21. qui censetur dictus *Barachia* Matth. XXIII. 35. Pari modo etiam *Zachariæ* & *Jeremiæ*. Nam utrumq; nomen à יחזק deductum est. Illud *Exaltatum à DEO*, hoc *Memorem DEI* notat.

Difficultates, quibus hæc solutio premitur, videntur esse sequentes. 1. Nullo teste potest probari, quod *Zacharias* Prophetæ binominis fuerit, *Jeremias* etiam appellatus. Resp. Talis probatio non semper ex clarâ literâ, sed etiam ex Circumstantiis per bonam Consequentiam eruenda. Ubi extat, quod *Achimelech* sacerdos, de quo I. Sam. XXI. 8. binominis fuerit, *Abjathar* quoq; dictus? Colligendum hoc est ex collatione tum Facti ejus ibidem descripti, & Marc. II. 26. sub nomine *Abjathar* allegati, tum ex II. Sam. VIII. 15. & I. Chron. XXIV. 3, 6. cum II. Sam. XV. 27, 29, 35. I. Reg. II. 26. 27. ex quo colligitur, & Patrem & filium fuisse binominem, dictum *Achimelech* & *Abjathar*. Quod *Iojada* Pontifex etiam appellatus fuerit *Barachia*, colligitur ex collatione historię II. Par. XXIV. cum Matth. XXIII. 35. Quum enim Nomen interfecti & Locus patratæ cædis consentiant, sola autem in Patris Nomine sit differentia, concluditur, illum utroq; fuisse appellatum. Ita hic, quia textus sub nomine *Jeremiæ* citatus apud *Zachariam* reperitur, exinde colligi potest, quod utrumq; Nomen gesserit.

2. Matth. II. 17 per Prophetam *Jeremiam* intelligitur, qui ante excidium *Ierusalem* vixit. Ergo idem quoq; cap. XXVII. 9. allegatus est intelligendus; qvum nullum utrobq; notari possit diversitatis vel minimum indicium. Resp. Diversitas apparet in citatis textibus, quorum ille apud Majorem, hic verò apud Minorem ac posteriorem Prophetam extat.

3. Nullibi S. Matthæus aliquem ex Prophetis Minoribus citavit nominatim (Cap. XII. 40. non allegatur Scriptura & Prophetia,

C 3

Non caret
difficultati-
bus1.
B.

2.

B.

3.

phetia, sed Historia Ionæ) prout quidem ex Majoribus Esaiam, Ieremiam, Daniele nominavit, sed tantum generatim: *Dictum per Prophetam dicentem cap. II. 15. ex Ose. XI. 7. cap. XII. 7. & generalius adhuc cap. IX. 13. Discite, quod est, ex Ose. VI. 6. Cap. XXI. 4. ex Zach. IX. 9. Scriptum est, Cap. XI. 10. ex Mal. III. Cap. XXVI. 31. ex Zach. XIII. 7. Non ergo probabile est, quod in solo Cap. XXVII. solum Zachariam, & quidem nomine alio, quod nullibi alias ipsi datum legitur, citaverit. Accedit, quod nec in aliis N. T. libris, excepto *Act. II. 16. Rom. IX. 25.* Nomina Minorum Prophetarum allegata inveniuntur, sed vel tantum verba, absq; mentione ullius citationis, *Luc. I. 17. ex Mal. IV. 5, 6. Ib. v. 33. ex Mich. IV. 7. Luc. XXIII. 30. Apoc. VI. 16. ex Ose. X. 8. Rom. X. 15. ex Iecl. II. 32. Gal. III. 11. & Ebr. X. 38. ex Habac. II. 4. vel sub generalioribus phrasibus, dicit DEUS. Ebr. XII. 26. ex Hagg. II. 8. Dicit Scriptura, Iob. XIX. 37. ex Zach. XII. 10. Scriptum est. Rom. I. 17. ex Habac. II. 4. Rom. IX. 13. ex Mal. I. 3. Rom. X. 15. ex Nah. I. 15. Verbum Scriptum I. Cor. XV. 54, 55. ex Ose. XIII. 14. vel sub mentione Prophetarum in plurali Numero: Scriptum in libro Prophetarum. *Act. VII. 42. ex Amos V. 25.* Dictum in Prophetis, *Act. XIII. 41. ex Habac. I. 5. Sermo Prophetarum. Act. XV. 14. ex Amos IX. 11.* Omnes enim hos XII. Prophetas Ebræi Doctores uno titulo ac libro comprehendunt, sub appellatione תריסר: quæ Chaldaica vox est, ex תריס: Duo & עשר: Decem composita, adeoq; significans *Duodecim*; ad quam appellationem *Ecclesiasticus* quoq; cap. XLIX. 12. respicit. V. *Fabric. Partit. Cod. Ebr. cap. 18. p. 110. B.* Quum verò negari nequeat, alicubi etiam hosce nominatim citari, utut non apud S. Matthæum, non arbitror, hanc oppositionem pro infringendâ, quæ jam ventilatur, sententiâ solam sufficere posse.**

B.

IX. Quod
Ieremias
Zachariæ
Nomen as-
sumserit, vel
in eum mi-
graverit.

IX.

Franc. Iunius in Parall. sacr. ad h. l. meminit nonnullorum, qui putent, Evangelistam citando Ieremiam respectum habuisse ad opinionem Iudæorum, existimantium, quod vel ipse Ieremias ex Ægypto tandem ad reducem Populum venerit, assumpto Zachariæ nomine, vel per μεταμύχων in Zachariam transmigrârit: Ad hanc Iudæorum opinionem collimare, quod II. *Macc. II. 1. &c. cap. XV. 13. 17.* habetur, & quod nonnulli CHRISTUM pro Ieremiâ

miā habuerunt *Matth. XVI. 14.* Sed hæc omnino explodenda. Nam 1. Ut ipse Ieremias secundo anno Darii adhuc prophetarit, quod *Zacharias Cap. I. 1. cap. IV. 1.* de se affirmat, ætas ejus non admittit. Vide, quæ ad Sententiam Septimam dicta sunt. 2. Nulla potest ostendi, vel etiam probabiliter fingi ratio, cur sub alio assumpto Nomine prophetaverit, & peculiarem librum à suo priori distinctum conscripserit. 3. Evangelista non Iudæis tantum, sed & Gentibus, inter quas Prophetarum Codices itidem habebantur, scripsit. Quomodo ergo non ex suâ sententiâ, sed Iudæorum saltem opinione, & quidem maximè erroneâ, in probando fidei dogmate de IESU Nazaræo Prophetam allegasset ac nominasset?

X.

Augustinus lib. 3. de consensu Evang. cap. 7. post allatam sententiam, quæ sub Num. II. expensa est, subjungit: *Cum ita constituerit Dominus, prima illa causa utilissima debet facillimè cogitari, etiam sic esse insinuatum, ita omnes Sanctos Prophetas uno Spiritu locutos mirabili inter se consensione constare, ut hoc multò amplius sit, quàm si omnia Prophetarum uno unius ore dicerentur, & ideo indubitanter accipi debere, quæcunq; per eos Spiritus S. dixit, & singula esse Omnium, & omnia Singularum. Cum igitur & quæ dicta sunt per Ieremiam, tam sint Zachariæ, quàm Ieremiæ, & quæ dicta sunt per Ieremiam, tam sint Ieremiæ, quàm Zachariæ, quid opus erat, ut emendaret Matthæus, cum aliud pro alio sibi nomen occurrens à se scriptum relegisset, ac non potius sequens Matthæus auctoritatem Spiritus S. à quo mentem suam regi plus nobis utiq; ille sentiebat, ita hoc scriptum relinqueret, sicut eum admonendo constituerat ei Dominus, ad informandos nos, tantam verborum suorum inter Prophetas esse concordiam, ut non absurde, imò congruentissimè, etiam Ieremiæ deputaremus, quod per Zachariam dictum reperiremus. Ex his verbis desumpta est Glossa ordinaria super istum locum Matthæi, Beda T. V. *comm. in h. l. f. 110.* non sententiam modò Augustini sequitur, sed eadem propè verba ab eodem mutuatus est. Ad stipulatur *Gerson T. I. in Monoteff. c. 146.* Sed nec ista expositio, ingeniosa licet, omni vacat difficultate. 1. Certè in istis locis N. T. ubi generatim duntaxat allegatur Scriptura aut etiam Propheta, absq; expresso ejus nomine Proprio, convenientissimè notatur omnium Prophetarum, quippe ab uno Spiritu gubernatorum.*

X. Quod aliud Nomen ponatur, ad indicandum Omnium Prophetarum consensum.

By
I.

natorum, concordia, ut cujusq; Nomen simul addere necessarium non fuerit. Est enim *Omnis ista Scriptura Θεόπνευστος*. II. Tim. III. 16. *Non voluntate hominis allata est aliquando Prophetia, sed Spiritu S. inspirati locuti sunt Sancti DEI homines.* II. Petr. I. 21. Quin & contra Pontificios illud ipsum, quod de uno Spiritu per omnes Prophetas loquente adduxit Augustinus, notandum est: Siquidem S. Scripturam imperfectionis arguere, & Traditionum non scriptarum necessitatem urgere volunt, quia ex verbo scripto non possit liquidò constare, quis cujusque libri Canonici aut omnium partium ejusdem genuinus Autor sit; quum tamen parum intersit, cujus ministerio Spir. S. in unoquoq; consignando usus sit, dum modò ab ejus inspiratione hanc Scripturam profectam esse constet. Alia autem omninò est ratio, quando in S. Scripturà non tantum indicatur, vaticinium esse à DEO, sed simul etiam causa Ministerialis, per quam illud manifestavit, nominatim exprimitur. Phrasi, *impletum est, quod dictum fuit per Prophetam*, innuitur gubernatio DEI, qui locutus est per Prophetam, ut idem sit, ac, *Dictum à Domino per Prophetam*; Prout integra ista Phrasis habetur Matth. I. 22. cap. II. 15. Act. IV. 25. & aliis in locis. Quando autem simul Nomen Prophetæ additur, cujus ore & calamo DEUS usus sit in promulgando hoc vel isto vaticinio, non video, quomodo unum Nomen pro altero substitui potuerit absq; jactura veritatis, saltem historicæ. Salvà eà potest Nomen reticeri, cum de primario Auctore constet: Aliud verò & quidem falsum poni, non item. Is enim, cujus instinctu & directione Omnes Prophetæ locuti sunt, est Spiritus veritatis, qui in *omnem* veritatem ducit, prout supra etiam ad *Sent. II.* monui. 2. Utut in Dogmatibus scripta omnium Prophetarum consentiant: Tamen non negari potest Styli ac Verborum diversitas, in evidens testimonium, quod Spiritus S. genus sermonis, cui unus præ altero sive naturali quodam ductu sive ex institutione & doctrina assuetus fuit & additus, non planè immutaverit, sed tamen ad suum nutum attemperaverit, ut & Res & Verba consignarentur ipso Duce & Directore. (Videantur, quæ hinc inde annotarunt tum prisca tum recentiores de *singulorum Prophetarum stylo* & *discrimine* inter se invicem.) Non ergò in omnibus ac simpliciter *perinde est*, sive hujus sive illius Nomen circa aliquem textum citetur.

3. Ex

35

3. Ex Pontificiis Bonfrer. *Præloq. in Script. S. cap. 7. sect. 4. f. 25.*
 (Commentario ejus in Pentateuchum præmittitur,) simili præ-
 tensioni ita obviare nititur: Sunt, qui inutilem censent hanc quæ-
 sitionem (de Scriptore Psalterii:) Nam siue Davidis sint omnes, siue
 horum aliqui alios habuerint Scriptores, dum modo omnes fatemur esse
 Scripturam Sacram, nihil interesse videtur; cum constet, omnes divini
 Spiritus afflatu esse conscriptas. Verum pari modo diceretur, in reliquis
 omnibus S. Scripturæ libris inutiliter & sine fructu de Autore quæri: Dum
 constat, esse Scripturam sacram, nihil ulterius esse requirendum. At
 constat, hanc in cæteris non inutilem esse quæstionem, quam tot Doctores,
 tot SS. Patres movent & examinant. Adde verò, esto, eadem sit auto-
 ritas, eadem sit reverentia exhibenda cuilibet S. Scripturæ parti ob pri-
 marium Autorem DEVM: At nemo ignorat, à Scriptore & Autore se-
 cundario quandam accidentariam dignitatem posse accedere, præter-
 quam quod volupe sit cognoscere, & ad DEI laudem faciat scire, per quos
 divina sacrarum Scripturarum volumina ad nos pervenerint.

XI.

Qui à Jeremiâ, sed tamen in alio libro post temporum decur- XI. Quod
 sus perduto, citatum vaticinium scriptum esse contendunt, provo- Liber sit de-
 cant ad testimonium Hieronymi T. III. *comm. in Matth. 27. f. 724. perditus.*
 Cujus verba sunt: Legi nuper in Hebraico quodam volumine, quod Na-
 zarææ Sectæ mihi Hebræus obtulit, Jeremiæ apocryphum, in quo hæc ad
 verbum scripta reperi. *Orig. T. II. Hom. 35. in Matth. f. 193. su-*
 spicatur, si non error scriptionis sit in permutatis Prophetarum
 nominibus, esse aliquam secretam Jeremiæ scripturam, in quâ
 scribatur. Sic etiam *Lyra in b. l.* Sed Resp. I. Periculosa est R. I.
 assertio, quod S. Evangelista, qui in toto libro potissimum in-
 tendit probationem dogmatis, quod JESUS sit Nazarenus, quia
 in ipso Prophetarum vaticinia impleta fuerint, argumenti loco
 ad secretam & incertam quandam Scripturam provocaverit, quæ
 tamen in Ecclesiæ Israëlitiæ Canone nō fuerit reperta. Quando
 Apostolis res fuit cum Ethnicis, testimonia κατ' ἀνθρώπων re-
 cepta etiam ex Ethnicorum libris adduxerunt interdum in *Mo-*
ralibus sive exhortationibus, sive dehortationibus, sive repre-
 hensionibus. *Act. XVII. 28. I. Corinth. XV. 33. Tit. I. 12. 13.* in nu-
 dis etiam *Historiis* recensendis alicubi quædam accidentaria ad-
 dunt, in libris Canonicis non extantia, sed vel ex immediatâ re-

D

vela-

velatione, vel receptâ traditione, vel apocryphâ scriptione sibi nota II. Tim. III. 8. In probando autem præcipuo *Fidei Articuli* ad incertas atq; non receptas Scripturas provocare ipsis planè insolitum, & certitudini Religionis Christianæ prorsus incongruum est. 2. Si liber iste scriptus à Jeremia continuit Prophetias de CHRISTO & in ipso complendas, ut agnoscitur pro vero Messia, prout ipsum ita allegat Evangelista sub Phrasi: *Tunc impletum est, quod dictum est per Prophetam Ieremiam dicentem &c.* utiq; non tantum fuit ab eo, tanquam nudo Historico, sed ut à Propheta immediatâ DEI inspiratione scriptus, adeoq; etiam divinus & Canonicus. Talem verò propriè dictum peritisse, nunquam demonstrabitur. Scripserunt Prophetæ, sicut & in N. T. Evangelistæ & Apostoli nonnulli, ut *Homines*, alia autem ut *Sancti DEI Homines* divinâ inspiratione immediatè gubernati. *Priora* quædam interiisse facillè conceditur, non autem *Posteriora*. Videatur *Aug. T. V. de C. D. lib. 18. cap. 38. f. 1099. b. Gerb. Exeg. de S. Script. §. 108. seqq. & Confess. Cathol. lib. 2. art. 1. cap. 4. pag. 254. seqq. Rivet. Isag. in S. Script. cap. 6. pag. 61. seqq. &c.* 3. Ipsa *persona sectæ Nazareæ*, quæ hujusmodi librum Hieronymo legendum tradidit, fidem ei detrahit. Hoc enim Hæreticis in more positum fuit, ut ad peculiare Scripturas orthodoxæ Ecclesiæ vel incognitas vel improbatas se reciperent, tanquam à Scriptoribus Canonicis editas. De *Valentinianis* refert *Iren. lib. 1. adv. hæres. cap. 17. f. 68.* Afferunt immensum Apocryphorum & Scripturarum notharum multitudinem, ut stupefaciant amentes & ignaros verarum literarum. Prolixius de hæc ipsorum audaciâ agit *lib. 3. cap. 11. f. 188. Sethiani* quosdam libros nomine Sethi, Abrahami, Moysi, confictos habuerunt, ut est apud *Epiphan. lib. 1. tom. 3. Hæres. 39. f. 129.* Quod sub nomine Apostolorum ab Hæreticis prolata sint Petri & Thomæ & Matthiæ & cæterorum similiter Apostolorum Evangelia; sed & Andreæ & Johannis atq; aliorum Apostolorum Actus narrat *Euseb. lib. 3. Histor. Eccl. cap. 25. f. m. 708.* Plurima hujusmodi scripta supposititia recensuit *Gelas. 1. & autoribus ipsorum Hæreticis anathema dictum est Sancta Romana dist. 15.* Inprimis *Nazaræi* (quod antea orthodoxis nomen erat *Athor. XXIV. 6.*) ex Judæis conversi, sed in legalium observatione simul hærentes, & postea Ebionis quibus-

27

quibusdam erroribus simul imbuti, alibi etiam *Kinei* dicti (*Hieron. Epist. 89. f. 950.*) gloriati sunt, quod haberent Matthæi Evangelium perfectissimum Ebraicè, quemadmodum ab initio scriptum esset; quâ suâ iactantiâ Epiphanius etiam (*Vid. T. I. lib. 1. Hæres. 20.*) & Hieronymo (*vide ipsum T. I. de script. Eccl. f. 347. in Matth. & T. III. comm. in Matth. 12.*) imposuerunt. Videtur de isto Evangelio Eusebius scripsisse *lib. 3. Histor. Eccl. c. 25.* quod in Ecclesiâ ei contradicatur. Conf. *Sixt. Sen. lib. 1. Biblioth. lit. H. Hebræorum Evangelium f. 72. seq. Theodoretus T. II. lib. 2. Hæret. Fab. ait, quod Evangelio secundum Petrum usi sint.* Quid ergo miri, si etiam sub Ieremie nomine aliquem habuerint librum, vel suo demum tempore confectum?

XII.

Qui loci controversi difficultatibus mederi volunt per prætensam libri Ieremie mutilationem, quod sc. textus citatus verè ibi extiterit, sed Judæorum malitiâ postmodum fuerit erasus, illi hodie ipsò periculosum & Scripturæ Canonice & Christianæ religioni vulnus infligunt. Quæ enim auctoritas literarum aperiri, quæ sacer liber evolvi, quod documentum cujuslibet Scripturæ ad convincendos errores exeri potest, si hæc vox (scil. textum Scripturæ esse corruptum) admittitur, si alicujus ponderis æstimatur? Superiùs jam ex *August. T. VI. lib. 11. contra Faust. Manich. cap. 2.* monitum est. Prolixè atq; ex professo textum Ebræum ab omni corruptionis labe vindicârunt ex Nostri Gerhard. *Exeg. de Script. S. §. 318. seqq. Glass. Philolog. sacr. lib. 1. Tract. 1. Calov. Comm. in Aug. Conf. T. 1. Tract. 2. Dissert. 2. membr. 4. pag. 369. seqq. ex Calvinianis Chamier. Panstr. Cathol. T. I. lib. 12. cap. 11. seqq. Polan. Syntagm. Theol. lib. 1. cap. 37. p. 490. seqq.* quin & ex Pontificiis nonnulli. Vide eos nominatos à Gerh. Conf. *Cathol. lib. 2. art. 1. cap. 2. p. 81. seqq.* De loco Ieremie citato ut nominatim dicamus, non est, quod ex odio erga Jesum Nazarenum à Judæis erasum aliquis suspicetur; quum plura alia, eaq; clariora & circa principalia magis, prout in N. T. citantur, in Ebræo adhuc textu integra & incorrupta legantur. Dicant, quorum hæc est suspicio, corruptionem, ante, an post Evangelium à S. Matthæo scriptum censeant factam. Quod præcesserit, vix asserent, quum Evangelista utiq; ex libro Prophetico textum citaverit suâ ætate ibi lectum. Si demum subsecutis temporibus: quomodo

XII. Quod
Textus Ie-
remie per
Judæos cor-
ruptus.
Resp.

modo corruptio ista omnes Ebraeos Codices, quorum plurimi in Christianorum manibus fuere, potuit inficere? Communissima Pontificiorum, qui potissimum pro Vulgata sua extollenda Fontes Ebraeos impuritatis accusant, opinio est, quod demum post Hieronymi aetatem perversitas hominum eos corruerit. Ast etiam prisci ante ipsum Ecclesiae Doctores textum, prout ab Evangelista allegatur, se in Jeremiae libro non invenisse testantur. Orig. T. II. Tract. 35. in Matth. f. 193. Inter ea, quae scripta sunt, non invenitur hoc Hieremias alicubi prophetasse in libris suis, qui vel in Ecclesiis leguntur, vel apud Iudaeos referuntur. Si quis autem potest scire, ostendat, ubi sit scriptum. Euseb. lib. 10. Demonstr. Evang. 4. f. 608. Diligenter considerabis, quum haec non habeantur apud Hieremiam Prophetam, num arbitrari oporteat, ea per quandam malitiam ex illo sublata esse, an vero librarii erratum fuisse, qui negligentius sanctorum Evangeliorum exemplaria consecrerit, & ex negligentia in errorem inciderit. & pro Zacharia posuerit Hieremiam &c. Hieron. T. IV. in Psalm. LXXVII. f. 204. post allegatum Matthaei textum: ut impleretur, inquit, quod scriptum est in Hieremia Prophetâ: Retulit, inquit, triginta argenteos, pretium, quod appretiatum est, & cetera. Scriptum est, inquit, in Hieremia Prophetâ: Hoc in Matthaeo scriptum est. Requisivimus in Hieremia Prophetâ, & hoc penitus invenire non potuimus, sed invenimus illud in Zachariâ.

XIII.

XIII. Quod
respiciatur
Jeremiae Ca-
put XVIII.

Quando obtinuimus hucusque, & rectè apud Matthaeum legi nomen Jeremiae, & librum Prophetæ huius nominis nec deperditum nec corruptum esse, laboratum est ab Interpp. an vestigia legere possint, ducentia ad locum Prophetæ, quem Evangelista respexerit. Sunt, qui opinantur, digitum intendi ad Jeremiae Caput XVIII. ubi Prophetâ fuerit Figuli domum ingredi iussus. Sed cum præter nomen Figuli vix quidpiam afferri possit, quod ad Evangelistæ scopum atque textum quadret, non est, ut huic expositioni dispungendæ immoremur.

XIV.

XIV. Quod
Jerem. Cap.
XXXII. re-
spiciatur.

Majori verisimilitudinis specie ab aliis recurritur ad Jeremiae Cap. XXXII. Cum Matthaeus emti Agri, & Figuli, & Peregrinorum meminerit v. 7. 8. 9. putant, comparisonem institui cum textu Jeremiae, ubi itidem fiat mentio emti Agri v. 9. Figulini vasis, in quod literæ emtionis fuerint repositæ v. 14. & Peregrinorum, in quorum pote.

potestatem Urbs deventura esset, v. 22. Quia enim de Agro emto nihil dixerit Zacharias, sed potius Jeremias d. l. qui in istâ emtione aliquid mysterii subesse cognoverit, v. 9. ideo ipsum nominatim ab Evangelista citari existimant. Aug. lib. 3. de conf. Evang. cap. 7. Post allatam explicationem, quam N. X. expendimus, hanc subiungit: Est etiam alia causa, cur hoc nomen Hieremiæ in testimonio Zachariæ sit manere permisum, vel potius S. Spiritus autoritate præceptum sit. Est apud Hieremiam, quod emerit Agrum à filio fratris sui, & dederit ei argentum, non quidem sub hoc nomine pretij quod possumus est apud Zachariam, Triginta argenteis. Quod autem prophetiam de XXX. argenteis ad hoc interpretatus sit Evangelista, quomodo de Domino completum est, manifestum est. Sed ad hoc pertinere etiam illud de Agro emto, quod Hieremias dicit, hinc potest mystice significari, ut non hic Zachariæ nomen poneretur, qui dixit de triginta argenteis, sed Hieremiæ, qui dixit, de Agro emto: ut lecto Evangelio atq; invento nomine Hieremiæ, lecto autem Hieremiâ & non invento testimonio de XXX. argenteis, invento tamen Agro emto, admoneretur lector, utrumq; conferre, & inde sensum enucleare prophetiæ, quomodo pertineat ad hoc, quod in Domino completum est. Recte autem contra socium suum Sanctum hâc in parte iudicat Corn. à Lap. Comm. in Jerem. XXXII, 14. Hæc sententia est conjectura ingeniosa: sed difficilis & perplexa. Nam planè non convenit Agri emti (1) Nomen & pristinus Possessor. De quo Matthæus loquitur, ille fuit ac vocatus est Ager Figuli; quum econtra Ager, quem Jeremias emit, pertinuerit ad Hanameel Patrualem Prophetæ, adeoq; ad Levitam & Sacerdotem. Nam Jeremias, ad quem jus ἀγορεύσεως ex propinquitate pertinebat v. 6. 7. 8. (Conf. Lev. XXV. 25. Ruth. IV. 3, 4.) fuit de Sacerdotibus Anathoth, cap. I. 1. quæ civitas erat Levitis assignata Ios. XXI. 15. Hilkia Jeremiæ, & Sallum Hanameelis Pater. Cap. I. 1. XXXII. 6. dicuntur fuisse Fratres, adeo, ut hi ambo Confobrini essent. Ad Exceptionem, quod Ager, cujus Propheta l. c. meminit, dici poterit Ager Figuli, quia in eo defossum fuerit Vas Figuli cum instrumentis emtionis, quod per metonymiam appelletur Figulus, præsertim quia tales opifices vasis à se factis nomina sua inscribere soleant, facilis & non una est responsio. Incertum enim est, quod præsupponitur, vas Fictile cum instrumentis emtionis fuisse in

Resp.

Agro emto defossū : incertum etiam, an eo tempore Figuli nomina sua vasis imprimere fuerint soliti. Sed & tantisper hoc concesso, tamen & rationi & exemplo omni destituitur, ut Vas fictile ponatur pro Figulo. Et hoc etiam admissio, tamen ad Matthæi Textum non quadraret, qui Agrum Figuli nominat, non ob Vas fictile ibi defossū, sed quia Figuli proprius, cui ideo etiam pretium pro Agro emto datum fuit. Agrum Levitarum, qualis Hanameelis erat, non licebat vendere, nisi contribulibus, & quidem cum beneficio redemptionis. Ita enim intelligenda est dispositio Lev. XXV. 32, 33, 34. Ager autem quem Pontifices emerunt, pertinuit ad hominem alterius tribus, & quia ad sepulturam destinatus, non amplius fuit redimibilis. 2. Situs, Ager Ieremiæ situs fuit in Anathoth v. 7, 8. Iste autē cuius S. Matthæus meminit, propè Ierusalem. Conf. Act. I. 19. 3. Pretium. Evangelista commemorat, quod Pontifices emerint ex XXX. Argenteis, quos Iudas reddiderat, istum figuli Agrum v. 3. 10. Propheta autem refert, se Agrum emisse, & appendisse Patrueli argentum septem Stateres (שקל שקל) & Decem דנר. Quidam pretium Siclorum ab

Argenteis h. l. volunt esse distinctum, adeoq; indicari duplex Monetæ s. ponderis Genus, quod appenderit Ieremias. Sed posterius illud דנר saltem metallum notat, ut intelligatur, fuisse Siclos Argenteos. Sic Gen. XXIII. 15, 16. Ex. XXI. 32. Lev. V. 15. &c. Fuerunt enim aliæ Aurei I. Chron. XXI. 25. II. Chron. III. 9. Emtus igitur fuit iste ager septendecim Sicli : (Hieron. T. III. comm. in Ierem. XXXII, cui Rabanus, à Castro, Corn. à Lep. & ex Nostriis Gerhard. Harm. cap. 168. p. 1184. consentit) quum pro eo, cuius Matthæus meminit, XXX. Argentei dati fuerint. Siclos eos pendisse alibi diducitur, præsertim à D. Gerardo, Præceptore olim & Hospite honoratissimo d. l. Harm. p. 1181. seqq. 4. Vsu : Ager quem Matthæus commemorat, fuit emptus in sepulturam Peregrinorum : Ieremias autem emit pro se, suo & posterorum suorum usu, prout Deus ipsi revelaverat, Hanameelem dicturum, Eme tibi Agrum meum. Frustranea est exceptio, quod Ieremias cælebs fuerit, & eo tempore captivus, ubi exigua liberationis spes affulgebat, quin etiam civitas obsessa, quam à Chaldeis occupandam prædixerat v. 2, 3, 24. adeoq; Agrum, qui cum regione in hostium pote-

Exceptio,
quod Iere-
mias Cælebs
Agrum pro

57

potestatem venturus erat, non Ieremiæ, non familiæ, sed potius *Peregrinis*
 Externis atq; peregrinis emtum fuisse. Huc trahunt, quod *Thren. emerit.*
 V. 2. conqueritur Propheta: *Hæreditas nostra versa est ad Extra-*
neos, Domus nostra ad Alienigenas. Sed quod de calibatu Ieremiæ *Refutatur*
 præsupponunt, incertum est. Chaldaus & Iudæi, qui locum *cap.*
 XXXVII. 12. de divisione hæreditatis intelligunt, & uxoris & fi-
 liorum ejus meminerunt. Prohibitio *cap. XVI.* de solo loco,
 ne in Iudæa tunc duceret uxorem, loquitur, neq; probat, quod
 antea maritus non fuerit, aut post vastatam Iudæam non duxerit,
 cessante causâ interdicti. Posito, quod non emerit Agrum pro
 liberis suis, tamen non sequitur, quod pro sepulturâ Peregrino-
 rum. Habuit enim cognatos atq; Propinquos, cum quibus etiam
 de dividendâ possessione eum egisse volunt multi, ex dicto *cap.*
 XXXVIII. 12. ubi vulgata vertit, *ut divideret ibi possessionem in con-*
spectu civium. Certè ex ipso contextu manifestum est, Ieremiam in-
 tuitu Peregrinorum potius emtionem recusare voluisse v. 24. 25.
 sed DEI nutu tamen emisit respectu Posterorû v. 15. ad designan-
 dam futurorum Agrorum in Iudæa culturam. v. 43. 44. Si ad Cul-
 turam, quomodo ad Sepulturam, de quâ Matthæus loquitur?

XV.

Qui non unum tantum Propheta locum à Matthæo adductum XV. Quod
 censent, in varia etiam sciunduntur divortia. Epiphanius, (qui ta-
 men, quod ego quidem sciam, opinionis suæ asseclam neminem *Textus sit*
 invenit) Trium meminit Prophetarum, non indicato tamen eo-
 rum nomine, ex quibus verba defumiserit Evangelista. Ita enim
 scribit lib. 1. adv. hæres. n. 39. fol. m. 126. edit. Basil. 1544.
 Απέδρεψε τὰ ἀργύρια, καθὼς ἦν πρὸ αὐτῶ γεγραμμένον ἐν
 τοῖς περὶ φήταις, καὶ ἀπέδρεψε (Heinsf. exerc. in N. T. p. 81. ex
 suo exemplari legit ἀπέρριψα, abjeci) τὰς τριάκοντα ἀργύρας
 (rectius ἀργυρίους, quomodo etiam Heinsius allegat,) τὴν πμην
 ἔπιμημέναν παρὰ τῶν υἱῶν Ἰσραὴλ. καὶ πάλιν ἐν ἄλλῳ περ-
 φήτῃ, ἡ δίκαιόν ἐστιν ὑμῖν, δότε τὸν μισθόν μου, ἢ ἀπέπαθε. καὶ
 πάλιν ἐν ἄλλῳ περὶ φήτῃ. καὶ ἔδωκαν τὰ ἀργύρια τῷ πμην
 ἔπιμημένῳ, καὶ εἶπε, κάθεσ αὐτὸ εἰς τὸ χωνευτήριον, καὶ ἴδε
 εἰ δοκιμὸν ἐστίν, ὥς ἐδοκιμάθην ὑπὸ τῶν υἱῶν Ἰσραὴλ. *aversa-*
tus est argenteos, sicut de eo in Prophetâ scriptum erat, & aversatus
 est.

est triginta argenteos, pretium æstimati à filiis Israël. *Et rursus in alio Prophetâ, si iustum est vobis, date mercedem meam, aut renunciate. Et rursus in alio Prophetâ, Et dederunt argentum pretium æstimati, & dixit (Cornarius & Heinsius in plurali, Dixerunt) Pone ipsum in fornacem, & vide, an sincerum sit, velut probatum est (rectius, Probatus vel æstimatus sum) à filiis Israël, (prout Cornarius transtulit edit. Basil. 1560.) Rectus quidem Epiphanius in hoc, quod non unius Prophetæ dictum intendisse Evangelistam statuit: Sed tamen in hoc falsus, quod Aliis subinde Prophetis tribuit, quæ absq; dubio apud Zachariam extant. Ideo etiam reliquorum, ubi ista scripta sint, nomina indicare non potuit.*

R.

XVI.

XVI. Quod

Zach. XI. &

Ier. XVIII.

vel XXXII.

varicinia

allegentur.

R.

Qui duos Prophetarum locos à S. Matthæo conjunctos ajunt, Zachariæ cap. XI. 12. 13. ipsum respexisse fatentur omnes: Sed de Ieremiâ dissentiunt. Nonnulli ad Cap. XVIII. alii ad Cap. XXXII. se recipiunt. Cum verò utrumq; istum huc non quadrare jam probatum sit, & ex ista cum Zachariæ verbis combinatione haud possit erui major de illis probabilitas, supervacaneum erit, hasce Expositiones denuo sub incudem revocare.

XVII.

XVII. Quod

Ierem. Cap.

XIX. note-

tur.

R.

1. Est In-

sufficiens.

Qui aliàs in correctione & interpretatione Scripturæ haud raro nimia utitur libertate, ut temeritatis notam haud effugiat, hic tamen Exerc. Sac. in N. T. benè advertit Heinsius, quod respectus habeatur ad Ieremiæ Cap. XIX. & quoad nonnulla collationis documenta haud inconcinna est ipsius explicatio. Sed an ista sufficiat, non immeritò dubitatur. Nam 1. illud in Jeremiâ quæsit, ut locum saltem inveniret, ubi mentio fieret Agri ob cædes abominabilis vel etiam maledicti, qui propterea Ager Sangvinis jure dicatur vel dictus sit. Quin imò ex unico hoc fundamento, quod cap. XXXII. 15. de Benedictione, non autem Abominatione, Agri ejus agatur, refutat eos, qui Matthæum autumant oculū intendisse ad Agrum Anathoth, quem ex præscripto DEI Jeremias ab Hanameele emerit. Sed adscitam Benedictionem in Agro, quem ex venditi Sangvinis Christi pretio ad Sepulturam Peregrinorum emtum esse testatur Evangelista, agnoscunt prisci pariter atq; recentiores S. Scripturæ Interpretes. Hilarius Can. 32. in Matth. f. 328. Magnum in hoc Prophetiæ sacramentum, & in

& in factis & in dictis miraculi plena meditatio. Figuli opus est, de lu-
 to vasa formare, cujus in manu sit, ex luto eodem vas aut ipsum aut pul-
 chrius reformare. Agrum autem seculum nuncupari, ipsis Domini no-
 stri verbis continetur, Christi ergo pretio Seculum emitur, i.e. univer-
 sitas ejus acquiritur; & in sepulturam Peregrinorum atque inopum
 deputatur. Nihil hinc pertinet ad Israel, & totus hic seculi emi usus
 Alienus est, hu videlicet, qui in pretio Christi sanguinis sepelientur, quò
 universa sunt omnia. Omnia enim à Patre accepit, quæ in cælis & quæ
 in terra sunt. Et ideo hic ager Figuli est, quia DEI omnia sunt, cujus
 in manu sit, nos ut velit tanquam Figulus reformare. In hoc igitur A-
 gro Christo commortui & consulti hujus peregrinationis nostræ eter-
 nam requiem sortiemur. In cujus rei fidem Hieremiæ Prophetia sub-
 ditur, ut in facti istius opere tanto antè divine vocis autoritas ostendere-
 tur. (Videtur respexisse ad Ier. XVIII. 1. seqq.) Docet igitur, istam
 emtionem ad sepulturam Peregrinorum ex pretio sanguinis
 Christi factam esse singulari DEI providentiâ, ad innuendum
 mysterium Beneficii per Christum ad Homines redundaturi,
 quod etiam Hieremias prophetice ostenderit. De cæteris alle-
 gorizæ membris fatemur, quod non sint ipsi textui præcisè innata,
 adeoque per se ad probandum inefficacia. Conf. August. T. IV.
 lib. 3. de consensu Evang. cap. 7. f. 487. c. T. X. Sermon. 114. & 128. de Temp.
 Bedam T. V. comm. in h. l. f. 110. Hieron. T. III. comm. in h. l. f. 723.
 Illi quidem fecerunt aliâ voluntate, ut æternum impietatis suæ relinque-
 rent ex Agri emptione monumentum. Cæterum nos, qui Peregrini
 eramus à lege & Prophetis, prava eorum studia suscepimus in salutem, &
 in pretio Sanguinis ejus requiescimus. Ferus in comm. p. 463. Provi-
 dentiâ DEI factum est, ut pretium Salvatoris non peccatoribus sumtum
 præbeat, sed peregrinis requiem subministret, ut jam Christus vivos effu-
 sione Sanguinis sui redimat, & Mortuos passionis pretio suscipiat. Nec
 mysterio vacat, quod Ager Figuli emitur. Figulus Deus, qui vascula
 Corporis nostri fecit è limo: Ager Hereditas Domini. Istius itaq; Figuli
 ager Sanguine Christi emtus est, quia Peregrinis, qui sine domo, pa-
 triâ, exules toto orbe jactabantur, requies & vita æterna Christi san-
 guine providebatur. Desumit hanc sententiam & singula penè
 verba ex Aug. Sermon. de Cæn. Dom. qui est serm. 128. de Temp. quæ
 etiam Thomas Aq. in Continuo super 4. Evang. f. 107. retinet. Idem
 in hac emtione mysterium agnoscit Aræti in comm. quod pluri-

E bus

*E. Saltem
concedit
Verborum
applicati-
onem.*

bus exaggeravit Gerhard. Harm. de Pass. cap. 8. p. 358. seq. Conf. Bald. comm. in Zash. 1.1. p. 743. Inquirendum ergo, an non etiam ex Jeremiâ citato possit istius loci per Christum sanctificatio ostendi. Cum igitur Cap. XIX. meram contaminationem & abominationem ejus indicari fateatur Heinſius, de aliâ insuper ejusdem Prophetiâ inveniendâ erimus solliciti. 2. Videtur ipse non vaticinium aut typum propriè dictum à Spiritu S. & Prophetâ intantum in emtione Agri impletum statuere, sed concinnam verborum Jeremiæ ad hæc gesta applicationem. Splendida quidem sunt verba pag. 79. Quis non singularem DEI providentiam ac Dispositionem admiretur? De Agro figuli cum Jeremiâ loquitur, futurum dixit, ut derelictus ac desertus esset, usq. ab ipso sanguine ac eade nomen aliquando haberet. Quod præclare impletum, partim cum in sepulturam mortuorum cecidit, partim ac præcipuè, cum sanguinis, & quidem innocentis, pretio redemptus est. Pag. 80. Nihil Jeremiæ Prophetiâ clarius illustrig. Quid autem hoc rei est, quod eadem pag. ait. Non tam adducit locos, (ut sæpè) Matthæus, quàm accommodat. Pag. 81. Verba (Zachariæ) sic Evangelistæ expresſit, ut alludat ea simul & interpretetur. Pag. 82. totam exegeſin concludit: Mihi certè admiranda tam eorum, quæ de Agro, quàm quæ de Pretio dicuntur, applicatio Evangelistæ videtur. Possent, fateor, hæc ad commodum trahi sensum, si non alibi mentem suam testatam reddidisset, quomodo non nunquam Veteris Testamenti loca in Novo accommodata & applicata statueret. Exerc. in Matth. II. 15. Evangelistæ eleganter & urbanè loco Prophetæ utitur, quem sic rectè posse applicari ait; Quasi dicat, ac tunc illud rectè dici potuit, quod ab Oſeâ de Israele usurpatur, Ex Ægypto filium meum vocavi: quomodo non raro τὸ ἐκ τῆς γῆς ἐκ τῆς ἁγίας usurpatur. Ibid. pag. 14. de citato dicto Jerem. XXXI. 15. Urbana manet ac fravi applicatio, &c. sum nec personæ, de quibus loquitur, eadem sint, nec locus, nec deniq. calamitas. Et postea: Cum locus applicatur, tota elegantia in eo, ut similia sint verba, aut ut rectè rei, de quâ agitur, conveniat, & cum sæpè gratiora, si de diversâ agatur. In Rom. X. 6, 7. pag. 339. Novi fæderis Scriptores verba Veteris & eleganter & venustè non semel aliò transferre. Exemplis hoc probare ibidem conatur. In I. Corinth. XV. 27. pag. 378. scribit de Apostolorum in citandis Scripturæ S. locis libertate: Mutuantur, quæ alibi dicuntur: cum non ubiq. de unâ eademq. re eadem ab illis usurpentur. Simi-

39

Similia etiam alibi inculcat. Sed non sine magna veritatis & reverentia erga Scripturam præjudicio. Ducem hanc in parte secutus est Sympatriotam suum, sed Pontificæ religionis propugnatorem, Cornelium Iansenium, qui in Concord. Evang. cap. 11. audet scribere: Multa loca afferuntur ab Evangelistis per applicationem quandam, non autem quod Prophetæ id significare voluerint ad quod ab Evangelistis afferuntur. Ut cum dicitur; Ut impleretur, quod dictum est, ex Ægypto vocavi filium meum, sicut si quis de Patre, nimis filium amante diceret: Videres illum in desiderio filij sui omnia contemnere, ut impleretur in eo illud Maronis, Omnis in Ascanio cari stat cura parentis. Talem applicationem statuit etiam in Matth. II. 15. cap. XIII. 35. cap. XV. 7, 8. Conferantur Heinssii in hæc loca (ad ultimum nihil habet) notæ, quæ ipsius cum Iansenio consensum testantur. (Utriusq; vestigia etiam premit Alex. Morus Annot. ad Matth. II. 15. 17, 23.) Sed ne Papiæ quidem, aliâs autoritati Scripturæ plurimum suis assertionibus detrahentes, æquo animo tulerunt hanc Iansenii sententiam. Quod ergo eidem Ribera in Hose. XI. num. 13. opposuit, hoc, nomine saltem mutato, etiam contra Heinssium pugnat: Hæc in re Vir eruditissimus toto cælo errat, & homo cum primis pius dicit id, quod pietas fidei nullo modo, ut mihi quidem videtur, dici sinat. Nam cum Scriptura ipsa docet, Prophetam de re illa locutum esse, quam Evangelistæ commemorant, quis audeat dicere, minime tam significare voluisse, & perinde esse, ac si versus Virgilij ad illud afferretur? Dominus ait, Hypocritæ, bene prophetavit de vobis Esaias: Vtrum ego CHRISTO credam, an Iansenio, qui ait, non prophetasse? Planè enim ait non prophetasse de illis, si id non prævidit, ac significare voluit, &c. cum autem dicitur, ut impleretur, quod dictum est per Prophetam, etsi paulò obscurius, tamen idem est, ac si diceretur, quod prophetatum est. Nam propriè Verbum meum non impletur, nisi cum illud sit, quod ego futurum prædixi. Audax ergo & periculosa est Iansenij opinio, & quantum ad hunc locum attinet, universis Patribus adversatur universisq; Expositoribus. Eundem etiam Tannerus T. I. Theol. Schol. Disput. 1. q. 5. dub. 6. n. 4. & 5. in istâ assertionem refutandum censuit. A. Rivetus, natione quidem ab Heinssio diversus, quippe Pictæ Gallus, ejusdem verò Religionis & in Professione Leidenf Collega, Isag. ad Script. S. cap. 16. n. 1. docet, quod iste accommodatitius, quem vocant, Scripturæ sensus, non possit propriè ita dici.

E 2

Postea

Postea ostendit, quomodo dextrè verba Scripturæ accommodari possint, servatâ semper analogiâ & generali scopo. Quomodo, inquit Num. 6. non dubitamus, Apostolos & Evangelistas aliquando verba ex V. T. accommodasse ad Eventus & Personas sub Novo: Et si plerumq; citationes, quæ habentur in eorum scriptis, sensum vel immediatum vel mediatum librorum Prophetarum exprimant, sive sit ille literalis, sive Mysticus aut Typicus. Plerumq; dico, quia aliquando etiam alludunt ad dicta Prophetarum ita, ut tamen allusio non solum verba respiciat, sed Analogiam. Declarat hoc Exemplo Matth. XIII. 14. ubi, quæ de populo tum existente Esa. VI. 10. dicta sunt, applicet Christus ad homines sui temporis; quia consimile sit Exemplum, adeoq; analogia per eandem ætiologiam. (Pertinet hic modus citationis ad Doctrinam Generalem, quæ rectè dicitur toties impleri, quoties & in quibuscunq; hujusmodi sit; sicut paulò post in Hypothesibus ad ultimam sententiam facientibus docebitur) Istam autem Scripturæ inflexionem, sensûs & Analogiæ ratione posthabita, (quam Heinsius Exercitat. in Matth. II. 15. p. 13. & 14. sub appellatione Parodiæ laudat, ac Sculret. lib. 2. Exerc. Evang. cap. 10. p. 38, 39. suo calculo approbat) vitiosissimum docendi genus Num. 3. nominat ex Hieronymo. Ex Nostreis contra vitiosam Accommodationem prolixè egit Hackspan. in Sylloge p. 417. ad 461.

XVIII. Quod
citatio ad
textû Zach.
XI. Jer. XIX.
& XXXI. di-
recta sit.

Supereft, ut dicatur, Matthæum omninò prophetiam tum Zachariæ tum Jeremiæ simul allegasse, ita ut apud Zachariam, cujus plura verba citavit, de Pretio, apud Jeremiam verò, quem nominavit, prophetia quærenda sit de Agri, qui emtus est, conditione, quoad Situm, Nomen, & Profanationem Cap. XIX. sed quoad subsecutam ejus Sanctificationem temporibus Messie cap. XXXI. Hæc interpretatio, præmissis quibusdam Hypothesibus, declarata & probata nunc dabitur.

C A P. III.

Cap. III.
Hypotheses
Exegeticae.

Hypotheses quædam Exegeticae, tum ad alia ex V. T. in Novo citata Scripturæ loca explicanda, tum potissimum ad præsentem locum controversum apprimè utiles.

Hypo-

Hypothesis Prima.

*Aliquando in N. T. duo vel plura V. T. testimonia
ita combinantur, ac si unum essent.*

Matth. XXI. 4. Dicite filiæ Sion, Ecce Rex tuus venit tibi mansuetus, & sedens super asinum & pullum filium subjugalis. Proœmium, *Dicite filiæ Sion*, desumptum est ex *Esa. LXII. 11.* Summa verò Nuncii ex *Zach. IX. 9.* Ibid. *vers. 13.* Scriptum est, Domus mea, Domus Orationis vocabitur: Vos autem illam fecistis speluncam latronum. Priora verba *Esa. LVI. 7.* Posteriora *Ierem. VII. 11.* reperiuntur. *Marc. I. 1, 2.* Scriptum in Prophetis, sc. *Mal. III. 1.* *Esa. XL. 8.* Ita *Luc. III. 4, 5, 6.* ex *Esa. XL. 3, 4.* & *LII. 10.* *Luc. X. 27.* est combinatio dictorum ex *Deuter. VI. 5.* & *Lev. XIX. 18.* *Iob. XII. 14, 15.* Invenit Jesus asellum & sedit super eum, sicut est scriptum: Noli timere Filia Sion: Ecce Rex tuus venit sedens super pullum asinæ. Prohibitio, *Noli timere filia Sion*, *Esa. XL. 9.* *Zephan. III. 16.* Annunciatio autem *Zach. IX. 9.* extat. *Rom. III. 10.* seqq. est testimonium ex *Psal. XIV. 23.* *LIII. 3, 4.* *V. 10.* *CXL. 4.* *X. 7.* *Prov. I. 16.* *Esa. LIX. 7.* contextum. Ibid. *Cap. IX. 33.* Scriptum est, Ecce ego pono in Sion lapidem (ex *Esa. XXVII. 16.*) offensionis & petram scandali, (ex *Esa. VIII. 14.*) & omnis, qui credit in eum, nō confundetur, (ex versione Græcâ *Es. XXVIII. 16.* ὁ πείνων ἐν αὐτῷ, & μὴ καταγινῆ. Quod enim ista versio tunc communissima, ubi non nimis à fontibus discrepat, in N. T. fuerit allegata, alibi diducitur) *I. Corinth. XV. 54, 55.* Tum fiet sermo ille scriptus: Absorpta est Mors in Victoriâ. Ubi est, Mors, stimulus tuus? ubi tua, inferne, victoria? Prior sermo *Esa. XXV. 8.* reperitur: Posterior in *LXX virali. Ose. XIII. 14.* saltem pro *δίκη* ponit *νίκη*. *II. Cor. VI. 16, 17, 18.* Dicit DEUS, Quoniam in habitabo in illis, & inambulabo inter eos, & ero illorum DEUS, & ipsi erunt mihi populus (Ex *Lev. XXVI. 11, 12.* & *Ezech. XXXVII. 27.*) Propter quod exite de medio eorum, & separamini, dicit DOMINUS, & immundum ne tetigeritis. (*Esa. LII. 11.*) Et ego recipiam vos, & ero vobis in Patrem, & eritis mihi in filios & filias, dicit Dominus Omnipotens. (Sensus habetur *Esa. XLIII. 6, 7.* *Ierem. XXXI. 1, 9.* & aliis in locis.)

E 3

I. Petr.,

37

Prima: Interdum Testimonia V. T. in Novo combinantur, ac si unum essent.

I. Petr. II. 6, 7. Continetur in Scripturâ; Ecce, pono in Sion lapidem summum angularem, electum, pretiosum: & qui crediderit in eum, non confundetur. (Esa. XXVIII. 16. vido supra Rom. IX. 33.) Vobis igitur honor credentibus, non credentibus autem. Lapis, quem reprobaverunt ædificantes, hic factus est in caput anguli, (ex Psalm. CXVIII. 22.) & Lapis Offensionis, & petra scandali. (ex Esa. VIII. 14.) Etiam in ipso sermone de Juda proditore, & Agro, pro mercede proditionis emto loquens Petrus, duo combinat Scripturæ loca Act. I. 20. Scriptum est enim in libro Psalmorum: Fiat commemoratio eorum deserta, & non sit habitans in eâ, (Psalm. LXIX. 26.) & Episcopatum ejus accipiat alter. (Psalm. CIX. 8.) Nil ergo novi, quod etiam S. Matthæus de istâ proditionis Mercede & Agro ex eâ emto agens ad duorum Prophetarum oracula nos remittit, & quidem ad *Jeremiam* per citatum Nomen, ad *Zachariam* per citata Prophetiæ ejus verba.

Hypothesis Secunda.

Secunda. Testimonium V. T. conjunctum aliquando Vnus saltem allegatur Autor.

Marc. I. 2, 3

Non caret Exemplo, quod duobus aut pluribus testimoniis in unum conjunctis unus tantum Prophetæ vel Nomen ejus allegatur.

Marc. I. 2, 3. Scriptum est in Esaiâ Prophetâ: (ita Vulgatus, Latinus, Syrus & Arabs, legunt) Ecce ego mitto Angelum meum ante faciem tuam, qui præparabit viam tuam ante te. Vox clamantis in deserto, parate viam Domini, rectas facite semitas ejus. Nominatur solus *Esaias*, etsi priora verba ex *Mal. III. 1.* posteriora tantum ex *Esa. XL. 3.* adducta sint. Verum quidem est, quod Græci Codices communiter legunt, ἐν τοῖς προφήταις: Sed tamen Beza Annot. Maj. f. 133. indicat, quod duo vetusti Codices, quos habuit, quin & vetustissimus iste, cui præ omnibus plurimum tribuit, cum istis versionibus conveniant in istâ citatione, ἐν ἑνὶ τῶν προφητῶν. Autor sub nomine *Chrysostomi Hom. I. in Marc.* utut supposititiis, Græcus tamen, istam lectionem ut genuinam adducit, atq; contra *Prophyrium*, itidem Græcum, qui lib. 14. ex hoc etiam loco probare conatus est Evangelistarum ignorantiam, quâ inducti alteri Prophetæ adscriberent, quod

39
quod apud alium legitur, defendit; quod haud obscurum est in-
diciu[m], multos tunc Codices Græcos ita legisse. Ut non con-
tendamus, receptam lectionem immutandam esse: tamen ad
præsens institutum nobis sufficit, adversus inculpationem de fal-
sâ allegatione Patres eâ ipsâ responsione usos esse, quod in duo-
rum locorum combinatione unius tantum Scriptoris fiat men-
tio. *Thom. Aqu. super IV. Evang. fol. 116.* provocat ad Chrysosto-
mum: Dicitur, quod duas prophetias in diversis locis dictas à duobus Pro-
phetis in unum congregans posuit. In Isaiâ enim Prophetâ post Ezechias
de scribitur historiam: Vox clamantis in deserto. In Malachia verò:
Ecce mitto Angelum meum. Secundus igitur Evangelista duas prophe-
tias posuit, ut ab Isaiâ dictas, & ad unam lectionem referens, tacens ve-
rò à quo dicatur, Ecce mitto Angelum meum. It: August. de quæst.
Evang. Sciens, omnia ad auctorem referenda, dicta hæc ad Isaiam re-
vocavit, qui sensum istum prior intimaverat. Deniq[ue] post verba Malachias
statim subiecit, dicens, Vox clamantis in deserto, ut jungeret verba utri-
usq[ue] Prophetæ ad unum sensum pertinentia sub prioris Prophetæ personâ.
Conf. Hieron. Epist. 101. ad Pammachium, quæ est de optimo ge-
nere interpretandi. f. 997.

Mat. XXI, 5.
Testimonium ex duorum Prophetarum di-
ctis compositum esse, sc. ex Esa. LXII. 11. & Zach. IX. 9. supra
indicatum est. Et tamen unius tantum Prophetæ meminit Ev-
angelista, scribens v. 4. Hoc totum factum est, ut adimpleretur, quod
dictum est per Prophetam, dicentem &c. Rationem hujus Numeri
singularis Lud. de Dieu in Marc. I. 2. censet eam, quod priora
verba ex Esaiâ tantum emphaseos (vel exordii) causâ addan-
tur, adeoque ipsum vaticinium, quod solius Zachariæ est: uni
Prophetæ adscribi. Alii putant, hoc factum esse, ut uno eo-
demq[ue] Spiritu omnes Prophetas locutos fuisse ostenderet. Pos-
sent conferri loca, ubi inversâ Phrasi in Plurali fit mentio Pro-
phetarum, ut utrius saltem allegetur testimonium; ut indice-
tur, unius esse, quod plurium, & vicissim plurium, quod unius,
ob unitatem Spiritus S. per omnes Prophetas loquentis. Ta-
lia loca sunt Act. VII. 42. ex Amos V, 25. Cap. XIII, 41. ex Hab.
I, 5. (Sunt tamen, qui illud, ô contemptores, ex Esa. XXVIII, 14.
depromptum statuunt.) Cap. XV, 14. ex Amos IX, 11. Rectè qui-
dem dici potest, Pluralem istum Numerum usurpari ob vati-
cinia

40
 cinia XII. Prophetarum Minorum, ex quibus ista citata loca desumpta sunt, in unum Volumen congesta. (Vide, quæ in *consideratione Octavae sententiæ* Num. 3. dicta sunt.) Cum verò & Joel & Oseas, qui Minoribus istis accensentur Prophetis, nominatim citati inveniantur *Act. II. 16. Rom. IX. 25.* quin etiam non sine emphasi *Act. XV. 14.* appelletur sermo Prophetarum, quem solus tamen Amos scripto consignavit, non tantum compagatio libri ejus cum libris aliorum, sed insuper quoque consensus cum reliquis Prophetis, qui, aliis licet verbis, eodem tamen sensu, prædicaverunt, innui existimatur. Quod facilius talis data ratio de unitate Spir. S. in omnibus Prophetis hic admitti possit, ubi unum Nomen reticetur, quam ubi aliud ponitur, in *confid. Expos. X.* dictum est. Quicquid autem sit de Ratione, tamen sufficit ostendisse, quod duobus testimoniis combinatis saltem unus Scriptor citetur. *Rom. IX. 27.* solus nominatur *Esaias*, cujus præcipua sunt verba ex *Cap. X. 22.* allegata, & tamen ex *Ose. I. 10.* desumpta est Phrasis, *Erit numerus filiorum Israel, ut arena maris*, quum apud *Esaiam* legatur: Si fuerit populus tuus Israel &c.

Ex hac igitur Hypothesi confit, nullum esse statuendum, mendum nominis Jeremiæ, cum verba plurima subjuncta apud eum non reperiuntur, vel apud hunc solum omnia ab Evangelistâ allegata necessario querenda esse, quum solus, ut est communis opinio, citetur. Insuper tamen *Hypothesi sequenti* probabitur, reverà apud S. Matthæum duos citari Prophetas, unum quidem Nomine Proprio, alterum à solo officio & tenore vaticinii descriptum.

Hypothesis Tertia.

Tertia: Citatur Prophetæ diversimodè.

Citatur Canonicus V. T. Scriptor in Novo, quando ad ejus vaticinia scriptis consignata provocatur, vel sub solius Nominis Proprij, vel sub solius Officij Prophetici, vel sub utriusque mentione, vel tantum Generaliter & Vagè.

I. sub Nominis Proprio.

Prioris citationis Exempla sunt *Matth. XIII. 14. cap. XV. 7. Marc. VII. 6. Ioh. XII. 39, 41. Rom. IX. 25, 27, 29. cap. X. 16, 20. cap. XV. 13.* item, quandocumque aliquid ex Mose adducitur.

Alterius

41

Alterius habentur *Matth. I. 22. Cap. II. 5, 15. Cap. XXI. 4. Cap. XXVII. 35. Act. VII. 48. Cap. VIII. 34.* Hic modus non nisi tunc usurpatur, quando simul verba Prophetiae adducta sunt, ut ex iisdem cognosci possit, quisnam Prophetarum intelligatur. Alia est ratio, quando in plurali mentio fit Prophetarum: Siquidem tunc plerunq; communis omnium doctrina indicatur.

De Tercio citationis modo Exempla leguntur *Matth. II, 17. 3. sub Nomi- cap. III, 3. cap. IV, 14. cap. VIII, 17. cap. XII, 17. cap. XXIV, 15. Marc. ne Proprio XIII, 14. Luc. II, 17. Ioh. I, 23. cap. XII. 38. Act. II. 16. cap. VIII, 28, 30. & Officij si- cap. XXVIII. 25. mul.*

Quarta citationis Exempla inveniuntur *Eph. V, 14. Ebr. II, 6. cap. X, 30. Rom. XV, 10.*

Quicumq; Interpretes in loco Matthæi unum duntaxat Prophetam allegatum censent, ad Tertiam utiq; speciem citationis referunt, ita ut exprimatur nomen Scriptoris Proprium, Jeremiæ, & Officii, Prophetæ dicentis. Sed quum duorum Scripto- rum vaticinia h. l. Evangelista simul respexerit, probabilius est, quod etiam citaverit utrumq;: Vnum scilicet, cuius non verba ad- ducit, sed ad prolixum ejus textum inquirendum remittit, sub No- mine Proprio Jeremiæ; Alterum vero duntaxat sub Nomine Officij, i. men- tione Prophetæ dicentis ea, quæ subjungit, ut ita ex reperto, quem citat textu, etiam Nomen ejus Proprium innotescere possit. Ita nim. unus Primo, alter Secundo citationis modo allegatur. Vi- am quasi monstravit ad hanc explicationem sagacissimus Augu- stinus, qui T. II. lib. 3. de consensu Evang. cap. 7. f. 487. post sententiam, quam cap. præced. Num. 8. expendimus, addit: Est & alia causa, cur hoc Nomen Hieremiæ in testimonio Zachariæ sit manere permissum, vel potius S. Spiritus autoritate præceptum sit. Est apud Hieremiam, quod emerit Agri à filio fratris sui, & dederit ei argentum, non qui- dem sub hoc nomine pretij, quod positum est apud Zachariam, triginta argenteis, verumtamen Agri emptio non est apud Zachariam. Quod au- tem prophetiam de triginta Argenteis ad hoc interpretatus sit Evangelista, quod modo de Domino completum est, manifestum est. Sed ad ho. per- tinere etiam illud de Agro emto, quod Hieremias dicit, hinc poterit mysti- cè significari, ut non hic Zachariæ nomen poneretur, qui dicit de Tri- ginta Argenteis, sed Hieremiæ, qui dicit de Agro emto: ut lecto Evangelio atq; invento nomine Hieremiæ, lecto autem Hieremiâ & non invento

Probabile
est, quod S.
Matth. unū
sub nomine
Proprio, al-
terum sub
nomine Offi-
cij citaverit

F

invento testimonio de Triginta Argenteis, invento tamen Agro emro, ad-
moneatur Lector, utrumq; conferre, & inde sensum enodare Prophetiæ,
quomodo pertineat ad hoc, quod in Domino impletum est. Utut spe-
ciatim de textu Jeremiæ, quem indigitaverit S. Matthæus, ob ra-
tiones superius ad Sent. XIV. allatas, discrepantia sit, tamen non
possum non ipsi in præcipuis assentiri, sc. 1. quod nomen Hiere-
remiæ non sit irreptitium, sed Scriptus S. jussu positum. 2. quod
duo membra ex Prophetis confirmata voluerit Evangelista, sc.
de Triginta Argenteis, & de Agro. 3. quod membrum prius a-
pud Zachariam, posterius apud Jeremiam quærendum sit.
4. quod lectum nomen Hieremiæ ad Prophetiæ inquisitionem
de agro, & non inventum in eo testimonium, quod adducitur,
de Triginta Argenteis ad Zachariam remittat sicq; doceat, utrumq;
conferre. Cum ergo ex his pateat scopum Evangelistæ fuisse,
lectorem & ad Hieremiam & ad Zachariam remittere, utiq; ad-
mittenda est ista interpretatio, quæ ex superius traditâ & consue-
tâ diversâ ratione citandi, sine ullâ verborum ejus textus
perversione, ostendit, quod utrumq; etiam citaverit, Jeremiam
quidem expressè per Nomen Proprium, Zachariam vero juxta alte-
rum modum sub Nomine Propheta, dicentis ea, quæ subjunxit.

Objeçtio.

Nec est, quod obvertatur, in textu absq; ullâ distinctionis
notâ legi, τὸ πᾶν ἐπληρώθη τὸ ρηθὲν διὰ Ιερεμίου ὃ Προφήτης
λέγοντ', &c. adeoq; intelligi Jeremiam, qui (juxta Tertii ci-
tationis modi adducta exempla) & Propheta nominetur, & ea,

Diluitur.

1.

quæ sequuntur, dixerit. Nam 1. inverte potius: Quia Jeremi-
as non dixit ea, quæ immediatè recensentur post mentionem

τὸ Προφήτης, λέγοντ',

ergo non is ipse, sed alius à Jeremiâ
per hanc citationem intelligendus est Propheta, scil. Zacharias,
cujus ea sunt, quæ dixisse commemoratur.

2.

Non inusitata
est in S. Scripturâ ellipsis Copulativæ, Et. De omisso Ebræo
וְאוּמֵלֶכֶת adduxit Glass Gramm. sacr. lib. 4. tract. 1. observ. 7.
p. m. 647. seqq. Talia etiam ex N. T. possunt afferri de particulâ
καὶ Joh. X. 16. Fiet μία πίμνη, εἰς πίμην, ubi rectè inferuerunt
ad sensum Vulgatus, Beza, Lutherus, Antiquior & Recentior
Belgicus Translator & alii Copulam, Fiet unum Ovile. & unus pastor.
II. Cor. VII. 14. Ὅτι εἶπεν αὐτῷ ὁ κύριος ὑμῶν κεκαύχημα. Vulg.
& Beza cum expressâ copulâ subauditâ, Et si quid apud illum (Et

si quid

si quid apud eum) de vobis gloriatus sum, &c. Cap. VIII. 23.
 Ἀποστολοι ἐκκλησιῶν δόξα Χριστοῦ. Beza: Legati Ecclesiarum
 & gloria Christi. Sic Recentior Belgica, Afgesandten der Ge-
 meynen (ende) een Gere Christi. Lutherus: Apostel der Gemeinen
 und eine Ehre Christi. Antiquior Belgica: Apostelen der Gemeyn-
 ten (ende de) Gere Christi. Et hanc disjunctionem Chrysost. hom.
 18. in 2. ad Corinth. f. 809. simul observat Coloss. II. 14. ἐξα-
 λείψας τὸ κατ' ἡμῶν χειρόγραφον τοῖς δόγμασιν. Ut cum
 verbo συνεζωπύησ participia χαρισάμενοι (versu præced.)
 & ἐξαλείψας construantur, subaudienda vel supplenda est co-
 pula, & ἐξαλείψας, quam Beza & Lutherus in versione, Chryso-
 stomus & alii in explicatione monstrarunt I. Tim. IV, 3. Prohiben-
 tes nubere, jubentes abstinere à cibis, absq; copulâ expressâ con-
 junguntur; quam tamen subintellectam benè in Versionibus ex-
 presserunt Lutherus, Antiquior Belgica, & Beza in Annotationib.
 Admissâ igitur in hoc Matthæi controverso loco tali Ellipsi par-
 ticulæ καὶ, quam verba subjuncti testimonii exigunt, manifesta
 erit utriusq; Scriptoris allegatio: Tunc impletum est, quod dictum
 est per Ieremiam & Prophetam dicentem, Et acceperunt triginta argen-
 teos, &c. Conf. Heins. Annot. p. m. 80. 81. 3. Si quis forsan ex metu,
 ne quid Scripturæ S. adderet, futurus esset difficilis in conceden-
 dâ hîc ellipsi particulæ copulativæ, non tamen negare poterit,
 sæpius διὰ κοινῆ ex antecedentibus repetendas esse quasdam vo-
 ces, ut sequentium sensus sit plenus atq; concinnus: Videatur
 Glass. Gramm. sacr. d. I. p. m. 665. seqq. & ib. in Epilagm. p. 855. seqq.
 Si igitur ex antecedenti repetatur vel sola particula διὰ, vel τὸ
 ῥηθὲν, vel simul τὸ ῥηθὲν διὰ, &c. apparebit citatio utriusq; Pro-
 phetæ, Primo modo τὸ τε ἐπληρώθη τὸ ῥηθὲν διὰ Ιερემίᾳ, διὰ τῆ
 Προφήτης λέγοντ', &c. Exempla repetendæ hujus præpositi-
 onis διὰ ex antecedentibus videantur Matth. XIV, 9. Marc. V, 5.
 Altero modo: τὸ ῥηθὲν διὰ Ιερემίᾳ, τὸ ῥηθὲν Ἐπεφύηται λέγον-
 τ', &c. Quamvis enim ista constructio immediata vocabuli
 ῥηθὲν cum Genitivo apud Scriptores N. T. non invenitur, tamen
 ῥήμα Nomen ita usurpatur Matth. XXVI, 75. Luc I. 38. cap. III. 2.
 cap. IV, 4. Eph. VI, 17. Commodius reperitur simul τὸ ῥηθὲν & διὰ, &c.

F 2

h. m.

h. m. Tunc impletum est τὸ πρῶτον διὰ Ιερεμίου, τὸ πρῶτον διὰ τῆς Προφητῆς, λέγοντος, &c.

Hypothesis Quarta.

Quarta: Multa, quæ ad V. T. duntaxat pertinent, etiam N. T. tempora spectant.

Multa sunt in Scripturis V. T. quæ in se considerata solum Historias aut Vaticinia ante Christi adventum impleta continere videntur, & tamen luce Scripturæ N. T. collustrata Typos ac Figuras eorum, quæ post Christum exhibitum futura erant, indicasse deprehenduntur. Conf. Glass Philol. sacr. lib. 1. tract. 2. p. m. 201. Corn. à Lap. (qui tamen cum discretionis iudicio legendus) Appar. comm. in Proph. Maj. Can. 4. & 5. f. 21. seq.

Exemplo sit Historia de Abrahamo & Filiis duobus, uno ex Ancillâ, altero ex Liberâ prognatis Gen. XVI. & XXI. Hujus allegorica Interpretatio monstratur Gal. IV, 21 seqq. Ier. XXXI, 15. videtur loqui de futuro luctu super captivitate Judæorum; Et tamen Matth. II, 18. illud vaticinium in Bethlehemitico infanticidio completum esse docetur. Verba Ier. XXVI, 12. Ambulabo in medio vestri, & ero vobis in DEUM &c. videntur de foliis Judæis dicta, ob erectum inter eos tabernaculum habitationis DEI. Et tamen II. Cor. VI, 16. etiam ad conversos ex Gentilismo pertinere ostenditur. Sic & alibi Hæc referendum erit Cap. XIX. Ieremiæ, in quo & Actionem & Concionem Propheticam duntaxat instantem urbis devastationem concernere existimari posset; quum tamen ex citatione Ieremiæ apud Matthæum de Agro Sangvinis manuducamur etiam ad typicam istius Actionis & Prophetiæ considerationem.

Quinta: Interdum Prophetæ diversas Personas gesserunt.

Hypothesis Quinta.

Interdum in Visionibus vel Actionibus, per quas Deus nonnulla q̄s in Dramate representavit, Prophetæ diversas Personas sustinuisse animadvertuntur.

Ezechiel.

Sic Ezechiel in Visione tum Videntis Cap. I. tum Prædicantis, Cap.

Cap. I. II. III. tūm *Exercitus obsidentis*. Cap. IV. tūm *DEI punien-*
ti Cap. V. actiones ex divino instinctu repræsentavit. Cap. XII.
 idem Propheta & *fugientis Regis*, v. 1. 14. & *trepidantis populi* v. 17,
 18, 19. & *vaticinantis videntis* v. 22. seqq. personam egit. Cap.
 XXXVII. 16. seqq. suo facto ob oculos statuit DEI ex diversis
 populis Ecclesiam collecturi opus. Hôc sensu etiam non absur-
 dè posset *Amos* IX, 1. Prophetæ tribui ista in Visione mandata *Amos*.
 percussio super liminaris Templi, (Neq; enim alterius ejusdem
 ibi sit mentio, cui DEUS hanc percussione mandaverit,) ad
 innuendam DEI super homines idololatricos pœnam imminen-
 tem. Sic *Zacharias* cap. VI. 9. seqq. jussus est Aurum & Argen- *Zacharias*.
 tum accipere ad conficiendas Coronas, quas Josuæ imposeret,
 ad repræsentandum, quâ gloriâ DEUS Messiam, Josuæ Pontifi-
 cis antitypum, ornaturus esset. Proderit hæc observatio ad fa-
 cilius intelligendam Prophetiam *Zach* XI, 4. seqq. Cū enim *etiam Cap.*
 doctissimi Interpretes in textu animadverterint, quod is, qui lo- *XI*.
 quens introducit, nō tantum gregem pavisse, sed Pœnam quo-
 que intulisse v. g. Fœdus suum, quod cum Judæis pepigerat, sus-
 tulisse, v. 10. & pro 30 argenteis venditus esse v. 12. 13. dicatur,
 quæ omnia in Prophetæ personam non quadrent, ideò ipsum
 CHRISTUM ista omnia loquentem introduxerunt: Quamvis
 postea non uno modo se fatigent in explicatione, quomodo pro-
 jectio 30. Argenteorum in Templum v. 13. ibi loquenti Chri-
 sto tribuatur, quam à proditore Judæ factam in propatulo est.
 Præ cæteris obtinuit explicatio per regulam Ebraismi, quo ali-
 quid dicitur factum ab eo, qui factum vel futurum denunciat,
Lev XIII, 3. *Iob* IX, 31. *Esa* VI, 10. *Ierem* I, 10. Sic quoq; Zachariam
 inquit projecisse argenteos, quia eosdem projiciendos denun-
 ciaverit. Ut ipsorum & laborem & doctrinam meritò veneror,
 ita tamen simul expendendum relinquo, an non ex textu v. 15.
 concludendum sit, etiam in Priori parte Prophetam ibi scripta
 tum verbis tūm factis in divinâ visione repræsentasse. Ita enim
 istis præcedentibus cohærent sequentia: *Et dixit Dominus ad me,*
Adhuc jume tibi vas Pastoris stulti. Idem fermè est Exordium, quod
 supra v. 4. Et quid istud verbum, *Adhuc* vel *Amplius*, nisi quod
 eodẽ Prophetâ etiam in antea descriptis usus sit DEUS ad ver-
 ba & facta exprimenda, de Pastoris Boni ad avertendam ex ma-

lorum Pastorum culpā imminentem pœnam necessario officio, v. 4. 5. 6. sedulo beneficio v. 7. sed repenso maleficio, tūm per inobedientiam v. 8. 9. 10. 11. tūm per vilipendium & extremam ingratitude, v. 12. 13. Cū igitur antea personam Boni ac Prudentis Pastoris, & quæ circa ipsum evenerunt, repræsentavit, etiam ad Malorum Pastorum *ὑποτίπωση* eodem uti voluit, ut sumeret Vas Pastoris stulti, forsan Peram, Baculum, fistulam, habitum ita comparatum, ut exinde faciliè colligi posset, quod talis, qui pro Pastore se vendicaret, stolidus ac ineptus esset; ad deducendos q̄. in proscenium falsos Populi DEI Doctores, quorum & culpa v. 16. & Pœna v. 17. subjungitur. Ex hac collatione manifestum arbitror, nihil derogare auctoritati Prophetæ, si, ut hic malorum Doctorum, ita v. 13. Judæ proditoris actionem repræsentasse dicatur. Quin & Christi Majestati non derogatur, quod ejus actiones etiam in puniendo ac tollendo fœdere, aut passionem contemptus repræsentavit, in visione saltem ac ministerialiter. Conferatur Exemplum *Hosæ*, qui simul & Populi spiritualiter scortantis malitiam, ac promeritam hinc pœnam, & DEI etiam atrociter ita peccantem ad pœnitentiam tamen atq; gratiam invitantis clementiam suis actionibus, & quidem DEI jussu, absq; ullo vel immunditiæ vel Præsumptionis delicto comicè q̄. ob oculos statuit, Cap. I. 2. 4. 6. 9. Cap. III. 1. 2. 3.

Hypothesis Sexta.

Sexta. In Perspicuum est, Apostolos & Evangelistas in Interpretatione Veterum Scripturarum Sensum quasi potius V. T. potius Sensus, quàm Ordo & Verba observantur.

Sunt Verba Hieronymi. T. I. Epist. 101. ad Pammachium f. 997. ubi hanc assertionem plurimis Exemplis probavit, inter quæ etiam controversus hic Matthæi locus. Accusant, inquit, Apostolum falsitatis, quod nec cum Hebraico, nec cum Septuaginta congruat Translatoribus, & quod his majus est, erret in nomine: Pro Zachariâ quippe Jeremiam posuit. Sed absit hoc Pedissequo Christi dicere, cui curæ fuit,

non

non Verba & Syllabas aucupari, sed Sententias dogmatum ponere, f. 995. Epist. 151. seu ult. quæ est ad Algasiam, quæst. 2. f. 1244. cum additamento istam Observationem proponit: Vbiunq; de Veteri Instrumento Evangelistæ & Apostoli testimonia protulerunt, diligentius observandum est, non eos Verba secutos esse, sed sensum, & ubi LXX. ab Hebræo discrepant, Hebræum sensum suis expressisse sermonibus. Quod autem aliquando, etiam cum LXX. ad amussim consonant Ebræo, tamen non ipsos secuti sint, sed aliis verbis, quæ liberissima DEI inspiratio ipsis suggerit, Propheticum sensum expresserint, & fusè & nervosè probavit CL. Theologus D. Calov. Comm. in Aug. Conf. T. I. Tract. 2. membr. 8. p. 771. seqq. Videatur egregius liber Parallelorum sacrorum Franc. Junij, ubi scripturæ dictorum in Veteri & citationis eorum in Novo summam in Verbis convenientiam, in Rebus consensum, in Mutationibus fidem veritatemq; per singula Exempla ostendit. Utilem quoq; hic navavit operam D. Ioh. Tarnov. qui Comm. in Amos V. p. m. 147. in certa membra digessit istam apparentem discrepantiam, quod sc. ex gravi causâ fiat à citantibus vel Ordinis mutatio, vel detractio eorum, quæ ad institutum non videntur facere, vel Adjectio quædam ad illustrationem, vel Metaleptica verborum commutatio, vel alia levis immutatio. Videatur etiam D. Kesler. Disp. de Alleg. Dict. V. T. Cap. IV.

Ex institutâ collatione locorum V & N T deprehendi, pleniùs atq; pleniùs rem totam ita proponi posse. 1. Non adeo laborandum in solvendo *ἐκ τῶν προφητειῶν*, quæ non ab ipsis Evangelistis & Apostolis citata, sed tantùm historicè recitata sunt, quomodo ab aliis fuerint allegata. Sufficit veritas in narrando, quod dixerint alii, quorum sermo dein examinandus est, quid veritatis aut falsitatis contineat. Talia Exempla leguntur partim malitiæ, partim ignorantie & falsæ doctrinæ adscribenda Matth II, 6. cap. V, 21, 27. 31. 33. 38. 43. (ubi vel sensus vel etiam verborum Legis per Scribas depravatio arguitur) cap. XIX, 7. Ioh VI, 31. &c. Ioh. XII, 34. Matth. XXII, 24. Marc. XII, 19. Luc. XX, 28. Matth. IV, 6. Luc. IV, 10. Si qui Probi Homines, non tamen Evangelistæ & Apostoli immediatâ Sp. S. inspiratione acti, aliter quippiam narrarunt, quàm in libris Canonicis reperitur, nihil decedit S. Scripturæ veritati, si in ipsis ἀμύθητα quoddam *μὴ μνησθὲν* admittatur.

2. Si

Observationes

si quædam
nude narratur
ut citatur
ab aliis.

2. Si non additur Citationis signum. 2. Si quæ ab Evangelistis & Apostolis dicta aut scripta sunt, cum verbis Scriptorum V. T. non parum quidem convenientia, sed tamen absq; ullâ citationis notâ, non præcisè opus est, (utut studium collationis, quantum ea possibilis est, non improbetur,) demonstrare, quod & scopo & sensu prorsus congruant. Neq; enim probari potest, quod ipsi hoc intenderint. Huc pertinent loca. *Matth. XIII. 15. Rom. X. 6. cap. XI. 34. I. Corinth. II. 16. Ebr. XII. 6. I. Petr. I. 24. cap. II. 22. cap. III. 14, 15. cap. IV. 8.* 3. Quando quædâ adducta sunt sub generali quâdam citatione, quæ ad plura Scripturæ loca se potest extendere, non possumus adstringi, ut sensus aut verba allegata ex uno (saltem mon-
est Genera- stremus, sed sufficit huiusmodi sparsim quoq; colligere. Vide-
lis, atur *Matth. XXVI. 54, 56. Marc. XIV. 49. Luc. XXI. 22. cap. XXIV. 44, 46. Ioh. VI. 45. cap. VII. 38. cap. XII. 14, 15. cap. XVII. 12. Act. III. 18. XV. 16, 17. XIII. 27. Rom. III. 10. seqq. cap. XI. 26. 27. II. Cor. VI. 16, 17, 18. Iacob. IV. 5, 6.* 4. Si quæ discrepantia occurrit in colla-
ciatim cita- tione locorum speciatim citatorum, ista vel in Omissione, vel adjectione,
tis occurrit vel Mutatione consistit, ut tamen nulla sit in sensu vera & reali pugna.
discrepantia, De singulis seorsum.

Aliquan-
do est

(1) Omisio
Plurium
Verborum.

1.

2.

I.
Omisio est vel Plurium, vel Singularum duntaxat vocum.
Plura verba interdum omittuntur, 1. quando paucis, vel etiam solo Scripturæ Nomine, & Scripturæ, quæ indigitatur, materiâ indicatâ, allegatis, lector qf. ad fontem ducitur, ubi plenior habe-
tur explicatio; præsertim cum prolixum fuisset, integrum quen-
dam contextum verbotenus adducere. Sic *Matth. XXVI. 3. Ioh. I. 23. cap. XII. 15. cap. XIX. 28, 36, 37. Act. XIII. 33.* (Ad probandam thesin v. 23. 37. positam de excitato Jesu Salvatore non tantum Psalmi versus allegatus septimus, sed etiam sequentes pertinent)
Rom. X. 15. cap. XI. 3, 4. 27. cap. XV. 12. I. Corinth. I. 31. Huc referri potest in loco *Matth. XXVII.* allegatio *Ieremiæ*, ad indicandum, ut ibi inquiratur, quid circa materiam indicatam præter ea,
quæ ex verbis Zachariæ confirmantur, ipse etiam scripserit. 2.
quando non adeo omnia ad scopum allegationis pertinent. Sic *Matth. IV. 15.* omissa sunt tanquam impertinentia, quæ de præcedancâ afflictione duplici terræ Zabulon & Naphthali dixerat Propheta *Esa. IX. 1.* & tantum allegata, quæ ad secuturum per Messiam beneficium spectant, quod à Matthæo celebratum. *Cap. XXI.*

49

XXI, 8. citatis vaticinii verbis, quorum impletio tunc cernebatur, omissa sunt duo ex *Zach.* IX, 9. epitheta Messiae, *Iustus & Salvator*: Ibid. v. 13. ad Scopum Christi sufficiens fuit ex *Esa.* LVI, 7. solum templi Nomen, reliquis prætermisiss. *Act.* III, 22. omittuntur cum alia tum quæ de occasione promissi post Moysen alterius Prophetæ insigniter Magni *Deut.* XVIII, 16, 17. interserta leguntur. *Rom.* XI, 3, 4. tantum ea ex Eliæ & respondentis DEI verbis adducuntur, quæ faciunt ad probationem, quod DEUS etiam in Populo impio habeat invisibiles suas reliquias, prætermisiss aliis, quæ in textu *I. Reg.* XVIII, 14, 15, 16, 17, 18. simul leguntur. *Ebr.* XII, 26, 27. ex *Hagg.* II, 7. citatur & urgetur illud, *Adhuc semel*, adeoq; verba Prophetæ omnia afferre non fuit necessarium.

3. quando suffecisse putarunt Θεοπέεροι Scriptores ea, quæ adduxerunt, etiam non expressis omnibus ibi extantibus Sic *Matth.* XXII, 32. ex *Exod.* III, 6. sufficiunt allegata, ut non addatur: *Ego Deus Patris tui*. Speciatim tale quid deprehenditur, quando omissa sive οὐκ ὀνομαζόμενος, sive consequenter, sive ex coherentiâ verborum jam implicitè simul comprehensa sunt. Sic ob *Synonymiam Matth.* IV. unâ tantum vice ponitur, *Vivet Homo.* *Matth.* XII, 20. omissa sunt ex *Esa.* XLII, 4. verba, *Non caligabit nec frangetur.* (Luth. er wird nicht murrisch noch greulich seyn) quia sensu conveniunt cum allegatis v. 19. *Non litigabit, neq; domabit.* Duæ phrasæ apud Prophetam, *Ad veritatem educet iudicium, & Donec ponat in terrâ iudicium*, comprehenduntur sub unâ, *Donec ejiciat ad victoriam iudicium.* *Marc.* VII, 6. omissa sunt verba, *Appropinquavit populus iste in ore suo*; quia coincidunt cum his, *Populus iste labia me honorat.* *Luc.* II, 4. ut & *Matth.* III, 3. saltem habetur, *in deserto*, pro eo, quod *Esa.* XL, 3. legitur & *In deserto* & *In solitudine.* ibid. v. 6. etiam versus quintus Prophetæ summam duntaxat indicatus est. *Act.* II, 22. omittitur illud, *è medio tui*, quod *Deut.* XVIII, 15. legitur; quia coincidit cum phrasi subjuncta: *è fratribus tuis*, quam etiam Petrus l. c. adducit. *Cap.* XV, 16. ex allegato loco *Amos* IX, 11. omittitur phrasis, *Et sepiam aperturas ejus*, quia convenit cum altera sequenti: *Et dirutas partes ejus instaurabo.* *Rom.* XI, 4. phrasis de ore osculante Baal, quæ *I. Reg.* XIX, 18. habetur, comprehensa est sub flexione genu coram Baal; quia utraq; denotat gestum religiosæ reverentiæ erga Baal. *Rom.*

G

XIV,

XIV, 11. nulla fit mentio verborum, quæ *Esa.* XLV, 23. habentur, *Egressum est de ore meo verbum justitiæ, & non revertetur*; quia est formula confirmationis comprehensa sub antecedente phrasi, *Per me juravi*, & hujus juramenti formula exprimitur à S. Paulo: *Vivo ego, dicit Dominus*. Ex *Esa.* LII, 11. repetitio Synonyma, ad fugiendum improborum consortium, paucioribus exprimitur. II. *Cor.* VI, 17. Quod nonnunquam aliqua omissa sint, quia *vel expresse, vel implicite in connexionem cum antecedentibus verbis citatis jamdum extent*, monstrabunt Exempla. Quum *Ierem.* XXXI, 15. dicatur, Rachel plorasse super filiis suis, & renuisse consolationem admittere super filiis suis, *Matth.* II, 18. verba, *super filios suos*, altera vice omissa sunt, quia jam antè posita. *Ebr.* X, 7. non addita sunt verba ex *Psal.* XL, 8. *Volui, & Lex tua in medio viscerum meorum*. Comprehenduntur enim sub præcedentibus, *Ecce adsum, ut faciam voluntatem tuam*. Sicut etiam exinde Voluntatem Christi in perficiendo DEI Patris placito ibidem *v. 9, 10.* demonstrat Apostolus.

Singularum Vocum

sc. Nominis.

Pronominis.

Verbi.

Adverbij.

Coniunctionis.

Omissio singularum quarundam vocum similiter animadvertitur ortum habere ex eo, quod *vel* ad scopum & sensum non adeo necessaria, *vel* ex contextu satis superque notæ, *vel* per Synonymiam, aut Metalepsin allegata simul complectitur eam, quæ est omissa. Talis est defectus alicujus Nominis. *Matth.* II, 20. omititur *Ephrata*, quia sufficiebat alterum Nomen *Bethlehem*. *Luc.* IV, 18. posito semel Nomine *χρῆς*, non exprimitur *Iehova* appellatio, quæ *Esa.* LXI, 1. bis additur. *Act.* I, 20. omissum est nomen *Tentorij*, quod legitur *Psal.* LXIX. quia præcessit Synonymum, *commoratio*. *Rom.* IX, 28. habetur: *In terrâ, pro: In Medio omnis Terræ* ex *Esa.* X, 22. *Ebr.* X, 6. *Helocavtomata & pro peccato*, sc. hostiam, ex *Psal.* XL, 7. Pronominis non expressi habentur Exempla *Matth.* XV, 8. Labiis sc. suis, prout extat *Esa.* XXI, 13. *Rom.* I, 17. *Gal.* III, 11. *Ebr.* X, 38. Justus ex fide vivet, ex *Hab.* II, 4. Justus in fide sua vivet. *Ebr.* X, 7. DEUS, ex *Psal.* XL. DEUS mihi. Verbum *Aspicite* in citato loco *Hab.* I, 5. omititur *Act.* XIII, 41. quia jam ante dictum erat. *Videtur*. De Adverbis par ratio. *Matth.* VIII. non est additum, *Verè*. sicut *Esa.* LIII, 4. quia certitudo dicti est in confesso, quomodo etiam *Rom.* IX, 17. omissa est translatio vocis *□* *profectò* ex *Exod.* IX, 16. *Coniunctio* Copulativa deficit.

deficit *Act.* VIII, 33. in humilitate iudicium ejus sublatum est, cum *Esa.* LIII, 8. legatur: De clausurâ & de iudicio sublatum est. *Præpositio* est omissa *Act.* II, 21. *In*, ex *Ioel.* III, 5. it. *Ebr.* VIII, 9. ex *Ier.* XXXI, 32. (Ebraus idiotismus hic per particulæ præteritionem *nis*. optimè est redditus) *Rom.* IX, 27. ex *Esa.* X, 22. omisum est, *In eo*, scil. Israele, quia implicite hoc ipsum contextus indicat.

Adjectio quædam exigua animadvertitur, sive quia in citati loci contextu, sive in loco parallelo, sive in re ipsâ tale quid latet, adeoque *παραφραστὶς* exprimitur. Conf. *Hieron.* l.c. ad *Pam-machium*, qui itidem paraphrasticam citationem in Scriptoribus N. T. notavit. *Integra Phrasis* adjecta legitur *Luc.* IV, 18. in citatione *Esa.* LXI, 2. ubi additur, *Et cæcis visum*, ex loco Prophetæ parallelo *Cap.* XLII, 7. Cum *Deut.* VI, 5. tria tantum habeantur membra de modo diligendi DEUM. *Marc.* XII, 30, 33. *Luc.* X, 27. quatuor ponuntur, sed eodem planè sensu; quomodo etiam in V. T. interdum exprimuntur Tria, *totum Cor*, *tota Anima*, *tota Fortitudo*, *Deut.* VI, 5. II. *Reg.* XXIII, 3, 25. interdum Duo, *Totum Cor & tota Anima*, *Deut.* X, 12. *cap.* XI, 13. *cap.* XIII, 3. *cap.* XXVI, 16. *cap.* XXX, 6. *Ios.* XXII, 5. I. *Reg.* I, 4. interdum unicum duntaxat, *Ex toto Corde*, I. *Sam.* XII, 21, 24. (vel *totum Cor & tota Voluntas*, II. *Chron.* XV, 15.) I. *Reg.* VIII, 23, 48. *cap.* XIV, 8. II. *Reg.* X, 31. II. *Chron.* XXXI, 21. *Psal.* CXIX, 69. Sola enim diversitas est in distinctâ accepti-one Cordis quod vel generatim notat omnes Animæ nostræ vires & studia (II. *Chron.* XI, 16. *Prov.* XXIII, 16. &c.) vel distinctè Intel-lectum (*Prov.* XVI, 9.) vel Memoriam (*Deut.* IV, 29. *cap.* VI, 8.) vel Voluntatem (I. *Chron.* XII, 38.) vel sedem Affectuum & Appetit-*tus Gen.* VI, 8. *Dan.* VII, 4. *cap.* VI, 9. Hinc *διάνοια* vel *σύνεσις* alibi sub mentione totius Cordis comprehenditur, alibi autem distinguitur. *Act.* II, 17. ex contextu *Ioel.* II, 28. additum est, *Dicit Deus.* v. 19. additum est, *Sursum & Deorsum*, quod in ipsâ men-tione Cœli & Terræ implicitum extat. *Act.* XV, 16. illud *Revertar & reedificabo*, quamvis *Amos* IX, 11. tantum legatur, *Erigam*, ta-men implicite habetur in toto contextu. Agitur enim de erecti-one tabernaculi collapsi, de sepimento rupturarum, de diruto-rum erectione, de ædificatione sicut fuit diebus seculi. Hæc se-ipsa est reversio ad reedificandum. Prætereo jam, quod ipsum hunc textum (ut verba v. 15. innuunt) ex diversis Prophetarum

(2) *Adjectio**Integræ
Phrases.*

locis concinnatum autumant aliqui, adeoq; non necesse sit, totalem cum uno convenientiam ostendere, prout supra monitum est. Rom. XI, 9. additum est, in captionem, quod Palm. LXIX. sub mentione laquei comprehenditur. *Ibid. vers. 27.* verba, *Cum ab- stulero peccata ipsorum*, quoad sensum habentur in antecedentibus loci allegati *Esa. LIX, 20.* quoad verba autem in loco parallelo *Ierem. XXXI, 33, 34.* adeo ut & ibi duorum dictorum combinatio facile concedi possit, praesertim quando saltem praemissa est generalis allegatio, *Sicut scriptum est*: Vide supra. I. Cor. XIV, 21. verba ista, *Et ita quoq; me non audient, dicit Dominus*, non sunt peculiare additamentum, sed summa eorum, quae *Esa. XXV, 12, 15.* subjiciuntur. *Gal. III, 10.* pro phrasi; Verba legis hujus, *Deut. XXVII, 6.* habetur, *Omnia, quae scripta sunt in libro Legis*, quod utiq; ex contextu *ibid. v. 3.* desumptum est. Quoad singulas nonnullas voces animadvertitur quaedam Adjectio. De Nomine quodam Substantivo *Matth. XXVI, 31.* Oves Gregis, pro Ebr. *יֵשׁוּעַ* qui Gregem minorum pecudum, & quidem communissimè Ovium significat, *Act. XV.* exprimitur Dominus, quem ipsum inquirendum contextus *Am. IX, 12.* insinuat, *Rom. IX, 27.* additur Nomen Numerus, quod omninò *Esa. X, 22.* subintelligi clarum est. *Rom. XI, 3.* illud Domine, ex contextu *I. Reg. XIX, 14.* desumptum est. *ibid. v. 4.* nomen Virorum quod *I. Reg. XIX, 18.* intelligitur, expressè positum est. De Adjectivo addito ad exprimendum legitimum loci allegati sensum, habentur Exempla. *Matth. IV, 7.* Solus, *Act. XV, 17.* Gal. III, 10, 13. Omnis. De Pronomine. *Matth. XI, 10.* Tuam. *Act. II, 18.* Meos, Meas. *Rom. XI, 4.* Mihi. De Adverbio *Matth. XV, 9.* Frustra. *Rom. IX, 26.* illic. De Praepositione. *Act. II, 17.* De, ad explicandam tum mensuram, tum diversitatem Donorum Spiritus S. qui *Joel II, 28.* effundendus dicitur. *Rom. IX, 17.* In est Adjectum, ut indicetur, quod non tantum viderit Pharaon DEI potentiam, sed ipse etiam fuerit, in quo eam Deus adeo manifestè exercuerit, ut in universa terrâ postmodum sit annunciata. Non igitur respexit Apostolus ad sola verba *Exod. IX, 16.* sed ad totum contextum, adeoq; etiam ad *v. 14.* ubi DEUS dixit, Mitto plagas meas In Cor tuum, *v. 15.* Percutiam te, &c. *Matth. XII, 18.* In quo, ad exprimendum sensum Ebraei textus *Esa. XLII, 1.* De Coniunctione Copulativa (quae saepius in Ebraeo non exprimitur) Exempla sunt *Matth.*

Aut singu-
larum Vo-
cum, Nomi-
ni.

Pronominis.
Adverbij.
Praepositio-
nis.

Coniunctio-
nis.

53

Matth. II, 28. IV, 16. cap. XII, 18. Rom. XI, 9. cap. XV, 12. Ebr. I, 7.
De *adversativâ* *Matth. XV, 9.* ubiq; sensu immutato, & clariùs sæpè expresse.

III.

Mutatio, quæ interdum reperitur, *vel* *Ordinem* duntaxat, (3) *Mutatio* *vel* *Modum* loquendi, *vel* verba concernit.

Immutati aliquantisper *Ordinis* in sermone, absq; ullo sensûs *vel* *Ordinis* detrimento, exempla videre est *Ioh. XII, 40. Act. II, 17. cap. VIII. bis. cap. XIII. & cap. XXVIII, 26. Rom. IX, 25 (Ose. II, 23. de Non-dilectâ, seu Misericordiam non consecutâ præponitur) cap. X, 20. cap. XI, 3, 9. I. Cor. XIV, 21. Ebr. III, 9.*

Ad immutatum loquendi modum pertinet, quando aliquid *vel* *Modi* *Erotematice* prolutum *Categoricè* effertur, sensu eo, quem interro- *loquendè* gatio innuit. Conf. *Matth. XXI, 13. cum Ier. VII, 11. Ebr. VIII, 9. le-gitur: Despexi eos, quod concordat cum Ierem. XXXI, 32. si in-terrogativè legatur* אֲנִי בְעַלְיָדָי *Et ego conjugio junctus man-sissem eis?* R. Minimè. Econtra per *Interrogationem* effertur, quod *Categoricè* dictum. Sic *Act. VII, 50. ex Esa. LXVI.* Item quando nudè referuntur, quæ in Scripturis V. T. per formam *Dialogi* aut *Dramatis* sunt proposita. Exemplum habetur *Matth. XI, 14. Ioh. XII, 40.* ubi absq; mentione *Dialogismi* DEI cum *Prophetâ: Vade & dices populo huic, &c. impingva Cor populi hujus, &c.* nuda proponitur prædictio, & DEO tribuitur excæcatio, quæ *Esa. VI, 9. 10.* in isto *Dialogo* *Prophetæ.*

Immutatio Verborum facta est *vel* *Alia* substituendo, *vel* *Ea- Vel Verbo-* dem aliter flectendo. Substitutio *aliorum* concernit *vel* *Integras rum; Sive* *Phrases, vel* singulas voces, Nomina, Verba, Præpositiones. In *Aliorum* utrâq; sensus dicti citati exprimitur *sive* per *Synecdochen*, *sive* per *Metonymiam*, *sive* *Metaphoram*, *sive* Verba, Grammaticis *pregnantia* dicta, ubi alterum altero comprehenditur, *sive* alio quodam modo in re ipsâ æquipollentia.

Sic *Matth. IV, 4.* pro *Quoniam* ponitur *sed*, benè ad sensum, ubi hoc posterius membrum *adversativè* priori subjungitur. *ibid.* quod egreditur ex ore Domini, rectissimè nominatur *Verbum*, prodicens ex ore DEI. v. 11. Adorabis, ex *Deut. VI, 13* Timebis, quia *Timor* DEI omnem *Reverentiam* ejus religiosam adeoq; etiam *Adorationem* complectitur *Psal. CXLV, 18, 19.*

55

bonum speratum expectare cum fiducia, *Psal.* XXV, 2, 3, 5, 21.
 & alibi sæpissimè, *Matth.* XII, 19. *Non litigabit, pro, Non vociferabitur.*
Esa. XLII, 2. scil. ut solent rixosi homines inter litigandum voce
 intensâ uti, *Ephes.* IV, 31. *Ibid.* *Non audiet quisquam vocem ejus* notat
 effectum ejus, quod Propheta dixit, *Non faciet audire vocem suam.*
Cap. XXI, 5. *Mansuetus, Zach.* IX, 9. *Humilis, Pauper, Oppressus,*
 Paupertati enim & Afflictioni plerunq; ortum debet Man-
 suetudo. (Non seponenda etiam est observatio, quod
Humilis cum *Humilis* ab unâ rad. *Humilis* descendentes etiam significati-
 onem inter se permulent, ut prius *Mansuetum* quoque, posteriùs
 etiam *Humilem* denoter. Quin ipsa Christi Paupertas est ejus
Mansuetudo, quâ propter nos Pauper fieri voluit. Paupertatem
 in istâ historiâ mutuatio asinæ, Mansuetudinem lacrymæ
 super Jerusalem indicârunt.) *Cap.* XXI, 16. ex *Psal.* VIII, 3. pro
Fundasti habetur *Perfecisti*, quia ex optimâ fundatione alicujus
 rei Perfectio & soliditas dependet, *Zach.* IV, 9. Conf. *Exod.* IX, 18.
I. Reg. V, 17. ubi *Targum* reddit per *Robur*. *Ibidem* pro *Robur*
 habetur *Laus*, quia Robur, quod ex ore infantum procedit, est
 vehementissima DEI laudatio. Conf. *Exod.* XV, 2. *Psal.* XXIX, 1.
 XCVI, 7. CXVIII, 14. &c. (ubi itidem Fortitudo & celebratio DEI
 conjunguntur. *Luc.* III, 4. illud *Esa.* XL, 4. Vallis se exaltabit, ex-
 geritè redditum est, *supplebitur*. Quando enim concavitas val-
 lium superadductâ terrâ impletur, tunc exaltantur. Metapho-
 ricè indicata est ubertas gratiæ & gloriæ apud spiritualiter con-
 tritos (Conf. *Luc.* I, 52, 53.) *Ibid.* v. 6. nominatur *salutare DEI*:
 apud Prophetam, quod os Domini locutum est. Nam Messias, qui
 DEI σωτήρ nuncupatur, est ille ipse, de quo ibidem v. 1, 2, 3.
 os Domini locutum est, quod sit fundamentum consolationis
 contra peccata. Rectiùs tamen hic Locus refertur inter ea de qui-
 bus Hypothesi Primâ dictum est, quod Duo Scripturæ V. T. Dicta
 combinentur, sc. ex *Esa.* XL, 3, 4. & LII, 10. His recensitis Ex-
 emplis de Substitutione Aliorum Verborum, addenda sunt, quæ
 sigillatim evolvere prolixum nimis foret, sed tamen inspicere pos-
 sunt, *Matth.* XII, 35. *cap.* XV, 9. *cap.* XXI, 5. *Luc.* III, 6. *cap.* IV, 18.
Act. II, 17, 18, 20, 21, 26, 28. *cap.* III, 22, 23, 25. *cap.* VIII, 33. *cap.* XIII,
 34, 41. *cap.* XV, 16, 17. *Rom.* III, 4, 11, 12, 14. *cap.* IX, 9, 25, 27, 28.
cap. X, 19, 21. *cap.* XI, 4, 9, 10, 26. *cap.* XIV, 11. *cap.* XV, 12. *I. Cor.* I, 19.

cap.

cap. XIV, 21. cap. XV, 55. Gal. III, 8, 10. cap. IV, 30. Eph. IV, 8. Ebr. VIII, 8.
cap. IX, 20. cap. X, 5, 6, 7.

Sive Eo-
randem.

Eadem verba interdum reperiuntur *Immutata*, & quidem non unâ ratione. Interdum enim immutatur *Pars Orationis* ut *Rem. XII, 19.* ubi verbaliter exprimitur, *Retribuam*, quod *Deut. XXXII, 35.* per Nomen, *Mihi Retributio*, sc. est. Interdum est *Enallage Numeri. Matth. I, 23.* in plurimis Exemplaribus Græcis *Vocabunt*, pro *קָרָא* quod *Fœm. gen.* redditur vel *Vocabis* ut *Gen. VII, 11.* *Esa. LX, 18.* quomodo etiam *LXX. l. c.* vertunt, vel *Vocabit* (informâ contractâ, Buxtorf. in *Concord. & Thes. Gramm. lib. 1. c. 43. p. 238.*) vel *Vocans*, ut sit *Forma Participii*, quod ex *AbenEsra* censet *Bohl Comm. in h. l. p. 64.* conveniens cum præcedentibus *Pregnans, Pariens,* Nomen enim illud *Immanuel*, non tantum *Maria Mater*, sed & alii huic *Filio* competere agnoscunt. Huc pertinet *Canon*, quod *Activa verba tertiæ personæ sine Nominativo expresso interdum Passivorum significationem assumant.* Conf. *D. Glass. Philol. Sacr. tract. 1. p. 50.* *Matth. IV, 7.* Non Tentabis ex *Deut. VI, 16.* Ne Tentetur. *Matth. XXI, 5.* Filius *Asinæ.* Ita enim optimè in Græco expressus est *Ebraismus*, *Filius Asinarum*, *Zach. IX, 9.* id est, unus ex pluribus. Similia Exempla sunt *Gen. XLIX, 7.* Filius *Armenti.* *Iud. XIV, 5.* catulus *Leænarum*, *Ps. XXXIX, 6.* Filius *Unicornium &c.* Conf. iterum *D. Glass. l. c. can. 27. p. 90.* *Luc. III, 5.* *Curva, Recta,* Pluraliter ad indicandam distributionem, quæ etiam *Esa. XL, 4.* persequens Plurale, *Altitudines* notatur. *Ioh. XII, 40.* vertitur in Plurali, quod *Esa. VI, 10.* in singulari quidem, sed cum Nominæ collectivo *Populi* enunciatur, *Commoratio* ejus, pro *Commorationes* eorum, ex *Psal. LXIX, 16.* *Cap. III, 22.* *Vobis, Vester, Vestris*, pro *Tibi, Tuus, Tuus.* Interdum fit inflexio ratione *Personæ.* Huc pertinet *Matth. I, 23.* *Vocabunt*, si *Ebræum* redditur, *Vocabis*, *Matth. XI, 10.* Ante faciem *Tuam*, pro *Meam.* *Mal. III, 1.* propter *Patris & Filii* identitatem *Essentiæ* atq; *Voluntatis* *Matth. XXVI, 31.* *Percuriam*, pro, *Percute*; quia figurato alloquio *Gladii Deus* enunciat, se percussurum esse *Pastorem.* Plura Exempla sunt, *Ioh. XII, 40.* *I. Cor. I, 19.* cap. XIV, 21, *II. Cor. VI, 16.* (nisi potius dixeris, respici *Ezech. XXXVII, 27.* ubi *Tertia persona* habetur, *Erunt mihi in populum*) *Eph. IV, 8.* Speciatim quoad *Nomina* occurrit *Permutatio Appellativi & Proprii*, *Matth. II, 18.* (quamvis non inconcinne re-
tento

57

rento Nomine Propriò, quia *RAMA* fuit in Vicinia Bethlehem,
Judic. XIX, 2, 9, 13. magnitudo clamoris notetur, quod etiam in
Ramâ sit auditus.) *Act. XV, 17.* per Reliquias *Edom* nominantur
 οἱ καὶ ἄλλοι τοῖ τῶν ἀνθρώπων, quia sub nomine *Edom* reliqui *No-*
mines ab Ecclesiâ alieni, seu, ut verba immediatè sequentia in-
 nuunt, *Omnes Gentes*, intelliguntur, quæ sc. antea *DEI Ecclesiæ*
 fuerunt adversæ, *Esa. XXXIV, 5. Cap. LXIII, 1.* Permutatio *Substan-*
tivi & Adjectivi occurrit. *Gal. III, 13.* *Execrabilis* est, pro *Execratio*
 est, sensu eodem, *Ebr. I, 7.* *Flamma* ignis, pro, ignis *flammans* s.
 flagrans. Quoad *Casus* permutatio animadvertitur *Act. VIII, 33.*
Judicium ejus sublatum est, pro, *Sublatus est de judicio*, Nam eo ipso
 judicium ejus sublatum est, quod ipse è *Judicio* evadens nos
 ab eodem liberavit. Huc solet referri *Act. XI, 17.* *Requi-*
rant reliqui homines Dominum; quum *Amos IX, 12.* habeatur
 יִרְשׁוּ אֶת-שְׂאֵרֵי אֲדָמָה quod communiter vertitur, *Possideant*

residuum Edom. De *Edom* pro Gentibus posito jam dictum. Neq;
 ineptè *Possidere* vertitur *Requirere*, quia verba *Actionem* seu *effectum*
 notantia haud rarò de conatu agendi exponenda sunt. Vide *D. Glasij*
Gramm. sacr. tract. 3. can. 8. p. 234. seq. Ita & hic *Possidere* cona-
 tum s. requisitionem *Possessionis* significat. De *Adjectione No-*
minis, Dominum, itidem jam monitum est. Sola restat difficultas
 de *Casu*, quem *Accusativum* esse ex nota *תָּנָה* volunt concludere,
 adeoq; mutatum ab Evangelista *Casum* hunc in *Nominativum*. Ut
 verò nunc taceam, quod superiùs monui, non necesse esse, ut ge-
 neralis in h. l. citatio ad solum locum *Am. IX.* restringatur, tamen
 & hic cum mente Apostolicâ benè concordat, si non in *Accusati-*
vo, sed *Nominativo* explicetur, *Reliquiæ hominum requirent ad*
possidendum, &c. Quod enim *תָּנָה* interdum notet *Nominativum*, do-
 cent *Exempla*, non tantum quando post verba *Passiva* ponitur,
 sed etiam, quando post *Neutra & Activa*. Præter ea, quæ *D. Glass.*
l. c. p. 94. seq. adduxit, alia adhuc leguntur, *II. Reg. IX, 25. Jerem.*
XXXVIII, 16. Ezech. XLIII, 7. Quoad *Verba* interdum reperitur *per-*
mutatio Activi & Passivi, sensu invariato. Sic *Act. XIII, 41.* si quis
enarraverit vobis, pro, cum narrabitur. *I. Cor. XV, 54. Absorpta est*
Mors, pro Absorbebit Mortem. Apud Prophetam *Autor*, apud Apo-
 stolium *Eventus* hujus absorptionis indicatur. De *Permutatione*
Temporum vel etiam *Modorum* videantur loca *Matth. I, 23.* ubi sub

H

verbis

verbis Futuri Temporis allegatur vaticinium *Esa. VII, 14.* Utur enim Propheta ibi ad denotandam & rei cognitionis certitudinem utatur presenti, tamen revera adhuc futurum, & post aliquot demum secula implendum erat, quod prædicebat. *Cap. XII, 18.* in Præterito redditur, *Assumsi*, quod *Esa. XLII, 1.* effertur in Futuro; quia & eo tempore jam impletum erat istud vaticinium, & Propheta subjunctis verbis *Voluit, Dedi*, itidem indicavit certitudinem impletionis. Sic *Cap. XXI, 5.* *Venit pro Veniet.* *Cap. XXVI, 31.* Futurum indicativi primæ Personæ, *Percutiam*, ponitur pro secundâ Præsentis imperativi, *Percute.* Vide, quæ ad h. l. suprâ notata sunt. *Iob. XII, 40.* Præterito indicativi Activi, & *Act. XXVIII, 27.* Passivi effertur, quod *Esa. VI, 9.* sub Præsentis imperativi. *I. Cor. XV, 54.* per Præteritum explicatur vaticinium futuri Temporis, *Esa. XXV, 8.* præmisso tamen Exordio, *Tunc fiet illud, quod scriptum est, Absorpta est Mors.* Ad jam recensitas Classes Observationum de citatis in N. T. dictis ex Veteri putamus facile referri posse reliqua exempla, quæ vel oculos nostros fugerunt, vel ob evidentiam omissa sunt.

De luculento hujus Hypotheseos usu non est, ut multis agamus. Sufficiet nobis, si ostendamus inferius eundem in allegatis à Matthæo verbis Zachariæ quomodo invicem conveniant.

Septima:

Quædam in
S. Scripturâ
habentur
secundum
sensum vel
Consequen-
tiam.

Hypothesis Septima.

Non tantum quæ per claram literam expressa, sed etiam ea censenda sunt à Prophetis & in Prophetica Scripturâ dicta, quæ secundum sensum continentur, vel per bonam consequentiam exinde eliciuntur.

Inculcat venerandus Patrum Chorus hinc inde, quod Scripturæ vis consistat non in Verbis, sed in sensu; non in superficie, sed in medullâ; non in sermonum foliis, sed in Radice Rationis; adeoq; in iis nonnulla sint, licet non totidem verbis ibi expressa. *Greg. Nazianz. T. I. Orat. 6.* quæ est de Spiritu S. f. 192. seq. *Dionysius Alex. apud Athanas. T. I. f. 438.* Epist. de ejus sententiâ. *Ambros. T. I. lib. de fide contra Arianos cap. 5. f. 172.* *August. T. II. Epist. 178. f. 797. seqq. &c.* *Conf. Hutter, Loc. Theol. de Script. S. q. 6. f. 70. D. Dannh.*

59

Dennh. Dialect. Sacr. Art. 3. §. 15. p. 34. Art. 4. §. 28. p. 76. seqq. & in Hodosoph. Phænomen. 1. p. 48. Rivet. Isag. in Script. S. cap. 17. p. 243. seqq. Balduin. Phosph. lib. 3. cap. 4. p. 94. In ipsa Scripturâ N. T. allegari aliquando sub phrasi Dictum est, dicit &c. quod tamen in loco citato non καὶ τὸ ῥητὴν, sed καὶ τὴν διάνοιαν & vi bonæ consequentiæ invenitur, exempla ostendunt. Matth. VIII, 16, 17. in sanatione Morborum Corporis asseritur impletum, quod Dictum est per Prophetam Esaiam cap. LIII, 4. ubi directè agitur de Spirituali, consequenter autem de Corporali etiam sanatione. Matth. XXII, 31-32. De Resurrectione Mortuorum non legistis, quod vobis Dictum est à DEO, dicente: Ego sum DEVS Abraham, & DEVS Isaac, & DEVS Jacob? Nihil hic expressè de Resurrectione mortuorum legitur, & tamen ibi Dictum esse censetur de eâ, propter vim consequentiæ à Christo monstratæ in verbis, Non est DEVS Mortuorum, sed Viventium. Ioh. XII, 41. Hæc dixit Esaias quando vidit gloriam ejus, (CHRISTI) & locutus est de eo. Actor. X, 43. Huic (CHRISTO) omnes Prophetæ testimonium perhibent, scil. partim ῥητῶς, partim διανοητικῶς. Cap. XIII, 34. Quod suscitavit eum à mortuis, amplius jam non reversurum in corruptionem, ita dixit: Quia dabo vobis sanctam David fideliam. Cap. XXVI, 22, 23. asserit S. Paulus se nihil dicere extra ea, quæ Prophetæ ac Moses futura prædixerant. Istius prædictionis & suæ prædicationis quædam præcipua capita recenset, scil. CHRISTUM fuisse passurum, ac Primum ex resurrectione mortuorum lucem annunciatum huic populo. Sic Luc. XXIV, 25. Rom. I, 1, 2, 3, 4. Libertatem accipiendi stipendium pro labore Ministerii Evangelici probaturus Apostolus I. Cor. IX, 8. ait: Nonne etiam Lex hæc dicit? Scriptum est enim in Lege Moysi, Non alligabis os bovi trituranti; Nervus concludendi statim ex iis, quæ subjungit, elucescit. Ebr. XII, 26, 27. Quod Adhuc semel dicit, (Hag. II, 7.) declarat (διδοὶ manifestè ostendit) mobilium translationem, tanquam factorum, ut maneant ea, quæ sunt immobilia.

Usus hujus Hypotheseos etiam in Explicatione citatorum Prophetarum Textuumprehendemus.

Hypothesis Octava.

Utilis est Regula, ad illustranda multa Scripturæ loca, quod Prophetia S. Scripturæ dicitur & intelligitur impleri diversis modis. Inculcat hanc ipsam Summus Theologus

Octava: Impletur Scriptura diversis Modis.

H 2

Chemn.

Chemn. Harm. Evang. cap. 12. p. 249. seq. Sed de Numero & ratione istorum diversorum Modorum impletionis variant sententiæ. Vide Ib. & D. Glass. Exeg. Evang. Dom. post. Circumc. Christi. p. 864. seq. Kesler. Diss. de Alleg. Dict. V. T. Cap. V. & VI. apud Hacksp. in Sylloge. D. Calixt. Concord. Evang. lib. 1. cap. 12. p. 58. Scultet. Exerc. Evang. lib. 1. cap. 60. p. 157. it. lib. 2. cap. 10. p. 38. Rivet. in Ose. XI, p. 340.

Penfitatis omnibus in N. T. locis, ubi aliqua Scriptura dicitur impleta, possunt Modi isti in Classes Tabellâ hæc inclusas dispesci,

Tabella de Modis Im- pletæ S. Scri- pturæ.	Impletio Scripturæ est vel Repetita, vel ob	{ Literaliter. Num. I.	
		{ Vnica, quâ impletur sive	
		{ Mystice, in Antitypo, quod in	
		{ typo præfiguratum Num. II.	
		{ 1. Capitus & Corporis mystici consortium. N. III.	
		{ 2. Distinctum Facti Iudicium, Num. IV.	
		{ 3. Generale Effatum. Num. V.	
		{ 4. Simile Factum. Num. VI.	
		{ 5. Impletum Consecrarium. Num. VII.	

Quid sit
Impleri
Scripturam

Phrasis Impletur Scriptura, nonnullis videtur dicta per Metaphoram desumptam ab impletionem alicujus continentis per aliquam materiam, ita ut prophetiæ, minæ, & promissiones rerum futurarum velut adhuc vacuæ hient, donec adventu rei prædictæ illud vacuum repletâ mensurâ tollatur. Sed quum Matth. V, 17. hujusmodi Impletioni κατέλυσας Destructionem, non autem Evacuatio opponatur, & Sociniani istâ metaphoriæ ratione abutantur, (sc. quando statuunt, Christum implevisse Legem per nova additamenta) poterit simplicius illud impleri accipi pro perfici, absolvi, ut Act. XIII, 25. cap. XIX, 21. &c. quomodo etiam πεπληρωμένον dicitur perfectus Ioh. XVI, 2. XVII, 13. Coloss. II, 10. & cum Perfecto conjungitur. Col. IV, 12. Quando enim reipsâ præstatur, quod verbo dictum erat, tunc illud ipsum Verbum perficitur atq; impletur Effectu, Luc. I, 20. Ioh. XVIII, 9, 32. Sic I. Reg. II, 27. II. Chron. XXXVI, 20, 21. Hinc DEUS dicitur id, quod Ore locutus est, Manu, i. e. Opere implere. I. Reg. II, 15, 24. II. Chron. VI, 14, 15. Nec est, quod Erasmus annot. ad Matth. I. fol. 9. verbum Implendi in hac significatione refugiat, tanquam Latinis auribus ignotum: quum apud Ciceronem, Plinium, aliosq; probatos Autores ita occurrere Erasmus Schmidius & Beza annot. in N. T. benè animadverterint.

Quando

Quando *Vnicam* nomino *Scripturæ* impletionem, eam intelligo. ubi in uno *subjecto* (sive illud singulare sit individuum, sive plura uno nomine colectivo efferenda comprehendat, e. g. *Populus Israël*, *Gens &c.*) vel in uno *Facto*, vel simul in uno *Subjecto atq; Facto* illud impletur, quod *Scriptura* antea *vel Verbo* prædixit, *vel Facto* præfiguravit: Sicut e contra dicitur *Repetita*, ubi sæpius, & quidem in distinctis *Subjectis* illud fit, quod in *Scripturâ* extat.

I. *Sensu Literali* dicitur *Scriptura* impleri, quando id ipsum fit, de quo propriè illa loquitur. Exemplavideantur *Matth.* I, 23. *Cap.* IV, 14, 15, 16. *Cap.* XII, 17, 18. *Cap.* XXI, 4, 5. *Cap.* XXVII, 35. *Marc.* XV, 28. *Ioh.* XIX, 24. *Act.* II, 25. seqq. *Cap.* III, 22, 23. *Ebr.* I, 13.

II. Ad sensum *S. Scripturæ Mysticum* pertinet *Typus Historicus*, quando sc. *Personæ & Facta* in *V. T.* præfigurârunt ea, quæ in *N. T.* eventura erant. Dicitur itaq; impleri *Scriptura*, quando illud fit in *Antitypo*, quod scriptum legitur de *Typo*. Sic *Ioh.* XIX, 36. *Facta sunt hæc*, ut *Scriptura* impleretur, Os non comminuetis ex eo. Verba hæc de Agno Paschali scripta *Exod.* XII, 46. *Num.* IX, 12. dicuntur impleta in *CHRISTO*, qui est Agni istius *Antitypus*. *I. Cor.* V, 6, 7, 8. *Marc.* IX, 13. dicitur scriptum de *Johanne Bapt.* quod fecerint in eo quæcunq; voluerint. Explicant quidam de *Eliæ Typi* scriptis *Persecutionibus*. *Calixt. Concord. Evang.* p. 281. De loco *Matth.* II, 23. jam actum est *Cap.* II. in *examine Interp. Sextæ*. Sic etiam, cum ex ipso *N. T.* codice constet, quod *Jonæ* in ventre ceti delitescens, *Matth.* XII, 40. *XVI*, 4. *Serpentis ænei* erectio *Ioh.* III, 14, 15. *Nutritio* per *Mannam* de cælo *Cap.* VI, 32. seqq. *Promissio* de *Salomone*, qui *DEI* filius futurus fit. *Ebr.* I, 5. *CHRISTUM* ut *Antitypum* respexerint, benè de *Scripturâ V. T.* ubi ista narrantur, poterit dici, quod in hoc fuerint impleta, ut non expressè de illis ipsis utantur hæc phrasi *Scriptores N. T.*

III. Arcetissima est unio & communio *Christi* cum *Ecclesiâ* seu *Populo suo*, tanquam *Capitis* cum *Corpore* ejusq; *Membris*. *I. Cor.* XII, 27. *Eph.* I, 23. *cap.* IV, 12, 16. *cap.* V, 30. Ob hanc unionem, quædam sententiæ, quæ videntur loqui de *Corpore* ejusq; *Membris*, h. e. de *Populo DEI*, de *Ecclesiâ*, de hoc vel illo *Pio*, dicuntur etiam impleta in *CHRISTO capite*. Sic *Matth.* II, 15. *Erat ibi* (in *Ægypto*) usq; ad obitum *Herodæ*, ut adimpleretur, quod dictum est a *Domino*.

Fit

1. *Literali-*
*ter.*2. *Mysticè,*
*in Antitypo.*3. *per Capi-*
tu & Cor-
poru mystici
consortium.

H 3

mino

mino per Prophetam, Ex Ægypto vocavi Filium meum. Verba Ose.
 XI, 1. literaliter agere de populo Israel, quem Deus dilexerit, tan-
 quam Filium suum, & ex Ægypto eduxerit, totus clamat Con-
 textus. (Qui literaliter de Christo intelligunt, ut præter Euseb. lib.
 9. Demonstr. Evang. 4. f. 578. Franc. Junius & Rivetus comm. in Oseam,
 ostendere conantur, textum violentis applicationibus corrup-
 punt, reprehensiones in consolationes, narrationes præteriti in
 promissiones rei futuræ transmutant, ait Scultetus, Fidei ipsorum
 socius, lib. 1. Exerc. Evang. cap. 60. p. 153.) Et tamen rectè etiam di-
 cuntur impleta in CHRISTO Ecclesiæ ac Populi istius Capite, qui
 potiori præ Israël ratione ac Modo Dei Filius & à Deo Dilectus fuit
 eductus ex Ægypto. Quidam non inconcinnè hunc locum expli-
 cant per convenientiam Typi & Antitypi; quâ ratione ad præce-
 dentem secundum modum impletionis pertinebit. Quiaeductio ex
 Ægypto figura fuit Redemptionis à peccato & morte aternâ, idè per illud
 desertum puer Iesus in infantia peregrinatus est, per quod filij Israël ex
 Ægypto educti sunt in terram promissionis. Cumq; nostro loco legem subi-
 turus esset, transit loca illa, ubi Lex in Sinâ lata, ubi serpens in deserto
 exaltatus, ubi primum Pascha mactatum, & sanguine ejus postes aspersi
 fuerunt contra Angelum vastatorem, sunt verba incomparabilis D.
 Chemnitij Harm. Evang. cap. 12. p. 250. qui tamen verba Prophetæ lo-
 quentia de Membris ad Caput Christum applicata statuit. Hoc
 modo etiam nonnullæ sententiæ in Psalmis, quæ Davidem con-
 cernere videntur, in N. T. allegantur, ut impletæ in Christo. Conf.
 Ioh. XIII, 18, 19. cum Ps. XLI, 10. Ioh. XVI, 25. cum Ps. XXXV, 7, 19.
 Act. 1, 16, 20. cum Ps. CIX 8. (De Christo tamen rectiùs literaliter
 verba Psalmorum intelligi statuit celeberr. Dn. D. Gerh. Harm. E-
 vang. cap. 170. p. 1457. & cap. 178. p. 936. seq.) Vicissim, quæ Psal. II, 1.
 extra controversiam dicta sunt de conatibus Hostium adversus
 CHRISTUM Act. IV. ostenduntur impleta (utut ipsa vox impleti-
 onis ibi non usurpetur) non tantum quando Herodes & Pontius
 Pilatus contra personam ejus convenerunt, v. 27, 28. sed etiam,
 quando adversus Apostolos, Evangelij de CHRISTO præcones,
 meditati sunt proceres Hierosolymitani hostilia, in carcerem eos
 conjecerunt, & cum minis dimiserunt. Conf. v. 29. cum v. 2, 3, 15,
 17, 21. Qui enim Ecclesiam & Pios, ille etiam CHRISTUM, hujus Cor-
 poris & Membrorum Caput persequitur. Luc. X, 16. Act. IX, 1, 15.
 Col.

Col. I, 24. Postquam ex initio Psalmi persecutionem narrarunt, nunc precantur, ut, sicut Persecutio impleta est, ita DEVS, quod in Psalmo sequitur de irrisione, subsannatione & perturbatione eorum, qui Christum persequuntur, item de profectu Regni CHRISTI compleat, sunt verba Brentij Hom. 19. in Act. Apost. f. 43. 1. Adde II. Cor. VI, 2. ex Esa. XLIX, 8.

IV. Uti alias quædam Verba, quæ Fieri, Esse, vel Agere quid significant, quandoque non tam Essentiam vel Actum, quam ejusdem Notificationem significant, prout Dn. D. Glass. Gramm. sacr. lib. 3. tract. 3. can. 25. p. 250. plurimis Exemplis probavit: Ita etiam Scriptura dicitur impleri, & quando inibi dictum reipsa Fit, & quando illud Factum fuisse innotescit, atque per exteriora documenta manifestatur. Illustre hujus Modi Exemplum habetur in allegatione Scripturæ Gen. XV, 6. credidit Abraham DEO, & imputatum est ei ad justitiam. Quod hoc modo Abraham fuerit justificatus, quando adhuc incircumciscus credidit DEO promittenti semen, liquidò patet tum ex textu Mosaisco allegato, tum ex interpretatione Apostolicâ Rom. IV, 9, 10, 18, 23. Ex adverso Iac. II, 21, 23. asseritur illa Scriptura impleta, quando Abraham filium suum obtulit super Altare. At hæc filii oblatio longè post susceptam Circumcisionem, & vel XXX. annis insecuta est acceptam à DEO promissionem, cujus per fidem receptio ipsi tunc ad justitiam imputata scribitur Gen. XV. quando Isaac non tantum nondum oblatus, sed nec natus, aut nativitas ejus promissa erat. Ad eadem Scripturæ verba provocat S. Jacobus, ut probet, quod Abraham ex Operibus justificatus sit, quibus S. Paulus utitur ad obtinendum, quod Abraham non ex Operibus, sed ex fide justificatus sit. Rom. IV, 2. 5, 9-13. Pro tollendâ hanc *ἐν αὐτῷ φανεῖται* distingvendum est inter justificationem Abraham *Factam & Manifestatam*. De illâ S. Paulus loquitur; de hac S. Jacobus. Justitia ipsi imputata est, quando credidit; *Manifestata* autem, quando per Bona Opera, inter quæ Oblatio Filii eminebat, Fidem suam veram esse coram Homini- bus ostendit. Liqvet hæc interpretatio ex contextu S. Jacobi, qui vult ostendere, quod nuda Fidei professio aut jactantia non possit salvare, adeoque etiam non justificare, v. 14 17. sed quod veritas Fidei salvificæ ostendenda sit etiam Hominibus per Opera v. 18. Sicut igitur exemplo Dæmonum v. 19. evincit, Fidem veram atque integram absque Operibus non posse hominibus ostendi seu

4. per disti-
ctum Facti.
Indicium.

Iac. II, 21,
23.

seu demonstrari, ita è contrariō v. 21. seqq. exemplum Abrahami allegat, quod fidem suam ostenderit per Opera, quorum præcipuum fuit Filii oblatio *Ebr. XI, 17.* Hic ut ex Operibus veritatem suæ Fidei justificæ, ita etiam suam acceptam justificationem ostendit. Ex dictis patet, quod v. 23. itidem debeat intelligi de *Manifestatione*, quod fuerit in ipso *impleta Scriptura*: Credidit Abraham DEO, & imputatum est ei ad justitiam. Veritatem hujus interpretationis tum aliis insuper modis, tum ipsa Pontificiorum fassione probat Theologus præclarissimus *D. Hülsem. Harm. Apost. num. 93. p. 77. & n. 155. p. 153.* Scilicet Scriptura tunc maximè dicitur Impleta, quando Complementum ejus per insignem & evidentem quendam eventum plurimis innotescit, aut eventus ille sic comparatus est, ut ex eo saltem innotescere possit Dicti sensus & Veritas. *Act. XIII, 32, 33.* *Nos vobis annunciamus eam, quæ ad Patres nostros repromissio facta est: quoniam hanc DEVS adimplevit filius nostris, resuscitans IESVM, sicut in Psalmo secundo scriptum est, Filius meus es tu: Ego hodie genui te.* Sive ὁ υἱός μου ὁ υἱός μου intelligatur de Suscitatione ex mortuis, sive, ob collationem v. 22, 23. de excitatione & Missionem Filij, ut esset Salvator, certè non fuit tunc primùm ita impleta Scriptura Psalmi II. ut gigneretur, sed manifestatum est, quod ab æterno fuerit genitus DEI Filius. Filiatio est ab æterno, quando nulla adhuc extitit Scriptura: Ejus autem Manifestatio facta est tempore Incarnationis *Luc. I, 32, 35.* Ministerii *Iohan. I, 14.* Passionis *Luc. XXII, 70, 71.* Mortis, *Matth. XXVII, 54.* Resurrectionis *Rom. I, 4.* Ascensionis *Ioh. III, 13, 16.* subsecutæ Prædicationis Evangelij *Rom. I, 4, 5.*

5. per imple-
tum sæpius
Generale
Effatum.

V. Quando Scriptura generale quoddam documentum ponit, illud rectè toties impleri dicitur, quoties & in quibuscumq; illud fit. Exempla videantur in collatione *Matth. XIII, 14.* *Ioh. XII, 38, 41.* *Act. XXVIII, 25, 26, 27, 28.* *Rom. XI, 3.* cum *Esa. VI, 9, 10.* *Matth. XV, 7, 8.* cum *Esa. XXIX, 13.* *Ioh. XIX, 37.* *Apoc. I, 7.* cum *Zach. XII, 10.* *Act. I, 16, 20.* cum *Psal. LXIX, 25.* & *CIX, 8.* *Rom. IX, 29.* cum *Esa. I, 9.* *Rom. XI, 9, 10.* cum *Psal. LXIX, 22, 23.* *I. Corinth. I, 19.* cum *Esa. XXIX, 14.*

6. per simile
aliquod Fa-
ctum.

VI. Dicitur etiam Scriptura impleri per Simile aliquod Factum, quod cognitionem habet cum re præteritâ, quæ in citato Scripturæ loco describitur. Huc refertur à CL. Theologis, Chemnitio *Harm.*

Harm. Evang. cap. 12, p. 250. D. Mülleri Iudaismi lib. 3. cap. 3. p. 1337. seqq. & aliis locus Ierem XXXI, 15. allegatus Matth. II, 18. Quamvis alii Prophetæ vaticinium literaliter agere existiment de cæde Infantum Bethlemiticorum & in viciniâ, non autem de luctu super abductione X. Tribuum in Assyriam, vel etiam tribuum Juda & Benjamin in Babel, siquidem v. 1. cum cap. præced. v. ult. collatus ostendat prænuntiata ibi etiam fuisse, quæ eventura in Novissimis. Alia Exempla adducuntur ex Matth. XXI, 14. Marc XI, 17. Ierem. VII, 11. Matth. XIII, 35. Psalm. LXXVIII, 2. II. Cor. VIII, 14, 15. Exod. XVI, 18. II. Cor. XIV, 21, 22. Esa. XXVIII, 11. Collatio Exemplorum sub hoc & proximè præcedenti modo impletionis allegatorum ostendet, quod utraq; ad unam Classem faciliè reduci possint, sc. ad iteratam alicujus Generalis assertionis impletionem, fundatam sive in imitatione alicujus facti, sive in immotâ DEI sententiâ, semper benignâ erga Pios, semper aversâ ab impiis, ita ut, quocunq; tempore vivant, omnibus Pii gratiosus sit, reprehendat verò ac puniat omnes, qui priorum improborum peccata æmulantur.

VII. Cum probatum sit *Hypothesi Septimâ*, quod sub Scripturæ ambitu non solum intelligenda veniant expressè dicta, sed etiam implicita *Consectaria*, per bonam consequentiam inde eruenda, hinc eadem quoq; dicitur impleri, non tantum quando illud fit, quod expressè dicitur, sed etiam, quando unum *consectarium* inibi latentium evenit. Huc pertinet locus Matth. II, 23. Ut adimpletur, quod dictum est per Prophetas, Quoniam Nazareus vocabitur. Videantur, quæ de eodem superius dicta sunt in consideratione Sent. Quintæ. De Matth. VIII, 17. jam aliquid monitum est sub dictâ Hypothesi Septimâ. Quod Esaias proximè loquatur de Portatione Peccatorum nostrorum, quæ CHRISTUS in se recepit, tum ex clarâ assertionem v. 11, 12. tum ex propriâ significatione vocis צדק in se recepta bajulare Gen. XLIX, 15. Eccl XII, 5. Esa. XLVI, 4. tum ex antecedenti, quod est conjectio super eum & pœnæ v. 5. & culpæ v. 6. tum ex modo portandi, sc. ut vulneraretur & attereretur, v. 5, 6. moreretur v. 8. laboraret anima ejus v. 11. tum ex interpretatione Apostolica I. Per. II, 24. indubitatum est. Cum verò etiam Corporis infirmitates originem debeant Peccato, & ejusdem sint qsi. pedisse quæ, sequitur, quod earum quoq;

7. per Impletum Consectarium.

Matth. II, 23

Cap. VIII. 17.

quoque maledictionem Sibi imputatam pertulerit CHRISTUS, in quem omnia hominum peccata cum Omnibus inde promeritis pœnis coniecta sunt. Ut igitur hoc ipsum doceret, potissimum quidem in diebus carnis de Animabus per Remissionem Peccatorum sanandis fuit sollicitus: Sed tamen multorum agrotantium Corpora etiam sanavit, non tantum Morbi maledictione, sed & inhaesione sublatâ. Videatur *Matth IX, 2, 6, 8. Luc. IV, 18, 21, 35. Act. X, 36, 38. Chrysost. Hom. XXVIII. in Matth. f. 262.* Dicitur ab *Esaiâ* prædictum fuisse: Quoniam infirmitates nostras accepit, & agritudines nostras portavit. Non dixit, Dissolvit, sed Accipit atque Portavit: quod de Peccatis potius mihi dictum à Prophetâ videtur, ut cum Iohanne conveniat dicente: Ecce Agnus DEI, qui tollit Peccata mundi. Cur ergo, inquit, de Morbis aut agrotationibus id dictum Evangelista in h. l. scripsit? Certè aut Historicè testimonium Prophetæ accepit, aut subaperire voluit plurimas agrotationes ab animi peccatis originem trahere. Nam si Mors, quæ Morborum omnium fons est, à radicibus peccati pullulavit, quid mirum est si Agrotationes quoque multæ inde nascentur, unde vel ipsa agrotandi potestas egressa est. Etiam hic Chrysostomi interpretationem brevissimis indicat Epitoma-
tor ejus Theophyl. enarr. in h. l.

Hypothesis Nona.

Nona: Vaticinia de Ecclesiâ N. T. sunt etiam sub mentione Ierusalem & Iudææ.

Propheta multoties vaticinantur de statu Ecclesiæ N. T. sub prædictione felicitatis obventura Jerusalem & vicinis locis; quum & Ierusalem & Iudæa istius fuerit Typus ac Figura.

Cum hæc omnia in vulgus nota sint, exempla aut probationes allegare supervacaneum est. Occurrit huiusmodi prædictio etiam *Ierem XXXI, 38, 39, 40.* inferius alleganda.

Hypothesis Decima.

Decima: Interdum etiam prædicta Vaticinii alicujus figuratè propositi impletur.

Nonnulla Phrasibus figuratis in Scripturâ V. T. prædicta aut præfigurata in Novo aliqua ex parte animadvertuntur impleta etiam in proprio istorum Verborum sensu. Brevius: Aliquando non

67

do non tantum diavola, sed etiam partem alicuius
phraseos figuratè concepta impletum legitur.

Exemplo sit *Esa.* LX, 6. 7. ubi conversio Gentium ad Messiam
figuratè legitur descripta sub itinere in Camelis & Dromedariis,
sub adductione Pecorum ad Sacrificia. Et tamen in Magis, Gen-
tium ad CHRISTUM conversarum in N. T. primitiis, quoad pro-
prium sensum etiam fuit impleta ista oblatio Auri ac Thuris
Matth. II, 11. Conf. *Psalm.* LXXII, 10. Quod non tantum conve-
nientia sit Scripturæ de Israelitarum & CHRISTI ex Ægypto re-
ditu, indicatum est ad *Hypoth.* VIII. Num. 3. ex *Matth.* II, 15. sed e-
tiam, quod istorum Eductio fuerit Figura liberationis per CHRI-
STUM à Peccato, potestate Diaboli & mortis, & tamen etiam
coincidit ipsa itineris ac locorum ratio, quod CHRISTUS per
illud ipsum desertum, per quod Israelitæ in terram promissionis
ducti, iter susceperit ac loca ubi his Lex lata, ubi Serpens æneus
in Mortis antidotum erectus fuerat, transierit. *Vfus Hypothe-*
seos hujus apparebit etiam in explicatione textus *Ierem.* XXXI,
Cap. seq. Sect. IV. proponendâ.

C A P. IV.

Postremæ Interpretationis explicatio & Confirmatio.

Cum superius indicatum sit, maximè probabilem videri In-
terpretationem, quod S. Matthæus & *Zachariæ* locum addu-
xerit, & simul in citatione ad *Cap.* XIX. atq; XXXI. *Ieremiæ* respe-
xerit, ad ejus explicationem atq; probationem superest jam spe-
cialior consideratio tum textus Evangelistæ, tum utriusq; Pro-
phetæ.

Sectio I.

De Textu Evangelistæ. *Matth.* XXVII. 1-11.

Quia S. Matthæus historicam suam Narrationem præmissam
ex Prophetica Scripturâ deinde confirmat, idèò proficuum erit,
istius textus Analysis cum quibusdam notis proponere, ut tanto
facilius queat postmodum ostendi, ad quæ membra descriptio-
nis pertineant allegata Prophetarum scripta.

I 2

Pro-

CAP. IV.
Postrema
Interpreta-
tionis asser-
tio.

Sect. I.
TEXTUS

Matth.
XXVII. 1, 11.

De 1. Prodi- Proditus erat CHRISTVS: Proditor Iudas. Circa Proditum
 to CHRI- narratur Hostile tñm Consilium v. 1. cuius Tempus (Manè factó)
 STO, Ho- Autórum & Copia (Consilium inierunt Omnes) & Eminentia in sta-
 filo tu partim Ecclesiastico, (Principes Sacerdotum) partim Politico (&
 Consilium, seniores Populi) item Scopus Personalis, (adversus Iesum) Realis, (ut
 & Factum. eum morti traderent.) Tñm Factum v. 7. in Vinciendo, (& ligantes
 ipsum, ὁμοθυμαδὸν αὐτὸν) & Ducendo respectu termini A' quo, (Ab-
 2. Proditore duxerunt, sc. à suo Synedrio) Ad quem, (Tradiderunt eum Pontio
 Iudá, Pilato Præsidi, sc. Rom. imperatoris Vicario & Ethnico.) Sequitur
 de Proditore Iudá Historiæ Narratio v. 3-9. & Prophetarum alle-
 (1) Histori- gatio v. 9. 10. In Historicâ narratione agitur de Iudæ penitentiâ v. 3.
 ca narratio, 4. & pecuniâ v. 5. 8. Penitentiæ 1. causa πνευματικὴ fuit CHRI-
 de ejus STI condemnatio, (Tunc videns Iudas, qui eum tradidit, quod dam-
 Penitentiâ, natus esset, sc. ad mortem v. 1. penitentiâ ductus) 2. Signum Reale,
 oblatio accepti pretii proditorii, ad paciscentes, pro pacto ne-
 fario rescindendo. (Retulit triginta argenteos Principibus Sacerdo-
 tum & Senioribus,) Verbale autem fuit Confessio Culpæ tñm Ge-
 neralis (Dicens, Peccavi) tñm Specialis, indicans culpæ Actum, (Tra-
 dens. Sic v. 3.) & Objectum, (Sanguinem iustum. Ita habet Vulg. fi-
 cut & Regius Codex legit δίκαιον, quod v. 24. in omnibus legi-
 tur. Reliqui autem habent ἁθύν, insontem, innocentem, h. e. qui
 de jure nulli pœnæ est obnoxius. Sanguis autem accipitur pro
 homine occidendo vel occiso, quia istius cædes plerunq; fit San-
 guinis effusione. Sic v. 6. 8.) 3. Eventus fuit Desperatio, cuius
 (1) causa adjuvans censenda est responsio Procerum Judaico-
 rum, se eximentium, (At illi dixerunt, quid ad nos?) & ipsum absq;
 solatio rejicientium (Tu videris.) (2) Consequens, tñm respectu
 pretii propter quod scelus patravit, in desperationem ultimò
 definens. Hujus ex abominatione abjecti Modus, (Et projectis ar-
 gentis; scil. cum disruptione, quod πρὸς τὴν propriè notat, ut ex
 indignatione atq; fremitu, cum Pontifices & Seniores illud ad se
 recipere nollent, marsupium disruperit, adeoq; argenteos in ter-
 ram disjecerit) & Locus (in Templo,) tñm etiam respectu sui ipsius,
 secutus est abitus (Recessit & abiens, &c. Αὐτὸς ἔφη, secessit in
 locum solitarium, ex desperatione fugiens hominum consortia,
 atq; ne in proposito αὐτοχειρίας impediretur) & tandem miser
 interi-

interitus, (*Laqueo se suspendit, ἀπὸ λακῆς, strangulatus est.*) Sequitur de Judæ *Pecunia*, quam post se reliquit, quomodo fuerit. 1. *Accepta*, (*Principes autem sacerdotum acceptis argenteis, &c.*) Qui à Judæ illos recipere noluerunt, ne viderentur ad dimissionem CHRISTI per pacti rescissionem teneri, in Templum projectos receperunt, secedente ac se suspendente eorum Possessore.) 2. *Impensa*, v. 6, 7, 8. Indicatur hoc (1.) Negativè, ubi tùm ipsa Negatio (*dixerunt, Non licet eos mittere in Corbonam.*) tùm Negationis Ratio, (*quia pretium sanguinis est, h. e. hominis ad necem traditi, ut v. 4. nominatur ἡ τιμὴ τῆς πταισμῆς, v. 9*) (2.) Assertivè, ubi Antecedens Consilium, (*Consilio autem inito*) ipsum Factum, sc. Emtio, cujus causa Efficiens fuèrunt Principes sacerdotum, (*Emèrunt*) Instrumentum, XXX Argentei, (*ex illis*) Objectum, Ager (*agrum figuli*. Dictus est Figuli, ratione possessionis, quia ad talem pertinuit. Verisimile est, quod etiam ratione usus ad figulina opera, hoc nomen gesserit, sed argillâ aut limô jam omni exhausto inutilis redditus fuerit, adeoq; vili pretio licuerit.) Finis, (*in sepulturam peregrinis*, sc. natione Ethnicis, sed religione Judæis h. e. Profelytis, vel solis etiam Religiosis. De merorum enim Ethnicorum sepulturâ ipsos sollicitos fuisse non est verisimile, quum Ethnicæ potestati tunc subjecti non potuerint illos cogere, ut in loco à se assignato mortuos suos sepelirent. Nec Judæorum, utut peregrinâs habitantium, sed propter Templum & Sacrificia ad Jerusalem venientium ibiq; defunctorum funeribus locum, vel saltem in sepulchreto plebejo, cujus II. Reg. XXI 11, 6. 1er. XXVI, 23. mentio fit, eos invidisse credibile est. Cum verò Religiosos Gentiles, utut Religione consentientes, tamen ob exosam ex Gentibus nativitatem, & quod ad Leviticarum ceremoniarum observationem se non adeo obstringerant, quasi immundos adhuc habitos ex Act. X. 1, 2, 14, 15, 18, 27. appareat, de peculiari istorum sepulturâ fuèrunt solliciti. Forlan etiam locus horum sepulchris antea destinatus, sed jam satis repletus fuit, ut propterea alium coemere necessarium judicaverint. Consequens hujus emtionis est Agro impositum Nomen, cum indicatâ ejus Ratione & Duratione (*Quapropter vocatus est Ager ille. Ager Sanguinis, usq; in hodiernum diem.*) Quod hoc Nomen non inditum sit à Pontificibus, sed aliis, quibus ista historia innotuit, ex Act. I, 18, 19. colligitur.)

& Pecunia
tùm Ag-
ceptâ

tùm Im-
pensa.

Qui Pere-
grini h. l. ino-
telligendi.

(2) Prophe- tur.) Historica Narrationi subiungitur Prophetica Allegatio, v. 9.
tica allega- 10. ubi 1. Causa citationis, sc. animadversa eo tempore impletio
tio.

ἔλαβον.

τιμὴν quid.

A Filiis
Israel.

(Tunc impletum est) & 2. ipsa citatio (1.) Scriptorum, unius quidem sub Nomine proprio, (quod dictum est per Ieremiam,) Alterius autem sc. Zachariae sub Nomine Officii, (per Prophetam dicentem, &c. Vid. Cap. præced. Hypoth. 3. Ea enim quæ subjunguntur, potissimum leguntur apud Zachariam) (2.) Scriptionis, in quâ refertur 1. factum de pecuniâ (1. acceptâ, ubi & indicatur, quis acceperit, & quid acceperit quoad Numerum ac Materiam s. Metallum, (Et acceperunt Triginta argenteos. Græcum ἔλαβον, & potest esse tertia pluralis, significans Acceperunt, & Prima singularis Accepi, quomodo & Syrus vertit, & cum textu Zachariae congruit, ut seq. dicetur. (2. impensâ, sc. ad Usus geminum : Prior fuit Emtio Personæ, ubi Pretii in genere, & Emti, & Emtorum fit mentio (Pretium appretiatum, quem appretiauerunt à filiis Israël, τιμὴ proprie significat Honorem, à τίω Honoro; postea etiam pretium, quod aliquid ut pretiosum aestimatur. Sic etiam τιμάω, ὦ, honoro, adeoque in pretio habeo, magni aestimo. Quando igitur in textu emphaticè repetitur τὴν τιμὴν ἃ πειρημένον, ὃν ἐπιμήσαντο, magnitudo pretii & aestimii, quo CHRISTUS in istâ emptione aestimatus est, notatur, quamvis Ironicè, ut & res ipsa & textus Propheticus docet. Verba, A Filiis Israel, non inconcinne conjunguntur cum voce Appretiatum, ut sensus sit, Appretiatum à filiis Israel, quomodo apud Zachariam dicitur : Appretiatum sum ab eis. Hoc modo verba ὃν ἐπιμήσαντο essent quasi in parenthesis legenda. Alii combinant cū verbo Acceperunt. Aliis potius placet, statuere Ellipsin Articuli ὃς vel voculæ τινέσ & δὲ accipere pro ἐξ, hoc sensu: Quem aestimaverunt Quidam, vel, Qui sunt ex filiis Israel, sc. populi Israelitici Proceres. Confer. D. Glass. Gramm. (acr. tract. 2. can. 2. pag. 162. seqq. & lib. 3. tract. 6. pag. 538.) Alter pecuniæ usus fuit Emtio Fundi. Hic usus est descriptus mentione Emtorum (Et dederunt, Syrus legit, Dedi,) Pretii (eos, sc. XXX. Argenteos,) Fundi (in agrum) Venditoris (Figuli) Sequitur (2. facti mandatum (sicut constituit mihi Dominus.) Hæc Analysis Textus Evangelistæ ideo etiam in minutiores partes sic facta est, ut tantò facilius ex collatione cū textibus Prophetis animadverti possint varia membra, in quibus isti partim literaliter, partim typicè fuerunt impleti.

Sectio

Seçtio II.

De Textu Zach. XI, 12, 13.

Post vaticinium de diruendo *Pastorum ædificio*, h.e. Jerusalem
v. 1. 2. 3. subjungitur *Maleficio Pastorum* in Ecclesia & Politia tũm
Priorum v. 4. 15. tũm Posteriorum v. 15, 18. Priorum recensetur
multiplex *Peccatum* 1. respectu commissi *Gregis* v. 4. 5. Sævitia (*Pe-*
cus occisionis. Possessores earum interficiunt, scil. per lethiferam doctri-
nam aut tyrannidem) Avaritia, (*vendunt illas, sc. Oves,*) Hypocri-
sis, (*Quia, dicit, Benedictus Iehova, quod ditatus sum.*) Subjungitur
Pœna etiam *Gregi* imminens, ob complacentiam in istis *Pastori-*
bus v. 6. 2. respectu *Boni Pastoris* sc. CHRISTI, Hujus (1.) Actio, tũm
Misericordiæ, in pascendo v. 7. tũm *Iustitiæ*, in *Pastorum* succisi-
one, ob supinum sui contemptum. v. 8 omisã ulteriori passione
v. 9. Baculi jucunditatis confractio, v. 10, 11. (2.) Merces. Hic
itidem representatur *Judæorum tũm Culpa*, in malitiosã *Datione*
commissa, v. 12 per *Redditionem* verò exprobrata, v. 13. tũm *Pœ-*
na, v. 14. Sequitur de *Posteriorum Pastorum* culpã, typicè represen-
tatã, v. 15. malitiosè perpetratã v. 16. cum insecuturã pœnã v. 17.

Textus, quem Matthæus potissimũ respexit, est v. 12, 13. ubi
Dramaticè descripta est *Merces* 1. *Postulata* (1 à quibus: *Dixi ad*
eos. Pronomen *Eos* respicit non propinquius Nomen, sc. *Pauperes*
Pecorum, de quibus v. 11. (Hi enim Christum observabant, &
verbum Domini in eo agnoscebant, (sed remotius, sc. *Eos*, quo-
rum anima nauseavit in CHRISTO v. 8. (2. Quomodo. Alternativè
scil. ut ipsorum iudicio committeret, quid hac in parte æquum
aut iniquum sit. (*si bonum est in Oculis vestris, afferte mercedem me-*
am, & si non, quiescite.) 2. *Data*. Hic notatur *Pondus*, (*Et appen-*
derunt mercedem meam. Solebat enim pretium more prisco ap-
pendi ad stateram II. Sam. XVIII. 12. Ier. XXXI. 9. &c.) Nume-
rus (Triginta) *Materia*, seu *Metallum* (*Argenteos*) 3. *Repudiata* Ubi 1)
DEI mandatum (*Et dixit Dominus ad me*) In hoc Mandato expri-
mitur tũm *Opus* (*Projice illos*. Ebr. *illum*, ut referatur ad *וְשׁוּ* vers.
preced. quod nomen significans *Mercedem* etiam *Masculinè* usur-
patur Eccl. IV, 9. Ezech. XXIX, 18. &c. tũm *Scopus*, (*ad statuarium*,
וְשׁוּ) in genere significat quemcunq; *Formatorem* alicujus ope-
ris, E.g. *fabrum ferrarium & lignarium*. Esa. XLIV, 9. seqq. sæ-
pius autem de *Figulo* usurpatur II. Sam. XVII, 27. I. Chron. IV, 23.

Ierem.

71

sect. 2.

Textus

Zach. XI. de

Pastorum

1. Edificio.

2. Maleficio.

tũm Priorũ,

resp. Gregis.

& Boni

Pastoris.

tũm Poste-

riorum.

Speciatim

vers. 12. 13.

Dramaticè

indicatur

Merces

1. Postulata.

2. Data.

3. Repudiata.

Jerem. XVIII, 1, 2, 3, 6, 11. cap. XIX, 1, 11. Psalm II, 9. Esa. XXIX, 16. XXX, 14. XLI, 25. Thren. IV, 2. Aquila h. l. vertit $\omega\lambda\acute{\alpha}\gamma\eta\nu$, Evangelista $\kappa\epsilon\kappa\alpha\mu\acute{\epsilon}\alpha$, Figulum, adeoq; à l. XX. versione, quæ $\chi\omega\nu\epsilon\upsilon\tau\eta\epsilon\lambda\omicron\nu$ habet, ob dissonantiam à textu Ebræo recedens.) 2.) Prophetæ Obsequium, declaratum & Verbo & Facto. Verbum fuit Ironicum, quod & indignitatem vilipendii, & indignationem adversus ingratißimos contemtores exponit. (Decorum pretium, quo appretiatum sum ab eis. קָדָר Magnificientia pretij, quæ apud Matthæum bene redditur $\pi\iota\mu\eta$ Honorabile pretium, quo appretiatum sum ab eis. Conf. Sect. præced. In Facto indicatur Opus, quod attulerit (Et tuli triginta argenteos) atq; projecit, (& projecit illos, Ebr. הִנֵּן illum, ut referatur ad כֶּסֶף sicut supra) Locus (in Domum DEI, h. e. templum) Scopus (ad כֶּסֶף Figulum.)

Convenit cū
Evangelistæ
scriptione
i. quoad Rē,
de Pastorum
Maleficio,
resp. Gregis

Pro clariùs intelligendo hoc textu Prophetico, ejusq; cum citatione Matthæi consensu, imprimis observandum, 1. quod Cap. III. Hypoth. 5. annotatum est, in eodem contineri Visionem qf. in Dramate offensam, ubi Prophetæ Comædus diversarum Personarum verba & actiones partim recensuerit, partim repræsentaverit. Conferatur deinde hoc Symbolicum Vaticinium cum Impletione, & accuratissima deprehendetur consonantia. Populus Judaicus tempore CHRISTI erat vexatus & dispersus, sicut Oves non habentes Pastorem Matt. IX, 36. Nam Proceres Ecclesiastici ac Politici, qui Pastores ejus se profitebantur, iisdem se maculabant Peccatis, quibus Prophetæ ipsos v. 5. notaverat, sc. crudelitate in perdendo Matth. XXII, 15. & à salutaribus pascuis severè prohibendo, Matth. XXIII, 13. Ioh IX, 22. it. Avaritiâ. Matth. XXIII, 14. Luc. XVI, 14. Hypocrisi, in ipsis sæpißimè & deprehensâ, & reprehensâ, Matth. XXII, 18, 19. cap. XXIII, 5. seqq. &c. Etiam in ipsâ actione cum Judâ proditore, prout à S. Matthæo descripta est, animadvertitur ipsorum crudelitas, quod CHRISTUM, cujus innoxium sanguinem ipse Proditor coram ipsis professus erat, condemnârunt ad mortem v. 3. Peccatorem autem desperationi propinquum absq; ullo solatio reliquerunt. v. 5. Avaritia fuit, quod non nisi Triginta argenteos pro CHRISTO prodendo dederunt, quin & hos ipsos à Judâ projectos receperunt. v. 3. 5. Hypocrisis autem, quod prodicionem innoxii sanguinis nihil ad se perti-

73
 pretium Sangvinis v. 6. pro quo tamen effundendo omnibus vi-
 ribus tunc laborabant. Quomodo CHRISTUS se Bonum Pasto- & Boni
 rem Judæis exhibuerit, abunde testantur Evangelistæ, & in ipsa Pastoris,
 Passionis ultimæ historiâ ad hujus considerationem manuducit
 tum allegatio vaticinii Prophetici Zach. XIII, 7. Matth. XXVI, 31.
 tum CHRISTI professio ib. v. 55. tum ipsorum Hostium sarcas-
 mus cap. XXVII, 41, 42, 43. Inprimis circa pretium CHRISTI pro- Nominati-
 diti, ad quod S. Matthæus directe ac proximè hunc locum Pro- de Mercedis
 pheticum allegat, manifestus est consensus. Pretium appende-
 runt Procures Iudeorum, quorum anima nauseavit in CHRISTO, Datione,
 adeo quidem, ut de eo tollendo omnem moverent lapidem, cap.
 XXVI, 3. Datio Mercedis fuit ipsorum arbitrio relicta, Ib. v. 15, 16.
 Convenit exactissimè Pretii Ponderatio (Cap. XXVI. 16. ἐψηφον. Pondera-
 Est ea ipsa vox, quâ LXX. in loco Zachariæ expressere ψηφισ- tione,
 appendere. Nam verbum ἡψηφισατο, etiam usurpatur de ponde-
 ratione. Xenoph. Ped. 8. πρὸς δὲ ἀρ. ἡψηφισατο καὶ μετρήσας καὶ ἰσχυ-
 ρισατο πειράματα ἔχον. Hinc usitatissima pecuniæ Græcorum
 species σικληρ, sicut ψηφισατο siclus à ψηφισατο ponderavit, Στετικὴ
 ponderum scientia. Στάδριος Pensum, Στάδριον ponderare, & apud
 Latinos usitata vox Statera) Convenit Numerus & Materia, sc. Tri-
 ginta Argentei, cap. XXVI. 16. cap. XXVII. 3, 5, 6. Indignitas Facti,
 quæ & per Ironiam & Projectionem Pretii apud Prophetam ex-
 aggeratur, in eo sita est, quod Judæi, ii ipsi, apud quos CHRISTUS
 omnem curam Pastoralem impenderat, non tantum nullam ipsi
 gratiam aut mercedem rependerunt, sed ei contra, cujus ope ad
 occidendum eum usi sunt, tradiderunt Mercedem, & quidem vi-
 lissimam, scil. 30. Argenteos, quibus Mancipium per bovem cor-
 nupetam occisum æstimabatur. Exod. XXI, 32. Hæc Merces Judæ
 data etiam dicitur Merces CHRISTI, & Pretium Appretiatum: quia
 hoc ipso inito cum Judæa pacto testati sunt, quanti eum ejusque
 Pastoralem curam æstimarent. Quoad Mercedis istius repudiati- Repudiati-
 onem cuncta quoq; congruunt, quia Judas retulit 30. Argenteos, one.
 & quidem iis ipsis, à quibus acceperat, sc. Principibus Sacerdo-
 tum & Senioribus v. 3. Cum hi non statim eos reciperent, ne vi-
 derentur pactum rescidisse, allatos cum impetu atq; indignatione
 projecit, & quidem in Domum DEI seu Templum v. 5. qui postea
 Dati sunt Figulo sc. pro Agro emto v. 7.

K

Nec

*h. quoad
Verba.*

*non obstan-
te aliquâ
Omissione,*

Adjectione,

Mutatione.

Nec tantum quoad Rem ipsam optimus est consensus Sym-
bolica hujus Prophetiae cum Historia per Evangelistam descripta,
sed etiam quoad Verba, quae à S. Matthæo allegantur. v. 9. 10. ut
dicta per Prophetam. Ut hoc dilucidius appareat, omnino hic
recolendum est, quod *Cap. præced. Hypoth. 6.* de occurrente in hu-
jusmodi citationibus aliquâ *vel Omissione, vel Adjectione, vel Mu-*
tatione, dictum atque diductum est. Nam & hic occurrit (1) *Omissio*
verborum Prophetarum de postulata & appensa mercede, ite-
re de projectione ejus in Domum Domini tum mandata tum facta:
Quia pauca allegata fuerunt instar digiti ad fontem, ubi plenior
habetur explicatio. (2.) *Adjectio* Finis, cur Argentei dati fuerint
Figulo, sc. dederunt in Agrum s. pro Agro. Ideo autem hoc ad-
ditum est ab Evangelistâ, ut & per Jeremiam citationem, & per Agri
mentionem (cujus Zacharias non meminit,) apud Jeremiam doc-
ceret inquirere Scripturam de hujusmodi Agro, prout in Histo-
riâ eum describit. Quod Zacharias implicite dicit, *Projeci ad Fi-*
gulum, sc. ut darentur ipsi dicti argentei, id Evangelista exprimit,
Dederunt. *Appretiatum* apud Evangelistam illustratur per super-
addita verba *quem appretiauerunt.* 3. *Mutationum* distinctæ, quas
suprà numeravimus, species itidem hic occurrunt. Est quædam
immutatio *Ordinis*, ut quod apud Prophetam præmittitur, *Dixit*
Dominus ad me, apud Matthæum subjungatur: *Sicut constituit mihi*
Dominus. Est Mutatio *Verborum* per *aliorum substitutionem*, quando
אביון *Ab eis*, redditur, *A Filiis Israel.* Quos enim intelligen-
gos esse docet integer Prophetæ contextus, eos Evangelista ex-
pressè nominavit explicationis gratiâ & ad exaggerationem sce-
leris, quod ii ipsi, qui fuerunt ex filiis Israël, tam atrociam in Mes-
siam commiserint. Porro pro *Appenderunt Argenteos*; ponitur
Appretiauerunt eum: quia ista pecuniæ appensio ob CHRISTI ap-
pretiationem seu æstimationem facta est. Ad Mutationem Ver-
borum eorundem per aliam flexionem referendum est, quando
ἐλαβον vertitur in Plurali *Acceperunt.* Quando autem singulari-
ter exponitur, convenit cum *ἔλαβον* *Accepi.* Cum fermè omnes
illud *ἐλαβον* pluraliter vertant, ob sequens verbum *ἔδωκαν*
(quamvis & hic in singulari legat Syrus, & in Græco *ἔδωκα* legen-
dum esse contendat Piscator in comm.) pulchra tamen harmonia
est

est cum Prophetâ. Quia enim refert, quæ Dramaticè egerit, ideo de se in Primâ Personâ locutus est: Et quia hoc ipso propriè non suas, sed aliorum plurium Actiones futuras repræsentavit, ideo istis completis ad sensum ac mentem Zachariæ dicitur, *Acceperunt, Dederunt*. Sic etiam Verbum Passivum Primæ personæ, *Appretiatum sum*, Evangelista expresit per Participium & per Activum tertiæ Personæ, *Appretiatum, quem appretiauerunt*, sensu planè eodem. Ibi per Exclamationem & Ironiam: *Hic nudè resensetur*.

Sectio III.

De Textu Jerem. XIX.

Totius Capituli *Argumentum* est *Comminatorium* adversus Judæam & Judæos, potissimum verò Jerusalem, ejusque incolas. *Partes* duæ possunt constitui. In *Priori* est *Comminatio* per *Emblema Parabolicum* proposita & exposita v. 1, 14. In *Posteriori* autem nudis ac clavis Verbis prolata, v. 14. 15. *Prior* in Valle Hinnon coram Proceribus: *Alterâ* in Atrio Templi, coram Omni populo est pronunciata.

Emblema Parabolicum est Vasis apud Figulum emti in valle Benhinnon confractio, cui duplex addita est *Concio*. Vna respicit *Lagenam* integram; *Alterâ* verò *Confractam*. *Quoad Priorem* ponitur 1. *Protasis*, continens DEI mandatum de *Itione* tum ad Figulum v. 1. tum ad Vallem v. 2. *Scopus* itionis ad Figulum fuit emtio vasculi testacei. (בְּקִיבָה dicit Kimchi vas stricti orificii, quod bibente aut fundente homine sonet Bacchus. Derivatur à בָּקַבַּק *evacuavit*. Vid. v. 7.) *Testes* ad hunc actum adsciti, de Senioribus Populi, & de Senioribus Sacerdotum, quos etiam circa ea, quæ in Valle gerenda ac dicenda essent, præsentem esse voluit DEUS. Conf. v. 10. *Vallis* istius, ad quam eundem erat, indicatur Nomen, desumptum à pristino possessore, (*Vallis Benhinnon*) & Situs ante Portam Figulorum (Ebr. ad verbum: *Quæ apertio portæ Figulinæ*, id est, ubi aperitur porta, quâ itur ad officinas figulorum. Cum in Ebr. sit חַרְסֻרָה quidam deducunt à חָרַם quod Solem significat, & explicant de Portâ Orientali seu ad ortum Solis sitâ. Sed contextus ostendit, eam intelligi, quâ itur ad vallem Hinnon. Hanc autem versus Meridiem sitam fuisse probatur ex

K 2

Ios.

Sect. 3.

Textus

Jerem. XIX.

1. Literalis

Explicatio:

Proponit

Concionem

(1) Symbolicam, circa

Lagenam

tum Integram; ubi

Protasis.

10f. XV, 8. *cap. XVIII, 16*. Vel igitur dicendum, quod *Solaris* dicta
 fit, quia maximo Solis calori sc. meridiano exposita, vel cum aliis
 statuendum potius, esse permutationem literæ D pro W, quam
 etiam Pagninus in Lexico, & Buxtorf. in Concord. sub tit. *דָּוָד*
 ad *Iob. II, 8.* notavit, adeoq; appellatio deducta est à Nomine
דָּוָד Testa s. Fictile, quod hic etiam v. 1. habetur. Quia ante
 istam portam fuerunt officinæ Figulinæ, ideo Deus ipso indicati
 loci situ voluit Judæos commonere, quod cum iis acturus sit sicut
 Figulus cum luto, quod *cap. preced. XVIII.* per Emblemata exposi-
 tum docuerat.) Sequitur 2. *Apodosis*, in quâ Concionis tûm Man-
 datum v. 2. tûm Tenor v. 3. 10. ubi, post *Exordium* ad excitan-
 dam Attentionem, subiungitur *Prophetia* de Malo, quod passuri
 sint Judæi, *partim* in Valle istâ per Stragem, v. 3-7. *partim* in ipsâ
 Urbe Jerusalem per Excidium & antecessuram Famem tempore
 Obsidionis v. 9, 10. Malum in *Valle Benhinnon* obventurum descri-
 bitur prius in *Genere* quoad secuturum audientium pavorem. (*Eccle*
ego inducam afflictionem super locum istum, ita ut omnis, qui audierit
illam, tinniant aures ejus. v. 3. Indicatur maximam futuram esse
 pœnam, non toleratu tantum, sed vel auditu ipso horrendam.
I. Sam. III. 11. II. Reg. XX, 12.) item quoad antecedentes hujus Ma-
 li causas sc. peccata in isto loco commissa, nominatim idolola-
 triam (*Eò quod dereliquerint Me, & Alienum fecerint locum istum, &*
liraverunt, &c. Alienaverunt hunc locum per abusum ad cultum
 Deorum Peregrinorum. *Exod XX, 3. XXIII, 15. &c.* imitati Gen-
 tiles, qui *Alieni* dicti sunt propter divertum à populo Dei ortum
 & cultum. *Deut. XVI, 15. XXIX, 22. I. Reg. XI, 8.*) Homicidium
 v. 4. (*repleverunt locum istum sanguine innocentum.* sc. Liberorum,
 qui citra culpam suam ibidem immolabantur Molocho, *Cap. VII,*
31, Psalm. CVI, 37. II. Chron. XXVIII, 3. XXXIII, 6. Hos inno-
 centes DEUS *Ezech. XVI, 20.* vocavit *Filios suos*, utpote per Cir-
 cumcisionem spiritualiter regenitos) *Extractionem* Excelsorum
Baaliticorum v. 5. Locus Parallelus est *cap. VII, 31* *Postea in specie*
exponitur Malum Judæis ibi obventurum, sc. Bellica Clades, de-
 scripta tûm Appellatione, sc. Immutatione Nominis, ut pro *To-*
phet ac *Valle filij Hinnon* appellandus sit *Vallis Occisionis*, v. 6. (*Tophet*,
 vel à *תוף* Tympano dictum, quod tympanorum sonitu cavere-
 tur, ne liberorû comburendorum ejulatus audirentur, aut quod
 Choreas,

Choreas ad Tympani sonum in isto suo gentili festo agitent. Tale enim ad choreas usitatum instrumentum sonorum communiter ista vox denotat *Exod. XV. 20. Iud. XI. 34. 1. Sam. XVIII. 6. Iob. XXI. 11, 12. Esa. XXIV. 8. XXX. 32. Ier. XXXI. 4. Conf. Psalm. LXVIII. 26.* Alii habent pro Nomine Aucto, a rad. *חָבַל* Pulcher fuit, ut dicta fuerit *Amena vallis* Hæc postmodum appellanda fuit Vallis Occisionis, quia multi ibi erant occidendi v. 7. quin etiam in urbe periturorum cadavera ibi sepelienda v. 11. Locus parallelus est *cap. V. 11. 32.* Tum Enumeratione, quomodo unum alteri succedendum sit, scil. Evacuationi Consilii ipsa Occisio per Gladium, Occisioni insuper cadaverum insepultorum consumptio. Totius Pænæ *Causa Efficiens Principali* DEUS, *Instrumentalis autem* quoad Occisionem Hostes, quoad cadaverum consumptionem Bestiæ & Aves cœli nominantur. v. 7. (Non est frustranea observatio *Corn. à Lap. in h. l.* quæ etiam in *Bibl. Belg. Glossarij* extat, quod de evacuatione consilii usurpatur verbum *חָבַל* unde Nomen *חֶבֶל* Lagenula, quod v. 1. usurpatur, derivat Schindl. in Lexico. Sicut enim Vas illud, quod Propheta emerat, atq; in manibus gestabat, omni potu erat vacuum, solum aërem capiens: ita minatus est DEUS, se evacuaturo omnia Judæorum pro suâ conservatione consilia, ut quasi in aërem evanescant. De tali Evacuatione Animi in consiliis usurpatur *Esa. XIX. 3.* sicut de Evacuatione Regionis aut Urbis per exicidium hominum, *Esa. XXIV. 1, 3. Ierem. LI. 2. Nab. II. 3-11.* Malum super ipsam urbem Ierusalem venturum nunciatur, v. 8, 9. Hujus magnitudo proponitur æstimanda tum ex Prætereuntium (v. 8) interno stupore, atq; externo Sibilo admirationis & subsannationis indic. *Thren. II. 25. Zeph. II. 15. Iob. XXVII. 23.* (Est eadem comminatio, quæ v. 16. Capitis præcedentis, quod ratione Scopii cum cap. XIX. cohæret ac convenit. Sic stupor & sibilus conjunguntur. *1. Reg. IX. 8. II. Chron. XXIX. 8. Ierem. XXV. 9, 18. XLIX. 17. L. 13. LI. 37. Ezech. XXI. 36.*) tum ex incolarum actione, sc. devoratione carnis propriorum Liberorum & amicorum, ob famem ex hostili obsidione secuturam v. 9. (Notatu digna est *Pænæ* v. 7. 8, 9. descriptæ cum antegressâ *Culpâ* v. 4. 5. analogia. Peccârunt Judæi per imitationem cultus Peregrinorum, h. e. Gentilium: Per hos ipsos etiam puniti sunt. Ubi sanguinem innocentem effuderunt, ibi

K 3

ipso

ipsorum Sanguis iterum effusus est. In quâ valle occiderunt Liberos, ea facta est vallis Occisionis Parentum. Peccârunt crudeli immolatione Filiorum & Filiarum: Reducti postea sunt ad eas angustias, ut filios & filias pro cibo suo crudeliter mactarent. Dereliquerunt DEUM; ideo ab eodem derelicti sunt. Fecerunt suâ abominandâ immolatione, quod Deo nunquam in cor ascenderat: Fecit DEUS, ut nec in eorum cor postea ascenderet consilium, quo internecionem evaderent.

tum Confractam; ubi
Protasis
& Apodosis.

Altera Emblematica Concio respicit Lagenam Confractam, vers. 10, 11, 12, 13. Nam & hîc DEUS Prophetam docuit tum Protasiam v. 10. de Confractionis Actu, Loco & Testibus: Tum Apodosis, in quâ 1. ipsi actui confractionis, ut nequeat redintegrari, comparatur totalis perditio urbis ac Populi. (Conf. Esa. XXX. 14.) 2. Consequens hujus Actus, sc. Projectio testarum in vallem Tophet, accommodatur ad Projectionem Cadaverum ibi sepeliendorum. (Conf. cap. VII. 32.) 3. Loco, ubi confractum est Vas, nempe Valli Tophet dicitur similis futura urbs Jerusalem, quia & per ignem cremanda sit, quomodo infantes ibidem cremati, & similis fâtor ex multitudine hominum, fame ac gladio percuntium in urbe, qualis ibi ex immolatis abominandis sacrificiis, adeoq; par utrobiq; immundities futura. Quod enim loca, ubi cadavera jacuerunt, immunda habita fuerint apud Judæos, notum est. 4. Testes hujus confractionis adhibiti Seniores Sacerdotum & Populi, (Vid. v. 1.) representârunt universale futuræ pænæ Objectum, nempe Domus Ierusalem, h. e. Populi; Domus Regum Iuda, h. e. Procerum Politicorum; Omnes Domos, ubi ad idolatriam Sacerdotum ministerio usi sunt. v. 13. (ista Personarum puniendarum distributio adhuc clariùs proponitur in loco parallelo, cap. VIII. 1, 2, 3. Postquam enim in fine cap. VIII. de Tophet appellandâ Valle Occisionis de futurâ ibi sepulturâ, de cadaveribus per bruta devorandis eadem dixerat, quæ hîc v. 6. 7. 11. subjungit classes eorum, quorum cadavera projicienda sint ob eundem hic quoq; nominatum Astris exhibitum cultum idololatricum scil. Regum & Principum, h. e. Procerum Politicorum, Sacerdotum & Prophetarum, h. e. Ecclesiasticorum, & deniq; etiam promiscuè Civium, s. populi.)

(2.) Nudè
propositam

Concionis posterioris, quæ clavis ac nudis verbis proposita est, indicantur Circumstantiæ. 1. Tempus, nempe post reditum ex To-

79
Tophet. 2. *Locus*, Atrium Templi. 3. *Objectum*, Omnis Populus, v. 14. Sequitur ipsa Concionis *Summa*, in qua 1. *Propositio* Prophetica & comminatoria de plurimis malis super Jerusalem atq; omnes ejus urbes venturis. 2. *Confirmatio* à DEI Veritate, quia dixit, & ab ejus Justitia, vindicaturà Judæorum pertinaciam atq; inobedientiam. v. 15.

Præmissa observatione in *Cap. præced.* Hypothesi Quartâ propositâ, quod multæ in V. T. Historiæ etiam Typi ac Figuræ sint eorum, quæ post CHRISTUM exhibitum futura erant, ad hujusmodi classem referimus etiam Historiam *Ier. XIX.* descriptam, quæ simul fuit *Typus partialis* eorum, quæ in emtione Agri pro sepulturâ Peregrinorum factâ Matthæus *Cap. XXVII.* enarravit. Partialis dico, ne quis omnimodam & quoad omnia membra similitudinem requirat. Ut enim haud rarò plus est in Antitypo, quàm Typo: ita vicissim aliquando plus est in Typo, quàm Antitypo, Egregiè *Irenæus lib. 7. adv. hæreses cap. 40. n. 3. fol. 139.* Typus & imago secundum materiam, & secundum substantiam aliquoties à veritate diversus est, secundum autem habitum & lineamentum debet servare similitudinem, & similiter ostendere per præsentia illa, quæ non sunt præsentia. His præmissis ad eruendam Typi cum Antitypo convenientiam ex visceribus utriusq; Textus nostra laborabit opera.

Deprehenditur utrobique convenientia

I. *Personarum.* Narratur & à Jeremiâ & à Matthæo quædam *Emtio*. Personæ circa eandem occupatæ fuerunt ex parte *Emtoris*, præter Prophetam, Seniores s. Proceres tum Sacerdotum tum Populi. Repræsentavit autem Propheta hujus Ordinis hominum actionem, quomodo & ipsi in emendo occupati futuri essent. (Vide supra Hypothesin Quintam.) Convenit Matthæi relatio de Pontificibus & Senioribus Populi, qui post receptos argenteos de emtione consultârunt, eamq; effectui dederunt. v. 3, 7. Ibi consultabant Judæi de occidendo Prophetâ, *cap. præced. XVI. l. 18.* Quod istud consilium à Proceribus institutum fuerit, patet ex scopo Occidendi v. 23. cujus autoritas penes eos erat, non autem penes Vulgus. Quod eidem interfuerint etiam Primores Sacerdotum ac Legisperitorum, colligitur ex prætensâ causæ justitiâ, quod non pereat Lex à Sacerdote, & consilium à Sapiente, & Verbum à Propheta. Hic expressè nominantur Summi Sacerdotes & Seniores,

in convenientiâ

(1) Personarum, sc. tum Emptorum, occupatorum

circa eandem.

qui

80

qui consultarunt de occidendo CHRISTO, Prophetæ sc. Antitypo. (Collationis istius typicæ quædam membra recenset Corn. à Lap. Prolegom. in Ierem. f. 566. qvalia etiam apud Orig. hom. 1. in Ierem. f. 577. & Hieron. T. 2. Comm. in Ier f. 495. seqq.) Crimen Linguae (לשון חזק h. e. propter Linguam, quomodo ל aliquando accipitur) impingebatur Ieremie, quod contraria aliis Sacerdotibus, sapientibus & Prophetis, quos veros esse falsò jactitabant, doceret, adeoq; seductor esset. (Conf. cap. VI, 13, VII, 10, 11. XXIX, 21, 26. seqq.) Ita CHRISTO objectum fuit crimen Linguae in Doctrinâ Matth. XXVII. 63. in Blasphemiâ XXVI. 65. in Detractione autoritatis Pontificalis, Ioh. XVIII, 23. Juxta communissimam particulæ ל significationem alii exponunt, quod Judæi Linguâ, sc. suâ, voluerint percutere Prophetam. Sic Chald. Falsa testimonia testificemur contra eum. Theodoretus: Texamus contra eum Calumniam. Vatablus: Deferamus eum apud Judicem, ut perdat eum. Omnia ista tempore ultimæ passionis effectui dederunt Proceres Judæorum, teste etiam S. Matthæo: Quæsiuerunt enim contra ipsum falsa testimonia, & ipsi falsa testati sunt. cap. XXVI. 59, 60, 61. Detulerunt eum apud Judicem Pilatū, ut occideretur. cap. XXVII, 1, 2. Texuerunt contra eum Calumniam. lb. v. 12, 13. Coniungi possunt aliorum quoq; Evangelistarum narrationes. Ibi Consultores pessimam Prophetæ pro impenso officio referebant gratiam, de quâ conqueritur præced. cap. XVIII 20. Ita hi CHRISTO; quia loco debitæ mercedis pro officio Pastoralis non ipsi, sed Proditori, ut ad necem eum traderet, dederunt pecuniam, & quidem exiguam, ut tantò clariùs testarentur ipsius apud se vilipendium, de quo per Ironiam cum indignatione in personâ CHRISTI locutus est Zacharias, & in citatione simul meminit S. Matthæus v. 10. Sect. II. Ibi Seniores Sacerdotum & Populi non tantum in Emptione Vasis fuerunt præsentis, sed simul etiam in Agrum seu locum vallis, ubi vas istud confringebatur, exiverunt; ita ejusdem planè dignitatis homines etiam CHRISTI tempore occupati fuerunt circa agrum quendam, v. 7. & probabile est, quod ante emtionem exeuntes viderint, an Sepulturæ ibidem commodus sit locus. Stolidum enim est, Agrum priùs emere, & postea demum exire ad videndum eum. Luc. XIV, 18. Venditor utrobique fuit Figulus, quorum unus accepit pretium pro Vase. Ierem. XX, 1. alter

& Agrum.

rūm Venditoris,

alter pro Agro Matth. XXVII. 7. prout prædictum erat à Zachariâ, quod dandum sit figulo. Cap. XI, 13. Cum locus, in quo Jeremias testaceum vas confregit, fuerit extra Portam figulinam, adeoque propè officinas figulinas, (ut paulò post indicabitur,) nihil absurdum est, si existimetur, istum Agrum fuisse eius ipsius Figuli, à quo Lagenam emerat. Facile enim potuit hoc fieri divino instinctu, ut tantò magis etiam hac in parte conveniret typus cum antitypo.

II. Rei, sc. Agri. Quum circa finem *sect. præced.* ostensum (2.) Agri, sit, plurima in controverso loco Matthæi narrari, quæ per Zachariam (eius verba ex parte ab eo recitantur) prædicta sunt, nihil autem ibidem habeatur de Agro, quem Evangelista tamen repetitis articulis & nomine demonstrativo, utpote tunc temporis celebrem & omnibus notum, Act. I, 19. (τὸν ἀγρὸν τῆς κεραμείας v. 7. Agrum illum Figuli, quomodo Beza & Schmidius in Annot. reddiderunt, atq; ita omnino reddendum docuerunt, ὁ ἀγρὸς ἡκεῖν. v. 8. εἰς τὸν ἀγρὸν τῆς κεραμείας v. 9. Sic Act. I, 19. τὸ χωρίον ἡκεῖνο) considerandum proponit, ex citato nominatim Jeremiâ ille ipse querendus. Describitur apud Prophetam Agri seu Campi, in quo vas Figulinum confectum est, tum Situs tum Nomen tum Usus.

(I. Situs. Ante Portam Figulorum, in valle Benhinnom v. 2. ubi Topheth, v. 6. 10. seqq. versione vocis תחתית quod figulinum s. testaceum noter, ac de Situ hujus portæ ad Austrum jam dictum est in analysi textus Prophetici. Ratio Nominis vix alia potest commodior aut probabilior dari, quàm quod prope eam habitaverint Figuli, (sicut in Naucræte multi erant Figuli, à quibus propinqua Porta vocabatur Ceramica. V. Zwingl. Theatr. Vol. 19. lib. 3. f. m. 3238. ex Athen. lib. 9. cap. 9.) qui extra civitatem plerumq; fornaces pro coqvendis vasis habere solent, it. quod fragmenta vasorum fictilium extra eam projecta fuerint. Ita Rabbi Samuel, Lyra, Hugo, Corn. à Lap. & alii. Addit cum Lyrâ & aliis Franc. Junius quod tractus ille fuerit argillaceus, adeoque figulinæ accommodus. Huc etiam collimat textus, quod Propheeta ad vallem Benhinnon iturus qf. in transitu apud Figulum emerit Lagenam, v. 1. 2. Vallis Benhinnon ita dicebatur à pristino possessore, & urbi Jerusalem erat Australis.

L

Ios.

quoad

1. Situm,
Austroalem,
penes Figu-
lorum fun-
dos.

Probatur

1. ex con-
cesso Agri
Sangvinis
situ in Valle
Australi.

Ios. XV, 8. XVIII, 16. in hac valle erat lucus, & in eo Excelsa s. fa-
cella & altaria idololatræ. *Ierem.* VII, 31. XIX, 4, 5. XXXII, 35.
II Reg. XXIII, 10. Hinc colligitur, eam latè fuisse extensam;
Quod Ager iste emptus pro Sangvinis CHRISTI pretio, vel ille ipse
fuerit, in quo Jeremias Lagenam confregit, vel tamen eidem vi-
cinus, haud paucis probatur documentis. Nam 1. Unanimiter
fatentur omnes quod hic Ager Sangvinis fuerit situs ad Australem
partem Civitatis Hieron. T. I. lib. de locis Ebraicis ad Acta Apost. f. 1440.
Hodiè quoque demonstratur in Eliad Australem plagam montis
Sion; & hæcenus juxta Iudæorum consilium mortuos ignobiles
alios terra tegit, alios sub dio putrefacit. Beda T. III. lib. de Locis
sanctis. c. 4. f. 49. T. V. in Acta f. 920. Baron. T. I. Ad. Ann. XXXIV. n. 17.
ex Brocardo, Nicephoro, Bidenbachio, Saligniuro, Adrichomio
in descript. Ierusalem n. 216. 173. Qvaresmius Elucid. Terræ S. T.
II. Lib. 4. cap. 18. f. 39. Corn. à Lap. in Matth. f. 557. Biblia Ernestina
in Explic. Tabulæ hujus urbis. n. 208. Gerhard. Harm. de Pass. cap. 8. p. 357.
Ravanel. Biblioth. Sacr. T. I. f. 967. & alii. Convenit igitur cum loco
vasis à Propheta confracti, qui extra Portam Australem in Valle
itidem Australi Benhinnom fuit. Nec est, quod exinde nimis
generalem in situ convenientiam aliquis objiciat: Siquidem ob-
præcipitium montis Zion nulla versus Meridiem alia fuit Urbis
Porta, præter hanc ipsam & angiportum forsan subterraneum ex
Regiâ arce, per quem & Zedekias & postea milites in obsidione
conati sunt effugere. II. Reg. XXV, 4, 5. *Ier.* XXXIX, 4. LII, 7. Cum
igitur Angiportus iste non fuerit via publica, ubi ad officinas fi-
gulinas, adeoque etiam ad vallem Benhinnon ire, aut etiam demor-
tuorum peregrinorum corpora ad sepulturam efferre licuerit,
consequens est, ut cum Adrichomio & aliis Urbis Ierusalem To-
pographis & Vallem Ben-Hinnom & Agrum Sangvinis statua-
mus sitos ante Portam fermè in extremitate lateris Australis ubi
haud procul Orientale incipit, extructam. Huc referendum,
quod D. Chytr. Onomast. Theol. tit. Gehennom, Vallem istam urbi vi-
cinam ob amplitudinem versus Orientem ac Meridiem, Biblia
Ernestina d. I. n. 280. ad latus Meridionale, sed quodammodo ad
Orientale declivem. Bunting. Itiner. S. Script. lib. 1. f. 5859. Vallem
in lævâ Meridionalis plagæ, adeoque propè Orientalem, Agrum au-
tem Hakedama propè istam Vallem statuatur. 2. Ager iste à Mat-
thæo.

2. ex Appel-
latione Agri
Figuli.

83

thæo Ager Figuli nominatur, non tantum ratione *Possessoris*, ad quem pertinet, sed etiam ratione pristini *Vsu*, quia ibi fuerat terra apta ad faciendum vasa fictilia, ut bene advertit *Lyra & Fr. Iunius in h. l.* nec abnuat *B. Gerh. Harm. de Passione cap. 8. p. 356.* sicut quilibet Opifices locum suo labori *manuario idoneum*, vel etiam ubi materia, quæ utuntur, sufficit, eligere solent pro habitatione, e. g. Pistorum plateam civitatis panem vendendo opportunam *Jerem. XXXVII, 21.* Periti in cædendis lignis Libanum, ubi cedrorum & abietum erat abundantia. *I. Reg. IV, 6, 8, 9.* Piscatores, Retiarii, Piscinarum fossiores, ubi aquæ piscibus fecundæ, *Esa. XIX, 8, 9, 10. Ezech. XLVII, 10. Matth. IV. seqq.* Fullones campum aquæ vicinum, pro commoditate lotionis & Solis radiis simul expositum, pro exsiccatione lotarum vestium; qualis fuit Ager Piscinæ superiori irriguus, ad Meridiem urbis situs *II. Reg. XVIII, 17. Esa. VII, 3.* Coriarii itidem ad commodationem aquæ in emendis aut ædificandis domibus respiciunt *Az. IX, 6.* ita Figuli communiter locum suburbanum, ubi non tantum excœctoriæ fornaces securius incenduntur, sed simul, si terra fert, argilla atque limus effoditur, Cum igitur Argilla maximè amet loca declivia, & ex *Jer. XIX.* constet, quod Officinæ Figulinæ vel prope vallem Ben-Hinnom, vel in ea ipsa, ut ad Figulum laborantem super rotam descenderit Propheta *Jerem. XVIII.* fuerint extructæ (Assentientem habemus *Corn. à Lap. in Jer. XVIII, 2.*) & ab his Porta vicina nomen sortita sit, argillaceam ex parte terram fuisse conjicitur, cui accessit ex situ ad Meridiem commoditas pro exsiccandis ante coctionem fictilibus. Talem autem commoditatem etiam in reædificatâ urbe observatam, adeoque Figulum, cujus Matthæus meminit, tali in loco habitasse, ac pro materiâ opificii sui Agrum illum habuisse, nulla veri specie poterit negari. Si quis enim censeat, Agrum frugibus aut pascuis aptum fuisse, quem venderit, perpendat quomodo pretium *XXX. Argenteorum* respondere possit vendito agro (1) per hypothecam assumptam, adeo fertili. (2) amplo, ut Peregrinorum maximo numero ad Jerusalem contententium, si ibi morerentur, sepulturæ sufficeret, cujus medium duntaxat S. Helenam quatuor muris longitudine 72. latitudine vero 50. pedum fecisse includi refert Adrichomius, (3) Non amplius in Jubilæo ad instar aliorum Agrorum juxta Legem *Lev. XXV, 15, 27, 28.* pristino possessori vel ejus hæredibus restituendo,

sed ad perpetuos sepulturæ usus destinato. Si igitur juxta annorum ad Jubilæum usq; vel majorem vel minorem numerum Agrum ad usum fructum concessi majus aut minus erat pretium, *Lev. XXV, 16.* maximoperè illud fuisset auctum in perpetuà abalienatione, si de Agro quodam adhuc fertili contractus esset initus. Movit hæc ratio *Baronium ad An. XXXIV. n. 17. 18.* ut quælibet XXX. Argenteorum pro Librà argenti acciperet; quem tamen, præter alios, etiam celeberrimus *D. Gerhard. Harm. Evang. cap. 168. p. 118 1.* & ex propriis Sociis *Svarez comm. in 3. Thom. Quæst. 46. art. 8. Diss. 34. Sect. 1. f. 336. a.* refutavit. Benè autem respondet ex illo prodictionis pretium pro Agro, qui effossus jam omni argillâ & projectis in eum testis vasorum fictilium totus infæcundus atq; ad alios usus præter sepulturam ineptus erat factus. *V. B. Gerb. d. l.* Etiam Athenis erat Locus suburbanus, à Figulino appellatus *Κεραμειος*, in quo sepeliri solebant, qui in Bello occubissent. *V. Senert. Paralip. Exoter. p. 215.* 3. Ex Collatione cap. XVIII. & XIX. nova quædam emergit probabilitas quod & Ager iste, in quo Jeremias lagenam confregit, fuerit Figuli s. Figulinus. Cohærentiam enim & suprà quædantenus attrigimus & ulterius ostendit commune utriusq; Argumentum, scil. Comminatoria adversus Judæos concio sub *Emblemate*, quod à Figulo desumi voluit Deus. *Cap. XVIII. 2. seqq. Cap. XIX. 12. 10. 11.* ita tamen, ut propter lamentabilem super pervicaci Judæorum malitiâ querelam *Cap. XVIII.* tùm DEI v. 12-18. tùm Prophetæ v. 18. seqq. propositam, Capite XIX. crescat Oratio & Comminatio. *Cap. XVIII.* cum Figulo ejusq; actione monstratâ comparaverat suam tùm Potestatem & Libertatem agendi cum Judæis pro libitu v. 5. 6. tùm Voluntatem erga Malos intractabiles, ut perdantur, sicut prius Vas, quod formaverat Figulus v. 7. erga Pœnitentes autem mutet actionem ad benefaciendum, sicut Figulus priori vase corrupto illud suâ manu reparavit ad beneplacitum, v. 8. 9. 10. 11. Sed cum ob extremum DEI & sui contemptum rogasset Prophetæ, ut cum ipsis ageretur in furore, hanc ipsam, quoq; pœnam DEUS representavit sub emblemate Figulino, sed tali, quod gravissimū atq; irreparabile exitiū Judæorum iis ob oculos poneret; cui explicando magnoperè servit sententia, quod ipse etiam locus, ubi vas confractum est, fuerit Figuli. Opponuntur *Cap. XVIII.*

3. ex collatione Jerem. XVIII, & XIX.

85

& XIX. *diverse actiones circa Figulum. Ibi describitur Prophetæ ingressus: Hic Egressus. Ibi in Domum: hic in Campum s. Agrum v. 2. quem itidem Figuli fuisse putamus. Ibi vidit Figulum: Hic emit vas à Figulo. Vidit laborantem: Emit Vas labore confectum. Ibi materia fuit tractabilis, sc. argilla adhuc mollis atq; uda; Hic autem indurata prius in Sole, postea per coctionem in fornace. Ob materiam tractabilem Vas corruptum instauravit per aliam formationem opifex: Vas autem quod deinde Prophetæ emit, semel confractum nulla humanâ industriâ potuit denuo formari. Ibi explicatio Emblematis ponitur, quod sicut Figulus materiam adhuc tractabilem post primam corruptionem tamen reparavit; ita DEUS Judæos, ut per plurimam culpam & calamitatem corruptos, tamen nolit extremo tradere exitio, dummodo instar argillæ adhuc mollis paterentur se reformari ad poenitentiam v. 5-12; Hic e contra interpretatio confracti Vasis est, quod sicut post excoctionem in fornace confractum non potest instaurari, ita DEUS Populum Judæum contriturus sit, ut qsi. in frustra comminatur, neq; ullo humano auxiliô juvari possit. v. 10. 11. (ob induratum cervicem v. 16. cujus Consequens est Contritio instar Vasis testacei. Conf. Prov. XXIX, 1. ubi & idem verbum קִשְׁקִשׁ induravit; quod hic v. 15. & שָׁבַר confregit, quod hic v. 10. 11. de Confractione Vasis testacei ad denotandam populi atq; Urbis confractionem usurpatur. Bene hujus Comminationis augmentum animadvertit Chrysost. T. 5. Hom. ad Bapt. f. m. 733. Quando Prophetæ monstrabat, Judæos cum Civitate supplicis extremis traditos, & nullum eis remedium promittebat, jussit accipi Vas Fictile, & ante omnem confringere populû, & dicit: Quia ita Civitas peribis. Quando autem spem eis pollicetur, Prophetam ad Figuli Vas adduxit, & illi non ostendit Vas Fictile, sed Argillam ei in manibus positam demonstrat Artificis, quæ etsi ceciderit, reformatur tamen. Ideo sequitur dicens: Si iste Figulus, ait, hoc Vas lapsum iterum renovat, non multò magis Ego vos potero lapsos corrigere? Quum verò etiam ante Confractionem lagenæ Prophetæ jussus sit concionari, & totus contextus ostendat, illam Concionem v. 3. 10. itidem fuisse Emblematicam, ostendat sufficientem atq; congruam ejus Protasin, qui ab ipsius Loci conditione petitam vel negat vel negligit. Admitto eam, cujus supra memini, de Evacuatione consilii v. 7. sicut vacua fuit empta Lagenæ: Sed an virtutem representatæ comminationis plenè exprimat, judicet Lector.*

L 3.

Cul-

Culpam ibi exaggeratam fuisse digitis monstrato presenti Valle BenHinnom & Tophet, ubi maximè abominandam commiserat Populus idololatriam, loquitur textus v. 4. Cum autem Pœna non tantum in ista valle v. 7. sed etiam in ipsa urbe v. 8. 9. Judæos pressura fuerit denunciata, *Emblema hujus prioris Concione comminatorie inquirendum erit.* Sicut in Alterâ Concione circa confractiōem Vasis Explicatio subjuncta est tūm Actus ipſius, qvōd ita DEUS velit conterere Populum ac Urbem, tūm Dispersiōis testarum, cui projectio Cadaverum comparatur, tūm Loci, ubi confractum est, qvōd se. secuturâ istâ contritione in ista Valle cadavera sepelienda, & ipsa Urbs æq; ac Topheth immunda futura sit. v. 11. Ita in priori Pœnæ prædictione rationem Loci habitam & â Prophetâ expositam esse nō ampliùs videtur dubium. Fatentur nonnulli interpretes, qvōd ipse exitus per Portam Fictilem v. 7. fuerit monitorius de actione DEI cum Judæis, sicut Figuli cum Luto aut Vase suo. Multo magis ad institutum facit Locus specialis, qvem non transit duntaxat, sed in qvo Prophetâ cum assumtis testibus substitit, ut in proprio itineris ac concionis loco per DEI mandatum expresse, sc. in valle Hinnon, ubi non tantum locum idololatriæ, sed etiam Officinas Figulorum fuisse ex haud obscuris indiciis suprâ probatum est. Scilicet, sicut aliàs *Scripturam Propheticam DEVS non tam scribi quàm agi voluit*, adhibitis affectibus, gestibus, locorum, personarum, &c. circumstantiis (de qvo piè ac eruditè monet D. Frantz. de *Interp. Script. Orat.* 13. p. 266. & *Orat.* 56. p. 340. seq.) ita imprimis h. l. ut tantò efficacius qſ. omnia ob oculos poneret, DEI jussu locum suæ Concioni accommodum elegit, ubi exertâ manu aut digito Judæi & commissam monstraret culpam, & pœnæ rationem. Ego mihi Emblematicam Concione ita propositam imaginor, qvōd Jeremias, postqvam Judæis proposuerat atq; explicaverat Emblema Figuli instaurantis Vas corruptum, Cap. XVIII. & postea exprobraverat pertinacem malitiam, qvâ DEI erga se benignitatem intervertebant, Seniores Principum ac Sacerdotū, utut sibi insensissimos adſciverit testes suæ actionis & dictionis. His præsentibus postemptum à figulo vas inter eundem de Figulo & Portâ fictili sumptâ occasione indicavit, qvōd spreto ab ipsis nupero Emblemate Figulino, indice divinæ benignitatis aliud nunc ostensurus sit itidem Figulinum, sed severissimæ atq; irreparabilis pœnæ typum, Hinc medius consistens in valle.

Hinc

Hypoty-
pofis Con-
cionantis
Jeremia.

Hinnom inter Topheth atq; officinas vel Agros etiam Figulinos, facie primò ad urbem retroversâ Proceres ac Cives, ac si præsentes essent, alloquens altâ voce clamavit : Audite verbum Domini, Reges Juda, & habitatores Jerusalem. Postmodum manu dextrâ ad Topheth exertâ monstravit Locum, super quem Deus inducturus sit Malum, ita ut cujusvis audientis aures superinde tinniant. (Forfan & hunc tinnitum, condylo digiti incurvati vacuum pulsans lagenam, quam in manu habebat, repræsenterat.) Deinde facie magis ad Topheth reflexâ digitis ostendit hæc, illa, ista Ecclesia, Altaria ad suffitus, ad holocausta, hunc illumve locum effusi Sanguinis innocentis, quæ omnia cum maximâ indignatione intuitus est & enarravit. Porro vultu ab urbe rectâ averso expansâ utrâq; manu non Topheth saltem, sed totius Vallis Benhinnom & confinii tractum ostendens vaticinatus est de clade, propter quam universus iste Campus dicendus sit Vallis occisionis. Monstratâ Lagenâ vacuâ prædixit similem Evacuationem omnis consilii pro evadendo malo. Demonstratis circa Officinas atq; Agros figulinos testis de Vasibus vel ad Solem vel in fornace fractis aut vitiatis sub dio jacentibus prophetavit, quod multi etiam ex Judæis ibi percutiendi atq; occidendi, ut corpora ipsorum instar testarum plurimarum ex fractis Vasibus residuarum sub dio jaceant. Cum II. Reg. XXIII, 10. Josias dicatur polluisse Topheth in valle Benhinnom, forsan itidem per projectionem cadaverum ex sepulchris idololatrarum effossorum, quomodo aliorum Excelsorum pollutio ibid. v. 13. 14. describitur per equorum mulorumq; cadavera aliasq; fordes eò projectas (*Schindl. Lex. Pentagl. sub N. f. 286. Biblia Belg. Gloss. in l. c. Conf. II. Reg. X, 22.*) omnes autem interpretes consentiant, hanc prophetiam Jeremiæ aliquot annis post dictam esse, hinc conjicitur, quod insimul ostensis quibusdam ossium ibi jacentium reliquiis & fætido quodam fimeto prædixerit, pari modo plurimorum Judæorum cadavera ibi prostrata fore, à brutis devoranda, & cum ob copiam citò consumi omnia nequeant, putridum fætores exhalatura, carne autem vel per bruta vel per putredinem consumptâ in loco isto residua mansura esse ossa, in præteritæ stragis monumentum. Hinc iterum vultu ac manu ad urbem conversis similem ex Obsidione ac Fame secuturam perditionem denunciavit. v. 8. 9. Cum verò nota Prophetæ esset Judæorum Fiducia in urbe munitissimâ, quæ licet ali-

aliquando occupata, denuo tamen ita reparata sit, ut vel planè non expugnari, vel pari modo instaurari, ac Populus in recepto suo cultu (utut maximè idololatrìco) firmiter servari, possit, ideo hanc fiduciam atq; pertinaciam ipsis exprobravit, ostensà priùs bene formatà & ex coctione duritiem quandam mentiente Lagenà, quam deinde opinione citiùs valido atq; sonoro ictu in plurimas confregit testas hinc inde dispersas. His ostenfis cùm assumpti Testes vel ad hoc etiam requisiti negarent, vel à se vel alio homine ex his Testis pristinum vas redintegrari posse, applicationem atq; explicati-onem, monstratis iterum, & Testis & Urbe & Topheth, emphaticè addidit. v. 11. seqq.

2. Nomen 2. *Nomen.* Hic duo observanda sunt (1) *ipsum Nomen*: De pri-
 1.) *quod* *stino* Nomine Locì, ubi Propheta figulinum vas confregit incertum
impositū, quidem est, an speciale fuerit in usu, à Possessoribus aut vicinis of-
*Pristi-*ficinis Figulinis desumptum; sicut vicinus Ager ob similem causam
num, Fullonis dictus est, II. Reg. XVIII, 17. Sed hoc saltem in confesso est,
 quod *ad Vallem Benhinnon* pertinuerit, adeoq; sub generali hoc no-
 mine simul comprehensus v. 2. 6. 10. Quod autem Ager pro mercede
 proditorià Judæ emtus fuerit sub priori appellatione *Agri Figuli* eo
Adscitum tēpore, quo emebatur, notissimus, haud obscurè colligitur ex textu
 Evangelistæ v. 7. 10. *Adscitum* autem ex memorabili quādam histo-
 rià Nomen, quod Jeremias prædixit, Matthæus factum recensuit,
 ex asse convenit. Prædixerat ille, quod Campus iste appellandus
 sit *Vallus Occisionis*. v. 6, Hic agrum refert nominatum *Agri Sanguinis*,
 sc. per Occisionem effusi, v. 8. Conf. v. 3. 4. 6. *Ad*, I, 19. usita-
 tissimum enim est, ut *Sanguis* notet *Cadem* Gen. XXXVII, 26. Num.
 XXXV, 33. Deut. XIX, 13. I. Sam. XXV, 26, 33. II. Sam. III, 27, 28 &c.
 Græci Interpretes Nomen Loco imponendum in textu Jeremiæ red-
 diderunt *πλῦνδριον τῆς ταφῆς*. *Πολυάνδριον* ad verbum signi-
 ficat locum, ubi multi viri sunt, Ab Hesychio Adjectivè dicitur
πλῦνδριος τὰ φθ, & explicatur *πολυχώρητος*, qui multos ca-
 pit. Substantivè autem τὸ *πλῦνδριον* apud Suidam explicatur
κενοτάφιον Sepulchrum, Monumentum, Locus Sepulturæ destina-
 tus. Hujus significationis Exempla ex *Eliaño & Nazianzeno* alle-
 gavit *Henr. Steph. Lex. Græc.* T. I. f. 437. b. quæ imitatus *Lactantius*
Epit. div. Instit. p. m. 754. locum ubi corpora mortuorum con-
 gerenda sint, *πλῦνδριον* vocandum dixit: Sic quoq; LXX Inter-
 pretes

*πλῦν-
δριον
quid.*

pretes Ebr. נַחֲלֵי Vallis reddiderunt Πολυάνδριον, ut Nomen Vallis Hinnon, *Ierem.* II, 23. XIX, 2, 6. ubi sepulchretum occisorum dicitur futurum. v. II. it: ut Nomen Vallis, ubi Exercitus Gogi sepeliendus *Ezech.* XXXIX, 11, 15. *Hierom. T. II. comm. in Ier. II.* exponit Sepulchrum multitudinis, in *Ezech.* XXXIX. Sepulchrum plurimae multitudinis. Dicitur juxta hunc ipsum Patrem Vallis Hinnom πολυάνδριον, quia populus ibi corruit, & caesa est hominum multitudo, vel spiritualiter in errore idololatriæ, vel juxta literam à Babylo- nio exercitu. Pro alterâ voce τῆς ταφῆς Sepultura Biblia Weche- liana Græca annotant, in quibusdam haberi τῆς σφαγῆς *Mactationis*, quod convenit cum Ebr. תַּחֲנוּךְ & consuetudine Græcorum inter- pretum, qui aliàs semper תַּחֲנוּךְ vertunt σφαγὴν *Ier.* XII, 3. *Zach.* XI, 4. 7. præter hunc locum, & in Parallelo prorsus *Ier.* VII, 32. ubi תַּחֲנוּךְ נַחֲלֵי redditur φάραγξ τῶν ἀνηρημένων, Barathrum, Præcipitium, (interdum etiam Vallis *Luc.* III, 5.) Sublatorum ad se- peliendum. Quod enim ἀναρῶμαι hanc significationem interdum habeat, *Hen. Steph. Lex. T. I. f. 128.* pluribus docuit, atq; eam innuisse dicto loco Græcum interpretem docet contextus, & verba sequentia, ἡψον ἐν τῷ ταφῆ. Respexerunt igitur hi Interpp. ad Consequens cædis, h. e. sepulturam, cui usui deputandus sit iste locus: Adeoq; hac ratione conveniunt cum Matthæo, qui Agrum dicit comparatum ἐς ταφὴν v. 7. (2.) Impositionis Ratio. Apud Pro- 2.) *Phetam* ratio Nominis dicitur desumenda ex Cæde Iudæorum per imposi- Hostes v. 7. Docet autem collatio cum v. 4. 5. quod hæc etiam in *tum*, parte *Pæna* respondere debuerit *Culpæ*. In istâ valle exercuerunt cultum Alienorum Deorum, quem ab Alienis (prout Gentes resp. Iudæorum hinc inde nominantur) didicerant. Hinc Propheta ait, quod alienaverint locum istum, quia dereliquerint DEUM, & adole- verint in eo Diis alienis, quos non noverint ipsi & Patres eorum & Reges Iudæ v. 4. Quos igitur habuerunt in culpâ duces, iis iusto DEI iudicio usus est DEUS ad puniendum, ut caderent in gladio coram inimicis suis, & in manu quærentium animas ipsorum, v. 7. Tales inimici erant Gentiles, nominatim Babylonii, *Alieni* & *Alieni- genæ* dicti. Quod Latina vox *Hostis* olim significaverit *Peregrinum*, qui suis legibus uteretur, postea verò lenitate verbi mitigante rei

M

tristi-

tristitiam, ita dici cæperit perduellis seu inimicus, post *Cic. l. 1. Offic.*
 & *Varronem lib. 4.* notavit *Ambros. T. I. lib. 11. Offic. cap. 29. f. 18.* qui
 addit Ebræos etiam adversarios suos appellasse *Alienigenas*: Exem-
 pla habentur *II. Sam. XXII, 45, 46. Esa. I, 7. LXII, 8. Ierem. VI, 12.*
Thren. V, 2. Ezech. XI, 9. Obad. v. 11. Hi etiam *Ebr. XI, 34. Αλλοτρίων*
 nomine veniunt, Ratio appellationis generica est propter alienum
 planè & adversum animum, cui respectu Judæorum accessit insu-
 per Specialis, ob diversum à Gentibus ortum, adoptionem atq; cul-
 tum. Antea Vallis Hinnom revera fuit *Vallis Occisionis, Ager Sangvinis*,
 quia repleverunt locum istum Sangvine innocentum, h. e. libero-
 rum, quos Moloch sacrificaverant. *v. 4. 5.* Pro vindicandâ hæc
 cæde injustissimâ eodem in loco justissimè effusus fuit Sangvis ta-
 lium hominum idololatricorum, & quidem numerosâ cæde, ut ex-
 inde Vallis Occisionis mereretur dici. Ratio Nominis, cur Ager
 Figuli in Sepulturam à Judæis Proceribus emtus dictus sit *Ager San-*
gvinis s. *Akeldama*, ex contextu *S. Matthæi, & Act. I, 16, 18, 19.* ap-
 pareat. Scilicet hîc quoq; Nomen ortum est ex commissâ *Culpâ ef-*
fusi Sangvinis CHRISTI. Cum enim Judas pro 30. argenteis spopon-
 derit prodicionem innocui Sangvinis CHRISTI *Matth. XXVII, 3.*
 qui per mortem, ad quam condemnatum eum videbat, jam effun-
 dendus erat, ibi ideo pactum illud prodicionis pretium appellatur
Pretium Sangvinis. v. 5. adeoq; etiam Ager isto pretio Emtus Ager
 Sangvinis *v. 8.* Patet exinde, quod h. m. ratio vera Loci in Typo &
 Antitypo exactè conveniat. Ibi fuit *Vallis Occisionis* propter Sangvi-
 nem innocentem effusum (*LXX. ἐπέλησαν τὸ πόντον τῶν αἱμάτων ἀθώων*) Hîc itidem *Ager Sangvinis* propter CHRISTI Sangvi-
 nem innocentem effusum; qui iisdem planè verbis, quibus *LXX.*
ap. Prophetam utuntur, exprimitur, sc. per *αἷμα ἀθώων v. 5.* Ibi
 Filii, quorum Sangvis effusus est in sacrificium, fuerunt *Filij DEI*
 & DEO generati, sc. per Circumcisionis Sacramentum, adeoq; ado-
 ptionis gratiam. Ideo super hoc scelere Judæorum conqueritur
Ezech. XVI, 20, 21. Immolasti Filios meos. Hîc est Sangvinis *Filij DEI*,
 qui talis est per naturam & æternam generationem, *Conf. Matth.*
XXVI, 63, 64. cum Cap. XXVIII, 4. I. Ioh. I, 8. Sicut effusio Sangvinis
 innocentum liberorum olim in Judæis vindicata est cæde atq; effu-
 sione Sangvinis eorum, qui hujusmodi flagitii vel actores vel ap-
 probatores fuerunt *Ier. XIX, 6, 7.* ita hîc sangvis Filii DEI innocens
 à Judâ

Respectu
Culpæ,

& Pæne.

à Judà traditus, à Judæis autem ad effundendum postulatus, quoad reatum poenæ venit super Judæos, prout malitiosè in se receperant *Matth. XXVII, 24, 25.* & super Judam per proditorium pactum effusionis hujus adjutorem, ut reus violentà morte moreretur, qui ad occidendum innocentem condixerat suam operam, v. 4. 5. Ex hoc etiam Judæ interitu, adeoq; *ex Penâ* commissam culpam insecutà factum esse, ut *Ager Sangvinis* diceretur, qui antea Figuli, statuunt nonnulli Interpretes: Et quidem *vel* duntaxat ob violentam mortem, quâ perit, qui pretium procuratæ alterius cædis retulerat, quod in agri istius emtionem postea impensum est, ut statuit Arias Mont. apud Walæum com. in libb. N. T. Hist. super *Aët. I, 19. p. 1025.* seq. *vel* quod eodem in loco se Judas suspenderit, ac postea sepultus sit, quorum meminit Lyra in *Aët. I, 28.* & consentientem se profitetur Heinſius in Exerc. N. T. p. 244. seq. Quamvis autem de loco suspendii aut sepulchri Judæ res sit valdè dubia, tamen contextus *Aët. I, 18, 19, 20.* haud obscurè indicat, etiam ex horrendo Judæ interitu Agrum istum Nomen traxisse. Ita enim ibi: Is (Judas à maleficio v. 16. & pristino officio v. 17. descriptus) *acquisivit Agrum ex mercede injustitiæ, & præcipitatus crepuit medius, & effusa sunt omnia viscera ejus, innotuitq; omnibus habitantibus in Ierusalem* (scil. idipsum, quod præcesserat de ejus horribili morte) *adeò ut* (propter hunc ipsum quoq; eventum, cum aliàs de Christi Sangvinis innocentis effusione hîc nihil expressum fuerit) *vocetur, Ager ille propriâ ipsorum lingua Aceldama, h. e. Ager Sangvinis. Scriptum est enim in libro Psalmorum, Fiat commoratio ejus deserta.* Sicut igitur apud Prophetam dicta & Vallis occisionis, ob cædem eorum, qui innocentem Sangvinem antea effuderant: Ita hîc Ager dictus Sangvinis, non tantum, quia pretium emtionis antea erat pro Sangvine CHRISTI datum, sed etiam, quia is, qui pretium istud acceperat, maximè tragicâ morte perit.

3. *Vsus.* De tractu loci, ubi Ieremias Lagenam à Figulo emtam confregerat, cum additâ interpretatione, constat ex textu Prophetico, quod *Vsus* ejus partim fuerit, partim futurus prænunciatur *Immundus* 1. *Moraliter*, per crimen idololatriæ & infanticidium, ibi commissum v. 4, 5. Adde v. 13. Hoc ipso enim pollui dicuntur non tantum ii, qui committunt, *Psalm. CVI, 39. Ezech. XX, 7. 18, 31. 32. 44. XXII, 3, 4. XXXVII, 23.* (nominatim in Valle istâ Ierem.

M 2

11, 22.

3. *Vsum,*
sc. *Im-*
mundum.

II, 22, 23.) sed etiam Loca, ubi committuntur. II. *Chron.* XXXVI, 14. *Psal.* CVI, 38. *Ier.* III, 2. XVI, 18. XXXII, 34, 35. *Ezech.* V, 11. XXXVI, 17, 18. *Amos* VII, 17. 2. *Ceremonialiter*, per Cadavera, quæ ibi conspicienda ac sepelienda prædixit Ieremias v. 11. ita etiam *cap.* VII. 32. Quod exinde immundities contrahatur loco, etiam ex contextu v. 11. 12. 13. liquet. De Cadaveribus sub dio jacentibus vel pendentibus, quod terram polluerint, nisi tempestivè sepelirentur, videatur *Deut.* XXI, 22, 23. *Ezech.* XXXIX. 14. 16. Si nudo Sepulchri contactu talis impuritas contracta est *Num.* XIX. 15, 16, 18. utiq; pro Leviticè immundo loco illud habitum est. 3. *Naturaliter*, per Cadavera, quæ ibi relinqvenda essent in bestiarum atq; volatilium escam v. 8. Talia enim putredini citò sunt obnoxia, vermibus scatentia, in saniem liqvescentia, & pessimè fætentia, ut nausæ sint omnibus *Esa.* LXVI, 24. Quomodo antea Iosias Rex per ossa, per cadavera, per alias sordes istam Vallem polluerit, superius jam indicatum est. Quod etiam *Ager Figuli* inservire debuerit *Usui* apud Iudæos *Immundo* habito, apud omnes in confesso erit. Destinatus enim fuit *Sepultura*, & quidem *Peregrinorum* h. e. Religiosorum ex Gentibus, quos itidem adhuc pro immundis Iudæos habuisse *Scilicet* I. *hujus* *Cap.* probatum est. *Pollutos* censebant Pontifices ac Seniores Populi XXX. istos *Argenteos*, quia ad pretium prodendi Sangvinis antea impensi erant, adeoq; indignos, qui arario Templi inferrentur, unde postmodum ad sacros erogarentur usus. Hinc ipsorum verba vers. 6. *Non licet eos mittere in cerbonam, quia pretium Sangvinis est. Consilio autem invito ex eis emerunt Agrum illum Figuli*, (quem effossâ jam argillâ & projectis in eum testis nulli nunc amplius ulteriori usui futurum superius monitum est) *in sepulturam Peregrinorum*. Ita scilicet ex *Argento immundo*, quod erat pretium CHRISTI, ipsis maximè *abominabilis*, emerunt Agrum ad alios usus ineptum, in *immundum usum*, sc. *Sepulturam*, & quidem *Peregrinorum Gentilium* itidem pro immundis habitorum. Huic emtionis successit etiam Nomen infame, ut ob proditi Sangvinis innocui scelus, & maximè tragicam proditoris necem diceretur *Ager Sangvinis*. Ad lavam Vallis Hinnom, adeoq; etiam hujus Agri, ab Oriente versus Meridiem decurrit Torrens Kidron, qui ipsam quoq; interluit, in mortuum mare se tandem exoneraturus, Quod propterea prope hunc locum *Torrentem* fuerit, *Sepulchretum Plebejorum*, inter quos

non

23

nonnulli peregrino idolorum cultu se contaminaverant, colligere licet ex II. Reg. XXIII. 6. II. Chron. XXXIV. 4. Vicinissimum à Lavâ huic Agro Sepulchrum Zachariæ intra Templum & altare occisi ponit Adrichomius, à Dextrâ verò Assyriorû castra, in quibus 185000. per Angelum fuêrant percussî, II. Reg. XIX. 37. Esa. XXXVII, 36. qui Peregrini fuêrunt, & in eodem loco forsan cadavera eorum terrâ fuêrunt obruta, in typicum præludium Peregrinorum in isto tractu aliquando sepeliendorum.

Ad rationem Typi & Antitypi CL. Glasius Philol. sacr. l. i. tract. 2. p. 200. propositâ Sanctii interpretatione sufficere putavit Analogiam inter Agrum Figuli & Agrum à Ieremiâ emtum (cap. XXXII.) in his duobus, quod uterque cesserit Peregrinis, & hic Figuli dictus, illius autem emti monumenta in vase Figuli fuerint reposita, ut ut quædam esse contortiora, ac duriusculam esse analogiam non potuerit diffiteri. Sed plurimis modis clarior hic est Typi & Antitypi ratio, ubi fermè omnia tam exactè conveniunt,

Schematicus
conveniens
Typi & Antitypi.

Emtores

Seniores Sacerdotum & Populi Judaici
consultantes de occisione

Jeremiæ Typi,

CHRISTI Antitypi,

per

falsa testimonia

delationem apud Judicem,

calumniam

in

objecto crimine Lingvæ contra alios Doctores pro legitimis habitos

adeoq;

pesximam pro debitâ mercede referentes gratiam.

Actus horum fuerunt

Emtio

per Prophetam representata, per Evangelistam recitata.

Itio in Agrum,

Venditor, Figulus, qui pretium accepit.

Ager idem

Ratione Situs

si non ad punctum Mathematicum, tamen ad vicinissimum tractum,

ante Portam Figulinam,

M 3

in.

in valle Ben-Hinnon,
 fundo argillaceo,
 ad officinas figulinas,
 ubi
Testæ ex vasis contractis.
Nomen Loci
Vallis Occisionis, Ager Sanguinis
 ob
Culpam effusi sanguinis innocentis
Filiorum DEI per gratiam, Filij DEI per Naturam,
& Pœnam Sceleris,
Mortem scil. Violentam
Iudæorum, Iudæ.
Vsus Immundus ad sepulturam,
& quidem Peregrinorum, quoad
Adscitam Religionem, patriam Regionem
Iudæorum ad Ethnicismum delapsorum, Ethnicorum ad Iudaicam
Ecclesiam converforum.

Sect. 4.

Textus Ier.

XXXI. 38.

39. 40.

Explicatur,

Sectio IV.

De Textu Jerem. XXXI. 38, 39, 40.

Satis jam officio nostro defuncti in explicando Prophetico, quem S. Matthæus indigitavit, Typo, hoc unū adhuc agemus, ut, quandoquidem objici posset, illius Ierem. XLX. propositi scopum totum esse Incepatorium & comminatorium, quum tamen emti in Sepulturam Peregrinorum Agri pro Sanguinis CHRISTI pretio Solatium quoque petant Mystici ejus Interpretes, investigemus Scripturam, an alicubi etiam textus inveniri possit, ubi loci istius antea polluti sanctificatio & per Messiam consecratio prædicta. Talem igitur producimus ex Ierem. XXXI. 38, 39, 40.

Argumentum totius Capituli est Consolatorium ex Beneficiis Messie, quæ partim Typicè sub involuero corporalis auxilii & rerum externarum, partim per metam Prophetiam proponuntur. Sicut spiritualis Redemptio per liberationem ex captivitate Babylonica v. 2. seqq. Perpetuitas & Certitudo Fæderis Gratiæ per continuum Astroꝝ Officium, Maris fluxum & refluxum, Cæli terræque impossibilem mensuram atque investigationem modi consistentiæ v. 33. 36. 37. Ita in allegatis versibus 38, 39, 40. sub descriptione Jeru-

Jerusalem (Vid. *Hypothesin IX.*) promittitur *Ecclesie N.T. ædificatio*, *Quoad*
dilatatio, sanctificatio & conservatio. Variæ quidem sunt de hujus vel
 illius loci in & circa Jerusalem situ sententiæ, quas decidere diffi-
 cilimum, in aliquibus etiam haud possibile videtur. Sed post ju-
 dicia ex Scripturâ S. petita Villalpandum præ aliis studebimus se-
 qui in explicandis istis, quæ Jeremias typicè nominavit. *Quod*

Turris Hananeel prope Portam Ovium & Turrim Meah fuerit ex-
 tructa, apparet ex *Neh. III, 1.* plenius adhuc aliquid de situ ejus
 licet colligere ex *Neh. XII, 3 1-4 1.* si juxta delineationem Villal-
 pandi etiam in Bibliis Vinariensibus expressam, (juxta Adricho-
 mium enim mira hîc statuenda esset oberratio) distincta duorum
 Chororum, ex parte Occidentali, Templo directè oppositâ, ad
 dextram Portæ Stercorum, h.e. inter hanc & Turrim Furnorum
 v. 38. disposita processio expendatur. Prior enim Chorus venit su-
 per murum in dextrâ ad Portam Stercorum v. 3 1. (itidem occi-
 dentalem, sed lateri Australi viciniorem) unde perrexit ad Por-
 tam Fontis, deinde in latere australi ascendit gradus Muri civi-
 tatis David, procedens usq; ad Portam Aquarum ad Orientem
 v. 37. quæ Templo fuit Vicina. Alter autem Chorus ex adverso v. 38.
 ambulans itidem in latere Occidentali fecit initium eundi super
 muro ad Turrim Furnorum. Sed cum prior Chorus primò ad
 lævam versus Meridiem pergeret, & per latus Australe ad Orien-
 tale procederet, usq; dum juxta Portam Aquarum Templo vici-
 nam de muro descenderet, idq; ingrederetur, Hic alter Chorus
 ex opposito ad dextram de Turri Furnorum Occidentali ad la-
 tum Murum, & postea in parte Boreali Portam Ephraim Vete-
 rem atq; Piscium prætergressus juxta Turrim Hananeel in angulo
 utriusq; plagæ ædificatam à Septentrione ad Orientem iter de-
 flexit, à Turri Hananeel ad Turrim Meah, ab istâ ad Portam Pe-
 corum, & ab hac ad Portam custodiæ, ubi de Muro descendens
 itidem ingressus est Templum. *Porta Anguli* s. Angulorum dicta *Porta An-*
 est, quia in Angulo lateris Occidentalis & Septentrionalis fuit *guli.*
 ædificata. Quod ab hac usq; ad Portam Ephraim (in latere Sep-
 tentrionali situm (fuerit longitudo 400. cubitorum, notum est
 ex II. Reg. XIV. 13. II. Chron. XXV, 23. in eâ Turrim (Psephinam
 dictam) ædificavit Uzias cap. XXVI. 9. *Collis Gareb*, non procul à *Collis Gareb.*
 Portâ Anguli versus Occidentem situs nomen habuit à scabie,
 quæ

1. Nomina
Locorum.

Turris Ha-
naneel.

qvæ ²⁷ dicitur *Lev. XXI, 20. XXII, 2. Deut. XXVIII, 27.* quia
 ibidem Leprosi & ex scabie impuri, secundum Legem urbe exclu-
 si, habuerunt suas habitationes. *Goba* non à Villalpando tantum,
Goba. sed Lyrà etiam, Adrichomio, Corn. à Lap. & aliis habetur pro
 Golgathà, itidem sita ad Occidentem Civitatis, ubi facinorosi ul-
 timò afficiebantur supplicio. *Vallem Cadaverum* nonnulli habent
 pro loco cædis Assyriorum, de quâ *II. Reg. XIX.* Alii pro valle
Verum, & Cinerum. Hinno, ob cædem ac combustionem Liberorum ita dictâ. Vil-
 lalpandus autem & Adrichomius exponunt Vallem inter Gol-
 gotha & moenia Jerusalem, in quam cadavera, ossa & cineres fa-
 cinorosorum vel igne vel aliter sublato fuerint projecta:
 Quamvis istorum prope civitatis mania projectio minùs videat-
 ur probabilis. Cum addatur, ædificandam esse *Vallem Cadaverum*
 & *Cinerum*, & *universam regionem* (Vox Ebræa usurpatur de Agris
 campestribus frugiferis urbi vicinis *Deut. XXXII, 32. II. Reg.*
Torrens Kidron. *XXIII, 4. Habac. III, 17.*) usq; ad torrentem Kidron, ad angulum usq;
Porta Equorum Orientem versus, nihil decedit sensui Prophetico,
Porta Equorum. quam sententiam de Valle Cadaverum & Cinerum sequamur.
 Totum enim à Colle Gareb & monte Golgathà Occidentali tra-
 ctum, per latus Australe, usq; ad Orientalem Portam Equorum,
 Templo & ædibus Sacerdotalibus vicinam *Neb, III, 27.* etiam lo-
 cum cætorum Assyriorum, Montem Eroge, & Montem & Agrum
 postea Hakeldama dictum, ut & Vallem Hinno comprehen-
 dere nemo ibit inficias. De omnibus locis hætenus enumeratis
 Propheta vaticinatur, quod futura sint *Sanctitas DOMINO*, h. e.
 quod maximam partem antea impura, ac pro immundis habita,
 sacris Deoq; placentibus usibus cessura sint, & quod *Domini Civitas*
non sit evellenda, neq; destruenda ultra in seculum v. ult. Quod omnia
 hæc beneficia ortum debeant venturo Messia, ipse illius Capitis
 contextus manifestè indicat.

2. *Sensum*
Prophetiæ.
 (1. *Nega-*
tivè.

Inepti sunt, qui hanc Prophetiam ex asse implendam in ter-
 renâ Jerusalem opinantur. Notum enim est ex Nehemiâ, Iosepho
 & aliis, quin & ipsi Judæi fatentur omnes, quod civitatis istius
 post solutam captivitatem Babylonicam reedificatio fuerit re-
 spectu prioris exigua, non complexa in se & murorum suorum
 ambitu omnia ista loca, quæ Jeremias nominavit. Quod nec
 Messias venturus sit ad instaurandâ ac perficiendam adhuc istius
 civi-

civitatis amplitudinem, contra Judæorum, imò etiam Cornelii à
 Lap. in h. l. f. 743. D. & aliorum Pontificiorum somnia multis jam
 evicerunt alii. Nec Lyrano ad stipulamur, qui de reedificatione
 Jerusalem factâ per Imp. Ælium Adrianum, interpretatur. Non
 enim amplior ista fuit ædificata, sed angustior priori. Situs ejus
 alio in loco, sc. ad Montem Gihon & Golgatha, excludens pristi-
 num situm Turris Hananeel, Portæ Anguli, Torrentis Kidron,
 Portæ eqvorum. Qualis etiam hæc Sanctitas Domino, quando
 dictus Imperator ibidem Jovis Capitolini statuam erexit, Vene-
 riq; Templum statuit? (V. Bunting. Itiner. p. 1. fol. 60.) Certum (2. Positive,
 igitur manet atq; firmum, quod de mysticâ Jerusalem, h. e. Ecclesiâ de Ecclesiâ
 N. T. illud vaticinium intelligendum sit, juxta Phrasin Prophetis N. T.
 sæpius usitatam. Inprimis huc facit consideratio textus Zach.
 XIV. 8, 9, 10, 11. 20. 21. isti loco Jeremiæ insigniter paralleli, De-
 scribitur phrasibus à civitate Jerusalem petitis Ecclesiâ hujus 1. *Ædificati-*
 Ædificatio: Ædificabitur Civitas Domino. Conf. v. 28. Ps. LXXXVII, *one,*
 5. Cant. VIII, 9. Esa. LIV, 11, 12. Amos IX, 11, 12. Act. XV, 15. Zach. *Dilatatione,*
 II, 4. VI, 13. 15. XIV, 10. Apoc. XXI, 2. 2. Dilatio: Et exibat ultra
 filum mensuræ, &c. Sub extensione lineæ mensuræ ultra pristinum
 civitatis ambitum, & expressis nominibus quorundam locorum
 antea suburbanorum, vel in viciniâ sitorum notatur Ecclesiâ Am-
 plitudo ex universali Evangelii prædicatione oritura. Conf. Esa.
 XLIX, 19, 20. seqq. LIV, 2, 3. LX. 4. & seqq. Ezech. XLI. seqq. & di-
 ctum locum Zach. XIV, 9. 10. 3. Sanctificatio, Collu Gareb pro-
 pter ædes leproforum; Goha propter facinorosorum supplicia; Sanctifica-
 Vallis Cadaverum & Cinerum propter eadem vel etiam idololatri- *tione,*
 cum infanticidium; Torrentis Kidron & propter projecta olim in
 eundem idololatriæ instrumenta, sive integra sive combusta II.
 Reg. XXIII, 4. 12. & propter omnium sordium ex urbe & mon-
 tibus in eundem per pluvias confluxum pro impuris habeban-
 tur. De his tamen omnibus dicitur, quod futura sint Sanctitas
 Domino; ad indicandum, quod Novi Fæderis de gratuitâ remis-
 sione peccatorum propter Messiam, de quo v. 24. dictum erat,
 in Ecclesiâ N. T. per universalem Evangelii prædicationem par-
 ticipes futuræ sint etiam Gentes. Cum antea & ipsæ & earum
 Regiones haberentur pro impuris atq; abominabilibus, Lev.
 XVIII, 25, 27, 10. XXII, 19. Esr. IX, 11. Amos VII, 17. Act. X, 12, 13, 14. 28.

N

futu-

futurum prædicitur, ut pristina ista impuritas & abominatio per CHRISTUM abolenda, adeoq; Gentes conversæ unâ cum suâ terrâ futuræ sint Sanctitas Domino. Conf. *Esa.* XXXV, 8. *LII*, 1, 2. *Act.* X, 28. 35. 45. *XI*, 3. 17. 18. Sic in loco Jeremiæ parallelo *Zach.* XIV. de mysticâ Jerusalem ædificandâ atq; dilatandâ asseritur, quod ibidem non futurum sit amplius Anathema v. 11. quod tintinnabula equorum & alia utensilia profana sancta Domino, neq; Cava-neus, h. e. pro impuro habendus Ethnicus, ultra ibi futurus sit. v. 20. 21. 4. Perpetua Conservatio: Non evellatur neq; destruetur ultra in seculum. Conf. *Psalm.* LXXXVII, 2. *Esa.* LIV, 10. 11. 12. *Matth.* XVI, 18. Cùm verò, ut *Hypothesi* Decimâ notatum est, interdum etiam proprio verborum sensu ex parte impleantur, quæ Figuratis in Scripturâ Prophetica phrasibus prædicta sunt, & Vallis Cadaverum cum viciniâ, ad quam Ager etiam Sangvinis postea dictus referendus est, ob commissam ibi Gentilem idololatriam & cædem hominum, fuerit immundis locis annumerata, quoniam & Peregrini Gentiles in Agro isto sepeliendi à Judæis immundi habiti fuerint, non immeritò prædictio ista Prophetica de sanctificandis tempore N. T. per CHRISTUM immundis aliis locis & hominibus (quæ κατὰ τὴν διάνοιαν generalis est) speciatim censenda est etiam tunc impleta, quando Ager iste in Sepulturam Peregrinorum Gentilium pretio sangvinis CHRISTI emtus à Matthæo narratur, in præludium qd. & indicium, quod, ut ista sepulchra in tractu ex Ethnica ibi exercitâ idololatriâ infami sita, ita etiam alia immunda aliis habita loca per virtutem Sangvinis CHRISTI dedicanda, & ut ad Gentiles ibi sepultos, ita etiam ad alios ex Gentibus oriundos spectet ejus sanguis, qui effusus est, ut Gentes etiam pristina immunditie sublata Sanctitas essent Domino. Videantur quæ de Mysterio in Emtione hujus Agri pro pretio Sangvinis CHRISTI superius consideratione explicationis.

Decima Septima observata sunt.



